





ՀՐԱՏԱՐԱԿՈՒԹԻՒՆ ԵՂԲԱՐՔ ԹԱԴԷՈՍԵԱՆՆԵՐԻ

Հ Ա Յ Ե Ր Ի

ԱԶԱՏԱԳՐԱԿԱՆ ՃԱՐԺՈՒՄՆԵՐԸ

ԺԹ դարում

Կ ա մ

ՀԱՅԿԱԿԱՆ ՀԱՐՑԻ ՉՈՐՈՐԳ ՇՐՋԱՆԸ


Գ Ր Ն Ց

ԵՂԻՇԷ ա. Բահ. ԳԵՂԱՄԵԱՆՑ



Протоіерей Егишэ Гегамянцъ, Освободительное дви-
женіе армянъ въ XIX стол.

Перепеч. изъ журнала „Овитель“



Գ Ի Ն Ն է 70 ԿՈՊ

Բ Ա Գ Ո Ւ

Էլեկտր.-տպարան և Ա. Երևանցիանի

Электро-тип. Н. А. Эриванцова, Баку.

1915



9(47.925)

4 42

ՀԱՅԵՐԻ ԱԶՍՏԱԳՐԱԿԱՆ ՇԱՐԺՈՒՄՆԵՐԸ ԺԹ
ԴԱՐՈՒՄ

(ՀԱՅԿԱԿԱՆ ՀԱՐՑԻ ՉՈՐՈՐԴ ՇՐՋԱՆԸ)

Ա.

Եկատերինա Բ.-ը 1783-ին ի պաշտօնէ վրաստանը ընդունեց Ռուսիոյ հովանաւորութեան ներքոյ, իսկ 1801-ին փետրուարի 16-ին Պաւէլ կայսրը ի պաշտօնէ վրաստանը միացրեց Ռուսիայի հետ:

Միացման հանդէսին Սիօնի մայր եկեղեցում ներկայ գտնուեցաւ նաև, 6 օր առաջ Թիֆլիզ ժամանած, Արղութեան Յովսէփ կաթողիկոսը:

Սիօնի տաճարի հանդէսի հետևեալ օրը, այդ միացման առթիւ, մի այլ հանդէս էլ հայոց վանքի մայր եկեղեցում հայոց կաթողիկոսը կատարեց այնպիսի շուքով ու փառահեղութեամբ, որ մինչև այդ օրը դեռ տեսնուած ու լուած չէր Թիֆլիզում:

Վրաստանին տիրելուց յետոյ բնականաբար Ռուսիան պիտի աշխատէր հետզհետէ տարածել իր իշխանութիւնը և ընդլայնել իր սահմանները և հաշիւ Անդրկովկասին, ուր ռուսական այդ քաղաքականութեանը նպատակով առաջին և զըլ-

խաւոր տարրը ներկայանում էին հայերը, ինչպէս որ Պետրոս Մեծի և Եկատերինա Բ.-ի ժամանակի փորձերը ցոյց էին տւել:

Ուստի և 1801 թ. յունուարի 23-ին Վրաստանի կառավարիչ Կնօրինգին տուած հրովարտակումը Պաւել կայսրը պատուիրում էր «աշխատել մօտենալ Հայաստանին առևտրական յարաբերութեան միջոցաւ և ի նկատի ունենալ ձեռք բերել այդ երկիրը ըստ հաւանաւորեալի»:

Իսկ Վրաստանի միացումից 7 ամիս յետոյ, այն է՝ 1801 թ. սեպտեմբերի 12-ին նոյն Կնօրինգին տուած հրովարտակում Սդէքսանդր կայսրը գրում էր. «Ձեր առանձին աշալը ջութեանն ենք յանձնարարում գրաւել հայոց ազգին ամեն սեւակ փայփայտնով»:

«Այս ազգը ամենայնուայնի տարրն է մեր ազգայնութեան ոյժը միացնելու և միևնոյն ժամանակ քրիստոնէութեան արտաքին կապը ամրապնդելու: Ուստի մենք բարեհաճում ենք պատուիրել Ձեզ, որքան կարելի է Էջմիածնի հայոց կաթողիկոսական վանքը Ձեր հովանաւորութեան ներքոյ ունենալ և նրա զլխի հետ բարեկամական յարաբերութիւն պահպանել» *):

Բ.

Կնօրինգին տրուած այս հրահանգից ճիշտ մի տարի յետոյ, այն է՝ 1802 թ. սեպտեմբերին նրան յաջորդ նշանակւեցաւ իշխան Յիցիանովը,

*) АКТЫ, т. I, стр. 436.

թէև ազգաւ վրացի, բայց Մոսկուայում ծնւած
և երիտասարդութեան ժամանակից՝ տաճիկների,
լեհերի և պարսիկների դէմ մղուած պատերազմ-
ներին մասնակցած լինելով՝ յայտնի գեներալ էր
դարձել և իշխանութեանը սիրելի, առաւելապէս
իր զինւորական փորձառութեամբ և ժիր ու
գործունեայ բնաւորութեամբ: Սակայն միւս
կողմից՝ իշխան Յիցիանովը շատ անձնասէր, հը-
պարտ, տաք և յանդուգն մարդ էր,— յատկու-
թիւններ, որոնք թոյլ չէին տալիս նրան պարտ
ու պատշաճ լրջութեամբ վարել Վրաստանի կա-
ռավարչապետի փափուկ և պատասխանատու
պաշտօնը:

Վրաց թագաւորագունների հետ նա սկսեց
շատ խիստ ու կոպիտ ձևով վարւել և բռնի
կերպով աքսորել նրանց: Վրաց թագաւորական
ցեղին իշխան Յիցիանովը «օձի ծնունդ» էր ա-
նւանում և ոչ մի առիթ ձեռքից չէր փախց-
նում նրանց վիրաւորելու և նուաստացնելու
համար:

Յիցիանովի այդ տեսակ վարմունքի հետե-
ւանքներից մէկն էլ այն եղաւ, որ վրաց Մա-
րիամ թագուհու դաշոյնին զոհ գնաց գեներալ
Լազարևը, որին Յիցիանովը հրամայել էր ան-
կողնուց թագուհուն բռնութեամբ դուրս հանել
աքսոր քշելու համար:

Թագաւորագունների և վրացիների հետ ու-
նեցած վարմունքիցը լաւ չէր Յիցիանովի վար-
մունքը պարսիկների և նրանց խաների հետ: Եւ

վերջիններս, որոնք Պօտեօմկինի ժամանակից սկսեալ հետզհետէ այն մտքին էին յանդել, որ իրենց համար աւելի ձեռնտու է Ռուսիայի հպատակը լինել, քան շահի,—իշխան Յիցիանովի գոռոզ, ինքնահաւան և վիրաւորական վերաբերմունքը տեսնելով շարունակ՝ իրենց միտքը փոխեցին և սրաները դէպի Պարսկաստանը ուղղեցին՝ զազանի կերպով զրգոելով իրենց հաւատակիցներին ուսաց դէմ և ներքին շփոթութիւններ յարուցանելով:

Իշխան Յիցիանովի վարմունքի մասին ճիշտ գաղափար կազմելու համար՝ բաւական է առաջ բերել մի փոքրիկ կտոր այն նամակից, որ նա գրել էր մի յայտնի խանի. «Յո հողին՝ շան հողի է, խկ խելքդ՝ իշի խելք... Սպասում եմ, որ իմ կօշիկները քո արիւնով լւանամ» *):

Իր այդ վարմունքը և անսանձ լեզուն էր պատճառը, որ իշխանը ինքը ևս զոհ զնաց Բաղուի խանի դաւաճանութեանը՝ հէնց այդ քաղաքի իր անունը կրող փողոցում, ուր այժմ նրա կոթոցն է կանգնեցրած:

Մահմեդական խաներից ոչ պակաս ուսաց դէմ զրգոել սկսեցին իրենց ժողովրդին նակ վրաց թագաւորական տան այն անդամները, որոնք Յիցիանովի հալածանքներից խոյս աւելով ոմանք Իմէրէթիա էին փախել, ոմանք էլ հայրենի լեռներին ապաւինել:

*) Акты, т. II, № 1414.

Կախէթիայի մէջ անկարգութիւններն աշկարայ սկսւած էին, իսկ ուրիշ վայրերումն էլ խուլ տրտունջները գնալով շատանում և բարդւում էին: Դժգոհութիւնը ընդհանրանում էր:

Ռուսաց սակաւաթիւ զօրքի մասերն երբեմն այս կողմն էին ուղարկւում, երբեմն այն կողմը, բայց բացի այն, որ զբանից մի առանձին օգուտ չէր լինում խաղաղութեան համար, այլ նաև զօրքերն իրենք էլ էին տանջւում ու նեղանում սննդապաշարի կարի սակաւութիւնից:

Այժմ դառնանք իշխան Յիցիանովի վերաբերմունքին դէպի հայերը:

Գ.

Վերևում մենք տեսանք, որ Պաւէլ և Աղէքսանդր կայսրները յատուկ հրովարտակներով հրահանգում էին Կնօրինգին սիրաշահել և վայ-վայել հայերին և նրա հոգևորականութեանը՝ ի դէմս էջմիրածնի կաթողիկոսի:

Նոյնպիսի հրահանգ արւեցաւ Աղէքսանդր կայսրից և Կնօրինգի յաջօրգին — իշխան Յիցիանովին, որին կայսրը պատուիրում էր թէ՛ «հայերը իբրև վաճառական ազգ և Ասիայի այս մասի ամբողջ առևտուրը իրենց ձեռքումն ունենալով՝ արժանի են ձեր յատուկ ուշադրութեանն ու պաշտպանութեանը, որովհետև Պարսկաստանում հարստահարութեան ենթակայ լինելով՝ անտարակոյս նրանցից շատերը կը հաստատուեն Վրաստանի մէջ, երբ համոզուեն, որ մի բարե-

կարգ տէրութիւն է ապահովում նրանց» *):

Բայց կայսերական այս հրահանգն իշխան Յիցիանովը ոչ միայն չէր կատարում, այլ նաև դէպի հայերը ատելութեամբ լցուած՝ ամեն տեսակ վիրաւորանք հասցնում էր նրանց թէ բանիւ և թէ գրով:

Նա իր պաշտօնական թղթերի մէջ երբեմն հայերին անուանում էր «յիմար»: Երբեմն «երկչոտ», երբեմն «ջնուդ» **):

Հայերի մասին եղած հարցերին նրանց համար փնասակար ընթացք էր տալիս: Նրանց օրինական պահանջները չէր կատարում: Մինչև անգամ կառավարութեան համար հայերին փնասակար ազգ էր համարում ***):

Եւ շնայած այս աստիճան անպատահութեան ու ատելութեան դէպի հայերը՝ իշխանը հարկ եղած ժամանակ շարունակ օգուտ էր քաղում Անդրկովկասեան հայերի մեծ և փոքր ծառայութիւններէց:

*) АКТЫ, Բ. Կր. 9:

***) АКТЫ, Բ. №№ 70 և 667:

***) 1804-ին Յիցիանովը 2 ամիս Երևանի բերդը պաշարելով՝ ձեռնունայն յետ դարձաւ՝ իր հետ տանելով էջմիածնի ամբողջ զարգերը, անօթները, ակնեղէնները: 1805-ին էլ գեներալ Նէսվէտայեվը Յիցիանովի պակասը լրացրեց: Այս կրկին կողոպուտների մանրամասնութիւնը տես իմ «Պատմական քաղաած»-ի Բ. պրակի 73—74 և 77—80 երեսները: Նոյնպէս և «Պատմական նիւթեր» յօդւածը «Հովիւ» 1909 № 43.

Իսկ երբ որ վերեւից պատուիրում էին Յի-
ցիանովին կառավարութեանը ծառայութիւն մա-
տուցանող հայերին պարզելի առաջարկել, — նա
իր առաջարկութիւնները այնպիսի հոգով ու
ձևով էր անում, որ առաջարկւողները ոչինչ
չէին ստանում:

Եւ դեռ մասամբ էլ նւաստանում էին կա-
ռավարութեան աչքում *):

Իբրև ապացոյց իշխան Յիցիանովի տմարդի
վարմունքին դէպի հայերը՝ յիշենք մի երկու
դէպքեր:

Դ.

Արդութեան Յովսէփ կաթողիկոսի անակըն-
կալ մահը մեծ հարւած եղաւ ռուս քաղաքա-
կանութեան համար:

Նրա օգնութեամբ կառավարութիւնը մըտ-
քումը դրած ունէր տիրանալ հայոց Մայր Աթո-
սին և առհասարակ Արարատեան աշխարհին:

Ինքը՝ կաթողիկոսը ևս այդ բանը իմանում
էր: Եւ մեծայոյս էր, որ Արարատեան աշխարհը
պարսից ձեռքից դուրս գալուց յետոյ, ուր ու-
րեմն ինքը կը տեսնի անկախ Հայաստանը և «հայ
ազգի ոսկեզարը», ինչպէս որ կրկնում էր միշտ:

Արդութեանին փոխարինող մի այլ եպիս-
կոպոս, թէև անհամեմատ նւազ արժանիքով,
այդ միջոցին միմիայն Դաւիթն էր, Յովսէփի
կուսակիցն ու մտերիմը:

*) Акты, Р. №№ 71, 386:

Այդ էր պատճառը որ ոուս արքունիքը, զանազան քաղաքական և բռնի միջոցներով, կարողացաւ նրան կաթողիկոսացնել:

Բայց յետոյ՝ տեսնելով հայ ազգի մէջ յառաջացած յուզումներն՝ ստիպուած եղաւ Դաւթին փոխարինել Դանիէլով: Եւ այդպիսով առաջ բերեց «Դաւիթ-Դանիէլեան» տասնամեայ անցքերն» *):

Այդ անցքերից մեծապէս տուժեց նախ և առաջ հայ ազգը: Եւ ապա երկրորդաբար ինքը՝ ոուս կառավարութիւնը:

Որովհետև այն ամեն ծառայութիւններն, ինչ որ Յովսէփ կաթողիկոսը կարող էր մատուցանել կառավարութեանը՝ Արարատեան հայերին գրգռելու, կամ ցոյցեր անելու, կամ զաղթելու և այլն, — այժմ այդ ծառայութիւնները անելու ստիպուած էին ոուս զօրապետները նորանոր և յարմարաւոր զորձակալներ, ազէնտներ որոնելով և գտնելով հայերի մէջ:

Իշխանի Յիցիանովի բազդից՝ Թիֆլիզի հայերի առաջնորդ Յովհաննէս արքեպիսկոպոս Գեղարդազիքը արդէն յայտնի էր իր ոուսասիրութեամբ և Գանձակի տակ ուսանելի և պարսիկների մէջ մղւած ճակատամարտում ուսանելին

*) «Դաւիթ-Դանիէլեան» անցքերի մանրամասնութեան անփոփոխմը տես իմ «Պատմ. քաղուածներ» Բ. պրակում:

մատուցած ծառայութիւններով թէ անձամբ և թէ Աշտարակցի երիտասարդ Ներսէս արեղայի միջոցաւ:

Ահաւասիկ այդ Յովհաննէս արքեպիսկոպոսին իր ձեռքի տակ ունենալով՝ իշխան Յիցիանով Երևանի հայերից կարողացաւ երկրորդական աշխարհիկ ազենտներ ձարել և նրանց միջոցաւ այս ու այն գործը կատարել տալ:

Այդ տեսակ գործերից գլխաւորն էր այն ժամանակ աւերած ու ամոյացած Վրաստանը, ևս և Լօռին շէնացնել Երևանցի գաղթականներով:

Այս ծրագիրը զլուխ բերին իշխան Յիցիանովի ազէնտէրը, որոնց մէջ ամենից գործունեայ երևեցաւ Կաճկաճեան ազգանունով զինւորական պաշտօնեան: Եւ տհա ժԹ. դարու սկզբից խանի հպատակ հայերը փոքրիկ խմբերով սկսեցին սահմանն անցնել թագնաբար: Եւ այդ հոսանքը հետզհետէ սաստկանում էր:

Այսպէս՝ 1804 թուականում 2000 զերգաստանից բաղկացած մի խումբ հայեր պատրաստեցան դարձեալ սահման անցնել, սակայն իրենց հետապնդող պարսիկների ձեռքից ազատուելու համար՝ որոշեցին անցնել Ղարսի կողմերը՝ Տաճկաստանում:

Այս բանը Յիցիանովի հաշիւն չէր գալ: Ուստի նա Գեղարդակրին Փամբակ ուղարկեց, որպէսզի յորդորէ փախստական հայերին ոռւսաց կողմն անցկենալու:

Այսպէս էլ եղաւ:

Յիցիանովը նրանց տեղաւորեց ԼՕՌՈւայ վիճակում:

Քիչ յետոյ՝ 1000 տուն նորից եկան այնտեղ: Իսկ 1805-ին Երևանի մնացած հայերն ևս կամեցան գաղթել:

Իշխան Յիցիանովը վուլթաց Յովհաննէս արքեպիսկոպոսի միջոցաւ յորդորել նրանց, որ շուտով իրենց ցանկութիւնը գլուխ բերեն:

Ահա թէ ինչ էր գրում իշխանը Գեղարդակրին. «Ձեր գերապատուութեան ջերմեռանդութիւնը գիտենալով խոնարհաբար խնդրում եմ շսապել այստեղ ուղարկելու Երևանի հայերին, որոնց իւրաքանչիւր գերդաստանին կը հրամայեմ տալ պատրաստի տուն, այգի և արտ, որ կարծեմ նրանց համար խիստ շահաւէտ պէտք է լինի, միայն թէ նրանք չլինին ոչ վանքերին, ոչ մելիքներին, ոչ իւզբաշիններին պատկանեալներին, այլ ազատ գիւղացիներ, ինչպէս, օրինակի համար, Գեղարդի բնակիչներն են: Իսկ այստեղ նրանք մնալու են առաջուայ կարգադրութեան համաձայն, այսինքն հարկերը երեք տարի շնորհւած կը լինին և ոչինչ ծառայութիւն նրանցից չի պահանջուի: Իսկ երեք տարուց յետոյ՝ նրանք կը պարտաւորին նշանակւած հարկը վճարելու: Բայց խնդրում եմ շատ շուտով ուղարկեք, որպէսզի կարողանան այս իսկ աշնան ևրկիրը վարել գալ տարուայ համար» *):

*) АКТЫ, Р., кр. 625:

Այս խոստումներից հրապուրւելով մի խումբ հայեր, 1000 գերդաստանի շափ փախան Փամբակի նահանգը Մելիք-Աբրահամի և իւզբաշի Գաբրիէլի առաջնորդութեամբ:

2.

Վերջիններս իրենց Փամբակ հասնելն իշխան Յիցիանովին յայտնելով՝ խնդրում էին շապել Երևանի մնացած հայերի օգնութեանը հասնել և նրանց ևս օգնել այս կողմն անցնելու *), իսկ իրենց թոյլ տալ, որ մինչև այն ժամանակ Փամբակի կողմերում բնակւին:

Յիցիանովը քաջ գիտենալով, որ այդ հայերը չեն կարող այլևս Երևան վերադառնալ, միւս կողմից անգոր լինելով այն միջոցին Երևանի նւաճումը իրագործել, մի նոյն ժամանակ իր դրութիւնը ծածկել ջանալով և վերջապէս ցանկանալով այդ աշխատասէր երկրագործերին քանդուած վրաստանումն ունենալ, այլ ոչ Փամբակում՝ մելիք Աբրահամին և Գաբրիէլ իւզբաշունամակին պատասխանեց ահա թէ ինչ ձևով:

— «Ձեր նամակը ստացայ և ահա պատասխանում եմ. փոփոխամիտ հայեր, ախտաւորւած պարսկական հոգւով, — այժմ դուք մեր հացի վրայ եկաք յուսալով թերեւս զնելու այն, բայց ևս

*) Երևանի խանը կամեցաւ հայերին Պարսկաստանի ներսի կողմը քշել, որպէսզի Ռուսիոյ ազդեցութիւնից նրանց հեռացնէ: Հայերը չհնազանդեցան և փախան:

հիմիկւանից ձեզ յայտնում եմ, որ եթէ ձեր բերած դերդաստանները այս իսկ աշնան չվարեցին այնքան երկիր, որ հետևեալ տարին կարելի լինի առատութեամբ հաց ծախել, այն ժամանակ իմացած կացէք, որ հետևեալ գարնան նրանց կը քչեմ ոչ միայն դէպի Երևան, այլ նոյնիսկ դէպի Պարսկաստան, որովհետև Վրաստանը պարտաւոր չէ ձրիակերներին կերակրելու:

«Եւ որովհետև,— շարունակում է իշխանը,— դուք ինձանից օգնութիւն էք խնդրում Երևանում մնացած հայերի համար, որոնք կորչում են անհաւատների ձեռքից, ուստի ես ձեզ հարցնում եմ. արդեօք մասնիչները արժանի՞ են պաշտպանութեան: Թող կորչին նրանք շա՛ն նր՛ւան. նրանք արժանի են այս վիճակին, որովհետև անցեալ տարի, երբ ես ռուսական անպարտելի զօրքերով պաշարել էի Երևանի բերդը՝ կարեկցութեան արժանի այդ անձինքը բռնել էին Նարին-Ղալան և կարող էին ինձ յանձնել: Բայց չյանձնեցին» *):

Այսպիսի դժնեայ պատասխանից յետոյ՝ իշխան Յիցիանովը շարունակ Երևանի և նրա շրջակայ հայերին գաղթեցնելով շէնացնում էր Վրաստանը և Լօսին **):

*) АКТЫ, Բ. Կր. 627:

***) Յրնթացս 1804 և 1805 տարիների Երևանի կողմերից Վրաստան և Լօսի գաղթեցրած հայերի մամբամանութիւնքը տես АКТЫ, հատ. Բ. Կր. 211, 276, 615, 628, 696, 867 կային:

Իսկ այդ հազարաւոր հայերը, բացի այն, որ իրենց ունեցած շունեցածից զրկւեցան, այլ նաև ցրտից ու քաղցածութիւնից, ես և երկարատև մաշիչ տենդից հայեր ջնջւեցան: Իսկ նոյն թւականներում (1804 և 1805) տեղի ունեցած ժանտախարը դաղթականների $\frac{1}{3}$ մասի կեանքը խլեց:

Այնուամենայնիւ դարձեալ հայերն էին, որ Յիցիանովի բանակին ճանապարհ էին ցոյց տալիս, նրան վառօդ ու պաշար հասցնում, նրա համար լրտեսութիւն անում, նրան նեղ դրութիւնից ազատում, նրան աջակից հայ կամաւորների խմբեր կազմակերպում և այլն, և այլն:

Եւ հէնց այս պատճառաւ, այսինքն Յիցիանովին մատուցած այսքան ծառայութիւնների համար էր, որ նոյնիսկ Ռուսիոյ հովանաւորութեան տակ մտած պարսիկ խաներն ևս իրենց հերթում սկսեցին դադանի ու յայտնի կերպով սանջել, շարշարել իրենց կալւածներում ապրող հայերին:

է.

Իշխան Յիցիանովին յաջորդեցին նոր կառավարչապետներ: Դրանք կովկաս դալիս էին թէև ամենալաւ ցանկութիւններով, սակայն միանգամայն անծանօթ երկրին և դրութեանը: Այդ էր պատճառը, որ կառավարչապետների շուտաշուտ փոփոխմամբ՝ ազգաբնակչութեան դրութիւնը չէր բարւոքում և մտքերը չէին խաղաղուում:

ժողովուրդը աւագակներից տառապում էր, ցրտից կոտորւում և հիւանդութիւններից հալու մաշ լինում: Բայց դրանցից աւելի ազգարնակութիւնը տառապում էր ստորին պաշտօնեաններից, նոյն իսկ նրանց չարագործութիւններից:

Դրանցից առաջանում էին ապստամբական շարժումներ և ուրիշ անկարգութիւններ, որոնք յաճախ շատ նեղ տեղն էին լծում ուսւ զօրքին, որոնք փոքրիկ խմբերով ցրւած էին երկի ամեն կողմը: Պէտք է ասել սակայն, որ ժողորդի ցոյցերն ու արած անկարգութիւնները իշխանութեան դէմ չէր, այլ միջին և ստորին պաշտօնէութեան դէմ, որոնք ի շարն էին գործադրում բարձրագոյն իշխանութեան տւած իրաւունքները: Եւ այդ պաշտօնէութեան նկատմամբ էր, որ ցուցարարները զանգատւում էին մարկիզ Պաուլիչի կառավարչապետին ասելով թէ՛ «մենք խնդրեցինք ուսւ թագաւորի հովանաւորութիւնը և Աստուած պարգևեց մեզ այն: Սակայն նրա ծառաների անարդարութիւնն ու խրստութիւնը՝ կատարելապէս յուսահատեցրին մեզ *):

Ցուցարարներն ու ապստամբները, նամանաւանդ պարսիկ խաները, որոնց երմօլով կառավարչապետը սկսել է շատ հուպ տալ վերջերումը, լոկ զանգատով չէին բաւականանում այլ անդադար պարսից կառավարութեան հետ թագուն յարաբերութիւն էին անում՝ նպատակ ու-

*) АКТЫ, Ե. № 97.

նենալով ռուսական հովանաւորութեան տակից դուրս գալու:

Ադա Մահմէդ խանի արշաւանքից յետոյ՝ Ռուսիոյ մահմէդական տարրը առհասարակ չէր կարող հաշտ աչքով նայել ռուսական իշխանութեան տարածւիլն ու հաստատուիլը Անդրկովկասում: Եւ միշտ առիթի էր ման գալիս այս կամ այն կերպով վերականգնել նախնի մահմէդական տիրապետութիւնն ու իշխանութիւնը:

Այդպիսի առիթներն էլ սպակաս չէին:

Նապօլէօն առաջինի հռչակը Եւրոպայում, Ֆրանսիայի դեսպանների գրգռչութիւնը և Անգլիայի գաղտնի ինտրիգները՝ արծարծում և սրնուցանում էին Անդրկովկասեան մահմէդական ազգաբնակչութեան ատելութիւնը դէպի ռուսները:

Սակայն երբ Նապօլէօնը Ռուսաստանից ամօթահար յետ դարձաւ 1812 թւականում և երբ պարսից և ռուսաց մէջ յաճախակի տեղի ունեցած ընդհարումները միշտ յօգուտ ռուսների էր վերջանում,—այն ժամանակ ահա պարսիկ կառավարութիւնը բարւոք համարեց հաշտել ռուս կառավարութեան հետ:

Այդ հիման վրայ 1813 թ. հոկտեմբերի 12-ին Գիւլիստանի դաշնագիրը կնքւեցաւ, այն պայմանաւ, որ կռող երկու կողմի ձեռքներին մնան այն երկիրները, որոնք նրանց իւրաքանչիւրի տիրապետութեան տակն են գտնւում մինչև դաշնագրի կնքումը:

Այս հիման վրայ՝ Ռուսիայի սեփականութիւն համարւեցան Ղարաբաղի, Գանձակի, Շէքիի, Շիրվանի, Գէրբէնդի, Ղուբայի, Բաղուի և Թալիշի խանութիւնները: Նոյնպէս և ամբողջ Գաղստանը, Վրաստանը, Իմէրէթիան, Գուրիան, Մինգրէլիան, Աբխազիան: Նոյնպէս և Կովկասեան գծի և նոր սահմանագլխի մէջ ընկած տեղերը:

Սակայն դաշնագրի կնքումից յետոյ նոր սահմանի որոշումը ձգձգւեցաւ երկու կողմից էլ: Որովհետև պարսիկները մտադիր էին իրենցից խլած երկրի գոնէ մի մասը յետ վերցնել, իսկ ռուսները մտադիր էին էլ աւելի առաջ գնալ:

Այս պատճառաւ սահմանի որոշման առթիւ տեղի ունեցած բանակցութիւններն երբեմն սուր կերպարանք էին ստանում, և նոյնիսկ փոքրիկ ընդհարումների հասնում սահմանապահ զինուորների մէջ երկու կողմից:

Ուր ուրեմն Նապօլէօնի փախուստը էլբա կղզուց և Նիկողայոս Առաջին կայսեր թագաւորութեան նախնթաց օրերում տեղի ունեցած, այսպէս կոչւած, «գեկտեմբերեան» շարժումները Ռուսաստանում՝ սիրտ տւին Պարսկաստանին Ռուսիային պատերազմ յայտարարելու:

Այսպէս ահա սկսուեցաւ 1826—1828 թ. ռուս-պարսկական պատերազմը:

Եւ հէնց այդ պատերազմով էլ «հայկական հարցը» մտաւ իր շորորօք շրջանի մէջ:

Ը.

«Հայկական հարցի» չորորդ շրջանի կազմակերպողը և ղեկավարը եղել է Աշտարակցի Ներսէս արքեպիսկոպոսը, — վերջերում կաթողիկոս:

Տակաւին արեղայ եղած ժամանակ՝ Ներսէսը ջերմ մասնակցութիւն ունեցաւ «Դաւիթ-Դանիէլեան» կոիւնքերին իբրև վերջինիս կուսակից: Եւ քիչ գործ չկատարեց յօգուտ նրա — Դանիէլի կաթողիկոսանալուն, ինչպէս որ որոշել էր ուս կառավարութիւնը:

1803 թ. երբ իշխան Յիցիանովը Գանձակը պաշարել էր՝ երիտասարդ Ներսէսն էր նմանապէս, որ Գեղարդակիր Յովհաննէս արքեպիսկոպոսի ձեռքի տակ՝ այս ու այն ծառայութիւնն էր անում ուս բանակին:

Ապա՝ Դանիէլի մահուանից յետոյ՝ 1809 թւականում Ներսէսը աւելի գործօն դեր խաղաց եփրեմին կաթողիկոսացնելում, որ նոյնպէս որոշել էր ուս կառավարութիւնը:

Իր այս երեք գործերով երիտասարդ Ներսէսը ապացուցեց իր ընդունակութիւնը և էջմիածինն ու հայ ազգը պարսկական լծից դուրս բերելու ջերմ ցանկութիւնը:

Ներսէսի այդ յատկութիւնները շատ և շատ ձեռնտու էին այն ժամանակ ուս քաղաքականութեանը:

1814 թւին Ներսէսը նշանակւեցաւ Վրաստանի հայերի առաջնորդ և հաստատուելուց յե-

տոյ՝ անմիջապէս ռուսաց հպատակութիւն ընդունելով՝ սկսեց աւելի եռանդուն կերպով գործել յօգուտ ոչ միայն եկեղեցու և իր հօտի, այլ նաև ռուս քաղաքականութեան, ինչպէս վկայում է ժամանակի կուսակալ Բախչևը կայսեր զրած մէկ թղթում, որով միջնորդում էր ներսէսի վեղարի համար բռիլեանդ խաչ, որ և տրուեցաւ:

«Ներսէս արքեպիսկոպոսը դէպի ինքն է գրաւում, — գրում է կուսակալը, — սահմանակից Պարսկաստանում և Տաճկաստանում ապրող իր դաւանակից հայ ժողովրդին: Եւ շատ դէպքերում նա մեծ օգուտ է տւել այս երկրի գործերին՝ իր հաւատարմատարների միջոցաւ ամենաճիշտ տեղեկութիւններ հասցնելով ինձ արտասահմանում տեղի ունեցած անցքերի մասին և Վրաստանի թշնամիների դիտաւորութիւնները խափանելով» *):

Թ.

Ինչպէս յիշել ենք՝ 1826 թւի պատերազմը պարսիկները սկսեցին: Եւ սկսեցին առանց յայտարարելու:

Յուլիսի 16-ին նրանց բանակը յանկարծակի յարձակւեց Փամբակի և Շորագեայի սահմանապահ և սակաւաթիւ ռուսական վաշտերի վրայ և սկսեց անողորմաբար ջարդել նրանց:

*) Акты, В. № 523:

Եւ որովհետեւ այդ վաշտերը, ամենամեծ մասամբ, զետեղւած էին հայկական զիւղերում, ուստի զինւորների հետ հայերն ևս, մինչև անգամ կանայք ու պատանիները, քաջութեամբ զիմադրելով՝ ընկնում, սրախողող էին լինում պարսիկներին:

Այսպէս Փամբակի և Շորագետալի բազմաթիւ և ծաղկած հայ զիւղերը միքանի օրում անմարդաբնակ աւերակների վերածւեցան: Այդ աւերակներն ու մօտակայ գաշտերը հայերի զիակներով լցւեցան:

Փախստականների մի շատ աննշան մասը հազիւ հագ իր շունչը Ջալալ-Փղլիում և Գարգառի զիւղերում կարողացաւ աւնել:

Փամբակի և Շորագետալի զլխին այս դուռումը բերողը Հասան խանն էր, -- Երևանի սարգարի եղբայրը:

Ժ.

Հասան խանի հետ միաժամանակ պարսկական մի այլ բանակ, 60,000 հոգով, Աբբաս Միրզայի առաջնորդութեամբ՝ Ղարաբաղի վրայ էր յարձակւել, Շուշի բերդին տիրելու:

Ճանապարհին պատահած սակաւաթիւ ուստի պահակների հետ՝ տեղական հայերին ևս կոտորելով ու նրանց տները այրելով *) վերջապէս

*) Այդ միջոցին էր, որ պարսիկները Տաթևի վանքը կողոպտեցին և աւերեցին և վանահայր Ներսէս եպ. - ին Փարիզ տանելով՝ խեղդեցին:

Աբբաս Միրզան եկաւ բերպը պաշարեց, ուր ամ-
րացած էր գնդապետ Ռէուտը 1700 զինուորնե-
րով:

Պաշարումը 41 օր տևեց, որի ժամանակ հա-
տաւ թէ զինուորների թէ ժողովրդի պաշարը և
վառօղը:

Ինչպէս միշտ, նոյնպէս և այս անգամ հա-
յերն էին, որոնցից ոմանք գիշեր ժամանակ բեր-
դի ժայռերից թռկերով սողոսկում, ցած էին իջ-
նում և Թիֆլիզի Երմօլով կուսակալից օգնու-
թիւն խնդրում:

Ոմանք ուսերի վրայ ցորենի տոպրակները
բարձած գիշերները իջեցնում էին Շօշ գիւղի
ջրաղացները, աղուն անում և վերադառնում:

Ոմանք էլ վարպետները, զօրքի համար օրա-
կան 30—40 զբւանքայ վառօղ էին պատրաս-
տում:

Այս և այս այսպիսի ծառայութիւններով հա-
յերը թոյլ չտւին, որ Շուշին անձնատուր լինի:

Դրա համար էլ Աբբաս Միրզան՝ իր բանա-
կից 12,000 հոգի Գանձակի վրայ ուղարկելով,
ինքը շարունակեց պաշարումը:

Գանձակի վրայ շարժող բանակը ի միջի այ-
լոց քարուքանդ արաւ նաև Բօլնիսի հայ գիւղերը:

Պարսիկների Գանձակի մօտենալը և ճանա-
պարհին նրանց զործած ոճիրները սարսափ ձգե-
ցին Թիֆլիզի վրայ, որի ժողովուրդը թողեց փա-
խաւ Դուշէթի լեռները:

Թիֆլիզում եղած ուսս գորքի քանակը 3,000 հոգու էլ չէր հասնում: Իսկ Աբբաս Միրզան բացի իր սուլար բանակից, իրեն աջակից և օգնական ունէր Անդրկովկասեան ամբողջ մահմեդական ազգաբնակութիւնը, որ աշկարայ ոտքի էր կանգնել և ապստամբութեան գրօշակ պարգել:

Ճարարադի այս ապստամբութեան ժամանակ,—գրում է կուսակալ Երմօլովը,—տէրութեան յոյսը մնացել էր միմիայն հայոց վրայ, որպէս կրօնակիցներին:

Իսկ հայերին շարժողը այդ ժամանակ ներսէս արքեպիսկոպոսն էր, որ Երմօլովի խնդրանօք մի ընդհանուր շրջաբերական ցրեց 1826 յուլիսի 20-ին, որով յորդորում էր հայերին՝ զիմադրել պարսիկներին և յուսադրում էր նրանց ասելով, որ եկել հասել է ժամը, երբ հայերը պիտի տեսնեն Արարատեան աշխարհի և հայոց ազգի ազատութիւնը: Հասել է ժամը, երբ Մայր Աթոռը պիտի վերականգնէ իր վաղեմի անկախութիւնը, ոտքի կանգնեցէք, հայոց քաջեր, թօթափեցէք պարսից լուծը, ուրախացրէք ալեզարդ Մասիսին, մի անգամ արիւնով ներկեցէք հայրենի հողերը և ապա ապրեցէք ազատ: Ժամ է արդէն, ճն անդր, այժմ կամ երբէք»:

Այս շրջաբերականը, նմանապէս ներսէսի մասնաւոր նամակներն այս ու այն քաղաքի ազգեցիկ հայերին՝ ունեցաւ իր ազդեցութիւնը: Եւ

սպասածից աւելի սրտապնդեց և ոգևորեց հայերին:

Ի տրիսուր Ներսիսի այս ծառայութեանը՝ թագաւոր կայսրը 1827 փետրւարի 2-ին մի հրովարտակ ուղարկեց Ներսիսին, որովնրան և նրա հօտին յայտնում էր «զկատարեալ բարեհաճութիւն Մեր և հաւատարմացուցանել զնոսա (հայերին) կայսերական բանիւ Մերով թէ յարատեւել ունին առ նոսա յատուկ ողորմութիւն Մեր:

«Չորչափ ժամանակ տեւեցէ անյողողոզ հաւատարմութիւն ազգի Չերոյ, որ գտեալն է զյուսալի տեղի ապաւինի ընդ հովանեաւ Գահին Ռուսիոյ, հարկ համարեսցուք Մեր հոգ տանել անբուն վասն բարեպաշտութեան նրա և անգորութեան»:

Այս հրովարտակը հայերէն թարգամանութեան հետ Ներսէսը տպագրել տւեց այսպիսի վերնագրով «Հոչակ ողորմութեան Ինքնակալի և կայսերամենայն Ռուսաց Նիկողոսի Առաջնոյ առ ազգն Հայոց, որ ի Վրաստան» և հազարաւոր օրինակներով լցրւեց ազգի մէջ:

ԺԱ.

Կայսերական այս հրովարտակին անմիջապէս հետեւեցաւ Բարձրագոյն կարգապետութիւն հայկական ռազմիկ գունդ ես կազմելու:

Այս առթիւ Վրաստանի զօրքերի զլխաւոր հրամանատարը 1827 մայիսի 24-ին մի կոչ հը-

բատարակեց, որտեղ գրում է հետևեալը՝ «ան-
ցեալ տարի՝ պարսից զօրքի մեր սահմանի վրայ
յարձակելու օրից ի վեր՝ հայերը ցոյց տւին
կատարեալ քաջութիւն թշնամու դէմ, զրկանք-
ների և թշուառութիւնների մէջ անդրդւելի համ-
բերատարութիւն, անսահման անձնւիրութիւն դէ-
պի քրիստոնէական կրօնը և օրինակելի հաւա-
տարմութիւն դէպի ուսական գահոյքը, -- ուստի
Թագաւոր կայսրը իր ողորմած ուշադրութիւնը
դարձրեց իրեն հաւատարիմ հայերի վրայ: Եւ
թէպէտ թշնամոյն խորտակելու համար ու-
սաց զօրքն էլ բաւական է առանց կողմնակի օգ-
նութեան, սակայն Նորին Մեծութեանը հաճելի
թւեցաւ, որ իրեն քաջ զօրքերի բանակում՝ այս-
տեղի հայերից մի առանձին դունդ ևս կազմւի:

«Հայեր, -- այսպէս է վերջանում կոչը, --
ձեր եռանդը վարձատրութեան արժանի է, մեծ
կայսեր ուշադրութիւնը ձեր վրայ է դարձւած,
դուք կունենաք ձեր զօրամասերը, ձեր սեփա-
կան զրօշակները, ձեր զէնք կը տրւի ձեր հար-
ստահարւած եղբայրների մէջ խաղաղութիւնը
հաստատելու համար, ձեր ընտանիքի կեանքը
ապահովելու համար, կայսեր ողորմութեանը
արժանանալու և հայրենիքին պաշտպանելու հա-
մար»:

Այս կոչին մեծ ոգևորութեամբ ձայն տւին
հայերը և համաձայն հրահանգի՝ ձեռաց կազմա-
կերպւեցաւ հայոց զօրքը առանձին-առանձին
բատալիօններով:

Ամեն մի բառալիօն ունէր՝

շտապ-օֆիցէր	1
կապիտան	2
շտաբս-կապիտան	2
պօրուչիկ	4
պօղպօրուչիկ	4
գանձապահ	1
ադիւտանտ	1
գունահաշի	4
թմբկահար	4
ունտեր օֆիցէր	80
զինւոր	800
սայլապան	40

Այս զնդերը հետևակներ էին, որոնց կազմակերպողն եղաւ Ներսէս արքեպիսկոպոսը: Գրիգոր եպիսկոպոս Մանուշարեանցն էլ 500 հոգուց բաղկացած մի հեծելագունդ կազմեց Ղարաբաղի հայերից.

Եւ ահա այս հետևակ ու հեծեալ հայ զընդերն էին, որ 1826—1828 թ. պատերազմի տևողութեան միջոցին անգնահատելի ծառայութիւններ մատուցին ռուսաց զէնքի յաջողութեանը:

Հայ հոգևորականութեան և հայ զինւորութեան այդ օրինակը մեծապէս շարժեց և հայ ազգաբնակչութեանը առհասարակ: Ամեն մի հայ մարդ՝ մեծ թէ փոքր տղամարդ թէ կինար-

մատ, — ամենքը, ամենքը անխտիր իրենց ձեռքից եկած ծառայութիւնը և օգնութիւնը չէին խնայում ոռւսներից, ինչպէս որ արդարացի կերպով վկայել է «Վէրք Հայաստանի» զրքի հեղինակը իր այս տողերով՝ «Ինչ որ պարսից կուրի ժամանակ հայք արին, Աստծուն է յայտնի: Թէ մարդ չիմանայ, քարերը վկայութիւն կը տան: Հալըաթ որ մէկ արդար, անաչառ մարդ Վրաստանու պատմութիւնը կը գրի, էն ժամանակը կերևի, թէ հայք ինչ արին, ինչ հաւատարմութիւն են ցոյց տւել տէրութեանը, ինչ արին են վերածել»...

ԺԲ.

Հայ ժողովրդի ընդհանուր համակրանքը դէպէ ոռւսները, նա մանաւանդ հայ հոգևորականութեան և երիտասարդութեան պաշտօնապէս զինուելն և ոռւս զինուորների շարքի մէջ մտնելն, ինչպէս որ սպասելի էր, ընդհանուր զայրոյթ առաջ բերեց մահմէդական թէ բանակի և թէ՛ ազգաբնակչութեան մէջ: Կատաղութիւնն ու վրէժխնդրութիւնը՝ գնալով սաստկացան և խժղրժութիւններ չմնացին, որ պարսիկները չգործէին հայերի վրայ, առաւելապէս անպաշտպան և անզէն գիւղերի վրայ:

Վերևում մենք տեսանք թէ ինչպէս 1826 թ. Փամբակի և Շորագեալի բազմաթիւ և ծաղ-

կած հայկական զիւղերն, մի քանի օրուս, անմարդարնակ աւերակների վերածւեցան:

Նոյն վիճակին ենթարկուեցան, 1827-ին նաեւ Դեշիջանի ձորի շրջակայ հայ գիւղերը: Նոյն քրականին եւ նոյն վիճակին ենթարկուեցան Ղարսդաղի հայկական գիւղերն:

Աւելի վատար եղաւ Արարատեան դաշտի գիւղերի վիճակը, որովհետեւ մինչդեռ Ներսէս Աշտարակեցու առաջնորդութեամբ Բէնդէնգօրֆի զօրավարի բանակը գալիս էր իբրև թէ այդ զիւղացիներին ազատելու, — բանից զուրս եկաւ, որ դաշտի վրայ տարածւած բոլոր հայերին պարսից կառավարութիւնը բռնութեամբ Արաքսի միւս ափն է անցկացրել՝ քանդելով նրանց զիւղերն և ոչնչացնելով նրանց սլաշարը: Պարսիկները, հարկաւ, չէին մոռացել դատարկել նաև էջմիածնի հացի ամբարներն և մթերեղէնների շտեմարաններն:

Բացի դրանից՝ գիտնալով որ ոսները Երևանի վրայ գալու պատրաստութիւն են տեսնում, — պարսիկները նախօրօք արգելած էին դաշտի հայերին իրանց աշնանային և զարնանային ցանքսերն անելու, որպէս զի ուսները պատրաստի հաց չունենան հնձելու:

Եւ արդարև երբ ապրիլի 9-ին Ներսէսը Բենդէնգօրֆի բանակի հետ՝ Երևանի դաշտը մտաւ, — փոխանակ իր յուսացած առատ հացի ու մթերքների տեսաւ ամայացած ու կո-

դոսպուած հայկական զիւղերի՝ աղէկատուր, ան-
մարդարնակ աւերակները կեթ *),

Գարձեալ յուլիսի 7-ին երբ պարսիկները
Արաս Արագ բերդը ուսններին յանձնելով՝ իրենք
հեռացան՝ ճանապարհին շրորոքեալ անհնարին
գայրացուկս սրտի սկսաւն կողոպտել, քանի որ
նրանց առնել զքնակաւրանս հայոց, որք քախու-
ցեալ թագչէին յերեսաց կատաղութեան նոցա»:

Գարձեալ՝ Երևանի եռամեայ պաշարման
ժամանակ՝ բերդից դուրս գտնւած հայերը «մը-
նան առհասարակ տարագիր յօտարութեան և ի
սարս և ի ձորս սահմանաց Օսմանցոց», — գրում
է ինքը՝ Ներսէսը:

ՓԳ.

Բայց ինչ էլ որ լինի՝ վերջապէս 1828 թ.
փետրուարի 10-ին թիւրքմէն չայի հաշտութեան
գաշնագիրը կնքւեցաւ, որով Երևանի և Նախի-
ջևանի խանութիւնները անցան ուսններին:

Պէտք էր յուսալ, ուրեմն, որ պատերազ-
մական գործողութիւնների վերջանալով՝ ժողո-
վրդի տառապանքներին ևս վերջ կը տրւի:

Գժբաղդարար այդպէս չեղաւ:

*) Այդ միջոցին էր, որ Ներսէսը Բիւրականցի
Յովհաննէս Ասլանեան ազգանունով երիտասարդին էջ-
միածին ուղարկեց իր գալուստը իմացնելու: Պարսիկ-
ները բռնեցին Ասլանեանին քիթը կտրեցին, մէկ աչքը
հանեցին և լեզուն կտրելով՝ կիտաշունչ դիակը գաշտի
մէջ ձգեցին:

Թիւրքմէն չայի գաշնագրի 15-րդ յօդուածով Ատրպատականի բոլոր բնակիչներին իրաւունք էր արւում, յրնթացս մի տարւայ, ազատարար պարսից երկրից անցնել ուսաց նորանւած գաւառները: Նրանց թոյլ էր տրւում նրմանապէս՝ դուրս տանել կամ ծախել իրենց շարժական գոյքը: Իսկ անշարժ կալւածները ծախելու մի տարի ժամանակ էր նշանակւած:

Դաշնագրի այդ յօդուածը խմբագրուած էր յատկապէս հայերի համար:

Հէնց գաշնագրի այդ յօդուածի տրամադրութեամբ էլ՝ Պասկեվիչը՝ անմիջապէս՝ ձեռնարկեց պարսկահայերի գաղթեցուցմանը՝ զօրավիզ և աջակից ունենալով Ներսէս արխեպիսկոպոսին:

Բայց նախ քան գաղթականութեան մանրամասնութեան մէջ մտնելը՝ տեսնենք թէ ի՞նչ եղաւ հայոց զօրքը հաշտութիւնից յետոյ:

ԺԳ.

Հայոց զօրքի մասին ահա թէ ինչ է գրուածականատես զօրավար Մուրավեօվը, «պատերազմի դաշտում նրանք ցոյց տուին, որ կատարեալ զինւորներ են: Իսկ Օրդուբադից յետ մղւելիս՝ նրանք պարսից հետ կաւում էին զարմանալի քաջութեամբ»:

«Այս նոր զօրքերը ամենամեծ յոյս էին տալիս՝ ժամանակին սրանցից մեծ գնդեր (корпуса) կազմելու փոխարինելու համար ուսանողներին, որոնք կլիմայի պատճառաւ՝ կոտորւում էին:

Սակայն իշխանութեան անհոգութիւնից լաւ կերպով սկսւած այս գործը՝ վատ վերսլով վերջացաւ:

Մեր գօրքի հետ միացած հայոց առաջին վաշտը՝ հետզհետէ մեծացաւ սարսից բանակից մեզ մօտ փախչող հայ սարբազներով և Երևանի խանի հպատակ հայերով: Նրանք հաւատարմութեան երդում տալով՝ մտան իրենց ազգակից զինւորների շարքը և մեզ հետ համահաւասար քաջութեամբ կռոււմ էին:

Երբ Երևանը առնւեց՝ այս զինւորներին միանգամայն առաւելց հսկողութեան և ուշադրութեան քողեց զինւորական նոր իշխանութիւնը, որ Երևանում նստած ամենեկին չէր էլ մտածում հայ զինուորների մասին: Նրանց ոչ շոր էիւն տալիս, ոչ ռոճիկ, եւ որ զշխարհն է, նրանց մարդասէղ չէիւն դնում, հետևեալ չէիւն խօսում, նրանց չէիւն պատրաստում ապագայ գործի համար: Մինչդեռ, — ինչպէս ինձ քաջ յայտնի է, — նրանց հետ լաւ վարւելով և նրանց վրայ ուշադիր լինելով՝ նրանք պատրաստ կը լինեն ամեն բան տանելու և երեխայի նման հնազանդելու»: Ծիշտ է փախչողներ եղան, որոնք հետզհետէ շատացան, բայց մեծամասնութիւնը՝ մնաց: Իսկ հաշտութիւնը կայանալիս՝ երբ այս զինւորները տեսան, որ իրանց դարձեալ բաց չեն թողնում համաձայն իրենց եւ իշխանութեան մէջ եղած պայմանի, — այն ժամանակ նրանք, օրինական ճանապարհաւ, իշխանութեանը գանդատուեցին:

Բայց շտանարով ոչ մի պատասխան եւ մեծ նեղութեան մէջ զճննելով՝ ստիպուած էին թողնել իրանց պաշտօնը եւ գնալ Թիւրքիզ»:

«Հայ զինուորների այս վարժուէքը անշուշտ ապստամբութիւն պէտք էր համարել»:

Ուստի նրանց բռնութեան եւ գվարդիայի գնդի մէջ տեղաւորեցին հսկողութեան տակ, ուր ես պատահեցայ նրանց:

Ինձ տեսնելիս՝ նրանք շատ ուրախացան, սակայն ես հետները շխտեցայ, երկիւղ կրելով մի գուցէ պատահաբար նրանց մէջ մը այնպիսի միտք ծագի, որ անհամապատասխան լինի իշխանութեան հայեացքին:

Այս զինուորների վրայ բնութիւն նշանակեցաւ. որի հետեանքը, սակայն, ինձ անյայտ մնաց: Զիմացայ նմանապէս թէ այդ զինուորների վերջն ի՞նչ եղաւ: Այսքանս յետոյ լսեցի, որ այդ զինուորների ապստամբութիւնը՝ վերագրել են ներսեսիս, որին ամեն մի քանուով յանցարտ էին դուրս քերում:

Եւ այսպէս ահա հէնց սկզբից քանդակեցաւ այն օգտակար ձեռնարկութիւնը, որ կարելի էր զլուխ բերել վրաստանում»:

Այժմ դառնանք գաղթականներին:

ԺԵ.

Երևանի և Նախիջևանի խանութիւնները, — որոնց Հայկական նահանգ անունը տրեցաւ, —

սուսաց ձեռքն անցաւ դրեթէ բոլորովին անմարդարնակ, աւերակ ու ամալի դարձած: Հարկաւոր էր շէնացնել, ժողովրդով լեցնել: Իսկ այդ ժողովուրդը լինելու էին պարսկահայերը, — նըրանք, որոնք պատերազմից առաջ՝ պարսիկներից քշւած հեռացրած էին Արարատեան դաշտից. նմանապէս և նրանք, որոնք մշտապէս Պարսկաստանումն էին բնակւում:

Այդ ժողովրդով, այդ «աշխատասէր, հլու և մեզ կրօնակից ժողովրդով անհրաժեշտ է լեցնել այս ամալացած երկիրը», — գրում էր ինքը Պասկևիչը դուքս Դիբիչին *):

Իր այս նպատակը իրագործելու համար՝ Պասկևիչը դիմեց Ներսէս արքեպիսկոպոսի օգնութեանը, որ՝ ինչպէս ասում են՝ գրկաբաց ընդունեց Պասկևիչի առաջարկութիւնը:

Պետերբուրգից էլ Պասկևիչը բերել տւեց լազար Աքիմիչ լազարեանին, — լազարեան յայտնի տոհմից, որ թէև 28 տարեկան հաղիւ կար, բայց արդէն զնդապետի աստիճան ունէր:

Պասկևիչը նրան Թաւրիզի քաղաքապետ նըշանակելով՝ գաղթականութեան գործին զլուխ և ղեկավար նշանակեց, տալով նրան օգնական ենթագնդապետ Մովսէս Երկայնաբազուկ-Արդութեանին և միքանի այլ հայ օֆիցերներին:

Ներսէսը իր հերթում գաղթականութեան գործը զլուխ բերելու համար՝ իր կողմից նշա-

*) АКТЫ, VII, № 561.

նակեց Ենովբեան Ստեփան եպիսկոպոսին, Ղարաբաղցի Նիկողայոս վարդապետին և միքանի ազդեցիք քահանաների:

Աւասիկ այդ հոգևոր և աշխարհական ազենտներին յանձնարարեցաւ, որ շրջելով ողջ Պասկաստանում, հայերին գաղթեցնել տան: Ինքը Լազարեանը ևս առաջին անգամ շրջագայեց Մարաղայում, Սալմաստում և Ուրմիայում գործին լաւ և արագ ընթացքը տալու համար:

Իրանով էլ չբաւականանալով՝ Լազարեանը մի կոչ ևս հրատարակեց պարսկահայերին, որով հրաւիրում էր նրանց գաղթել նորանաճ երկիրը, «որտեղ ձեր բարեկեցութիւնը կը կարգաւորէք, — ասւած է կոչի մէջ, — և այժմեան ձեր կրած չնչին գոհողութիւնների փոխարէն հարիւրապատիկ վարձատրութիւն կը ստանաք»:

— «Շտապեցէք ուրեմն, ժամանակը թանկ է: Ռուսաց զօրքերը շուտով Պարսկաստանի սահմաններից կը հեռանան, այն ժամանակ կը դրժւարանայ ձեր գաղթումը և այնուհետև, — վախեցնում է Լազարեանը, — մենք չենք կարող երաշխաւորել ձեր ասպահովութիւնը *):

ԺԶ.

Այս կոչը, կոչից էլ առաւել՝ Լազարեանի հոգևոր և աշխարհիկ ազենտները փառաւոր կերպով գլուխ բերին գործը՝ է որ յորդորանքով, է

*) Собр. актовъ, մասն II, Կր. 166:

որ սպառնալիքով և է որ գրաւելով ու խոստումներով *):

Որովհետև ժողովուրդը թողեց իր եկեղեցիները, իր աները, իր պաղարեր պարտէզներն ու այգիները, իր մշակած դաշտերը, իր դուքաններն ու արհեստանոցները, ամենը, ամենը,— փոխելով այդ ամենը մի անյայտ սպազայի հետ:

Ոչ պարսից կառավարութեան ազենտների յորդորները, ոչ Աբբաս Միրզայի առանձնայատուկ հոգացողութիւնքը, ոչ նրա պաշտօնական և անպաշտօն բողոքները ուսաց ազէնտների ապօրինի և բռնի գործողութիւնների նկատմամբ,— չկարողացան հայերի արտագաղթը խափանել:

*) Պարսկահայերը և նրանց սրտացաւ ղեկավարները Լազարեանի այս խոստումները հալած իւղի տեղընդունեցին: Մինչդեռ տեսէք թէ այդ խոստումներին ինչպէս վերաբերեցան ներստորականները: Ահա Լազարեանի սեփական վկայութիւնը Պասկեիչին ներկայացրած տեղեկագրում «Ատրպատականում բնակող բազմաթիւ նեստորականներից,— առանձին իմն ջանք թափելուց յետոյ, — հազիւ հազ ես կարողացայ 100 տուն գաղթեցնել: Շատ ջանք թափեցի, դրամական մեծամեծ նպաստներ խոստացայ՝ բոլորին գաղթեցնելու, բայց ապարդիւն: Գաղթեցրածս 100 տան համար երկու ազգեցիկ մեկիքներին նշանաւոր գումար տւի: Գալով միւս նեստորականներին,— նրանք դրականօրէն յայտնեցին, որ երբէք տեղներիցը չեն շարժուիլ, մինչև որ ուսաց կառավարութիւնը լիովին և կանխիկ չըվճարէ Ատրպատականում ունեցած իրենց անշարժ կայքերի արժէքը»:

Ամենամեծ եռանդ ցոյց տւեց նամանաւանդ

Ներսէս արքեպիսկոպոսը, որի հրահանգի զօրութեամբ՝ առաջին գաղթողներ հանդիսացան պարսկահայ ժողովրդի հովիւները— քահանաները, որոց սպառնում էին կարգալոյժ անել, եթէ արհամարհեն հոգևոր բարձրագոյն իշխանութեան պատւէրները: Իսկ հոգևոր բարձրագոյն իշխանաւորը այդ ժամանակներում Ներսէս արքեպիսկոպոսն էր, որ հրաժարւած Նփրեմ կաթողիկոսից արտօնւած էր կաթողիկոսական պաշտօն վարելու:

Ներսէսի եռանդի մասին մի փոքրիկ գաղափար կազմելու համար՝ ես բաւական եմ համարում հետևեալ փաստը արձանագրել:

Սարգստի ս. Բարդուղիմոս վանքի վանահայր Իսրայէլ եպիսկոպոսը գաղթականութեան հակառակ կանգնեց և արձակ համարձակ յորդորում էր ժողովրդին տեղներիցը չշարժւել:

Ներսէսը անմիջապէս գիմելով Պասկեիշին գրեց— «Համաձայն պատրիարք կաթողիկոսի ինձ տւած իշխանութեանը հայոց բոլոր հոգևոր գործերը կառավարելու համար, ես խնդրեցի զօրավար զենեքալ-մայօր Չաւչափաձէին, որ գրէ Խօյի բերդապետին՝ յիշեալ Իսրայէլ եպիսկոպոսին զինուորների խիստ հսկողութեամբ ուղարկել էջմիածնի վանքը հոգևոր գատի ենթարկելու, և այս գէպքում ամենևին չքաշւել նրա աստիճանն անպատուելուց»:

ժէ.

Պէտք էր կարծել, որ այդքան եռանդով հայ ժողովրդին Պասկաստանից դուրս բերել տւող Պասկեիչը որքան և իցէ պատրաստութիւն կը տեսնի՝ ինչպէս նրանց տեղ հասցնելու, նոյնպէս և այնտեղ նրանց տեղաւորելու համար:

Ոչ այս և ոչ այն

Գաղթականների թիւը 8249 տուն էր կամ 45,000 հոգի:

Դրանց մինչև սահմանազուխը հասցնելու համար Պասկեիչը Լազարեանին տւել էր ընդամենը 25,000 ռուբլի:

2000 ոսկի կամ 6000 ռուբլի էլ Լազարեանը թիֆլիզի հայ վաճառականներից էր ստացել:

Եւ ահա մի այդպիսի չնչին գումարով 45,000 հոգի գաղթականներն անբրեւակայելի նեղութիւններով ու սառապանքներով, մաս առ մաս, Արաքսն անցնելով՝ մասն ռուսաց սահմանը, որտեղից այն կողմը նրանց առաջ տանելու, նրանց խնամելու և տեղաւորելու հոգսն ու տարտաւորութիւնը յանձնւած էր մի «ժամանակաւոր կառավարութեան», որի անդամներից մէկն էլ Ներսէս արքեպիսկոպոսն էր:

Այդ կառավարութեան գործունէութեան մասին մի գաղափար տալու համար՝ ես այստեղ դնում են Լազարեանի իրեն համակը յանուն Պասկեիչի:

ԺԸ.

«Շտապում եմ զեկուցանել Ձեր սայժա-
ռափայլութեանը, որ գեներալ Պանդրատեփի ինձ
գրած թղթերով հաստատում են այն լուրերը,
որ ինձ հասած էին Արաքսն անցնող հայերի գը-
րութեան մասին: Հաստատում է, որ Նախիջե-
ւանի և Երևանի գաւառներում հացի մեծ սա-
կասութիւն կայ և տեղական իշխանութիւնը ոչ
մի օգնութիւն չէ կարողանում հասցնել մինչև
անգամ այն 700 տուն հայերին, որոնք Մարա-
ղայից գաղթեցին: Այս գերդաստանները թողին
ամեն ինչ և ամենից շուտ գաղթելով, չկարողա-
ցան իրենց հետ վերցնել մինչև անգամ իրենց
աննդեան համար հարկաւոր հաց:

«Իմ գրութիւնը ծանր է,—շարունակում է
Լազարեանը: Յայտնի է, որ գաղթականներին
օգնելու գործը յանձնւած է Երևանի «ժամանա-
կաւոր կառավարութեանը», որից ես ոչ մի
տեղեկութիւն չունիմ և չգիտեմ ինչ անեմ:

«Եթէ գաղթականութիւնը դադարեցնեմ՝ ձեր
կամքին հակառակ շարժած կը լինեմ: Իսկ եթէ
փութացնեմ գլուխ բերելու, սոսկում եմ, որով-
հետև այս թշուառ գերդաստանները, որ ամեն
բան գոհելով մեզ հետևեցին, դաժան սովին գոհ
կը դառնան:

«Իմ կարծիքով միակ ելքը այն է, որ մենք
դրամական նպաստը շատացնենք, որպէսզի գաղ-
թականները կարողանան հարկաւոր թւով կեն-

դանիններ զնել՝ իրենց հացերը բեռներու համար: Իսկ հաց այստեղ շատ կայ և շատ էլ էժան է:

«Այս անհրաժեշտ է գտնէ ձմեռուայ համար, այսինքն մինչև նոր հունձը:

«Իժբաղդարար ես զբամական նպաստն էլ չեմ կարող տալ, որովհետև Ձեր նշանակած նրպատաղբամից ես միմիայն 8000 ոսկի (24,000 ու.) եմ ստացել: Դրանիցն էլ, ըստ Ձեր կարգադրութեան, 1500 ոսկի (4500 ու.) Թաւրիզի բնակիչներին եմ բաժանել:

«Մօտս մնացած գումարը բաւականութիւն չի անուժ ոչ թէ գաղթականներին օգնելու, այլ նոյնիսկ տեղներիցը շարժելու, եթէ մինչև անգամ ընդունելու լինինք, որ նորանւած մեր երկրում, սրանց համար ամեն ինչ պատրաստ կը լինի:

ԺԹ.

Լազարեանից և նրա օգնականներից ստացւած այսպիսի բովանդակութեամբ նամակները ստիպեցին Պասկևիչին № 937 գրութեամբ դիմել, — ինչ էք կարծում, ուժ, — ներսէս արքեպիսկոպոսին մեղադրելով, թէ նա ինչո՞ւ սկզբում առատօրէն խոստանում էր գաղթականների ծախքը հոգալու՝ առանց արքունի գանձարանին ծանրութիւն պատճառելու, իսկ հիմայ չէ օգնում:

«Եւ որովհետև, — գրում է Պասկևիչը, — գանձարանը ևս անկարող է օգնել, ուստի դարձեալ

Ներսէսին և հայ հոգևորականութեանն է մնում հնար ու միջոց գտնել գաղթականներին սովամահ լինելուց ազատելու համար» *) :

Ընթերցողի առաջն եմ գնում Լազարեանի մի այլ նամակը գրւած մայիսի 21-ին Նախիջևեւանից՝ Արաքսն անցած և արդէն ուսսաց սահմանը մտած գաղթականների վիճակի մասին :

Այս նամակը Լազարեանը գրել է ի թիւս այլոց նաև Թաւրիզի անգլիական դեսպանատան քարտուղարի այն հրապարակական կշտամբանքից յետոյ, որ նա արել է գաղթականութեան ղեկավարներին՝ նրանց դատապարտելի և անխիղճ անտարբերութիւնը անձամբ անձին տեսնելով Արաքսն անցնելիս :

Ի.

«Արաքսն անցնող գաղթականների խղճալի գրութեան մասին՝ Խոյից եկողները միջոցաւ ինձ հասած տեղեկութիւնները, թէ նրանք առանց հացի են մնացել և բաց երկնքի տակ, — ինձ ստիպեցին շտապով գնալ այնտեղ — Նախիջևան :

«Որքան էլ որ, — շարունակում է Լազարեանը, — ինձ հասած լուրերը չափազանցեցրած էին, այնուամենայնիւ եթէ հայկական նահանգական վարչութիւնը շուտափոյթ և կտրուկ միջոցների շղիմէ, գաղթականները աներևակայելի թշւառութիւնների կենթարկեն :

*) Акты, VII, стр. 615, № 582.

«Հայկական կօմիտեաի բաժանմունքը, որ այստեղ (Նախիջևանում) բացւած է շտապօ-կապիտան Նէվէրովսկի Զ-րդի նախագահութեամբ՝ չնայած այս մարդասէր սպայի ցանկութեանն ու եռանդին՝ սչ մի միջոց և հնարաւորութիւն չունի գաղթականներին Նախիջևանի գաւառում տեղաւորելու և հետզհետէ եկող խմբերին՝ միւս գաւառներն ուղարկելու:

«Ընդ սմին՝ այստեղի կառավարութիւնը գաղթականներին տեղ չի յատկացնում բնակութեան համար՝ ասելով թէ զիւղերը պատկանում են կամ այստեղի էքսան խանին և կամ նրա ազգազաններին, և թէ ամբողջ գաւառում միմիայն երեք զիւղ կայ, որ արքունի են:

«Մեր կառավարութեան կամքը, որ Չեր պայծառափայլութիւնը ծանուցած էր ինձ, թէ գաղթական քրիստոնեաները վեց տարի ժամանակաւ ազատւած են ամեն տեսակ հարկերից և բեզեառներից՝ այստեղ չէ գործադրւում և ամեն մորթւած կենդանու համար այստեղի կառավարութիւնը մի ուրիւ է ստանում, որպիսի հարկ ուսական ոչ մի նահանգում գոյութիւն չունի*):

«Համարձակւում եմ խնդրել Չերդ պայծառափայլութիւնից՝ բարեհաճել միջոց ցոյց տալ հայկական նահանգների վարչութեանը և կօմիտեաին, որ գաղթականներին տեղաւորեցնելու առթիւ Չեր արձակած հրամանները ճշտութեամբ

*) Акты, VII, кр. 629:

կատարւեն, որպէսզի Ռուսաստանի այս նոր և աշխատասէր հպատակների դրութիւնը փոքր ինչ բարւոքւի (**):

ԻԱ.

Քաղթականների ցաւալի դրութեան մասին մի այլ նկարագիր է տալիս Պասկևիչին ուղղած իր № 368 դրութիւնում իշխան Մովսէս Երկայնաբազուկ-Արզութեանը, որ նոր էր նշանակւած գաղթականական կոմիտետի աւագ անդամ:

— «Քաղթականների բնակած տեղերը շրջելուց յետոյ, — գրում է իշխանը, — ես կատարելապէս համոզւեցայ, որ չնայած զանձարանից նրանց տրւած նպաստին, գաղթականները այնուամենայնիւ ամենամեծ կարօտութեան մէջ են գտնւում:

«Նախ և առաջ՝ մեծ կարիք կայ սերմացուի հայկական նահանգում, ուր արդէն 6500-ից աւելի գերգաստան են տեղաւորւել: Առաջիկայ 1829 թւականում սովի առաջն առնելու համար ամենաանհրաժեշտ է առնւազն 12 հազար չեովերտ ցորեն և գարի: Մի չեովերտի զինը միջին թւով 6 ուրլի հաշւելով, կանի 72,000 ուրլի:

«Երկրորդ՝ գաղթականների մէջ 2500 գերգաստան կայ, որոնք ուտելու ոչինչ չունին: Ուրեմն անհրաժեշտ է դրանց հաց տալ: Ամէն մի գերգաստանին կերակրելու համար՝ պէտք է

(**) АКТЫ, VII, кр. 627, № 596:

տալ 3 չետվերտ պրոսսո, որի զինը 2 սուբլի հաշւելով կանի 15,000 սուբլի: Ընդամենը ուրեմն 87,000 ու:

«Այս գումարը, որ Ձեր պայծառափայլութիւնից ես խնդրում եմ, ամենաանհրաժեշտն է և ամենաչափաւորը: Առանց այս գումարի՝ անհնարին է ազատ մնալ այլ և այլ անսխորժ գէպքերից.

«Եթէ դրութիւնը այսպէս շարունակւի,— աւելացնում է իշխան Արղութեանը,— անշուշտ գաղթականների մի մասը յընթացս երկու տարւայ յետ կը դառնայ իր նախկին հայրենիքը *):

«Միւս մասը, որի հաւատն ու սէրը գէպի թագաւոր կայսրը աւելի հաստատուն է, անպատճառ զոհ կը գնայ իր այս ազնիւ գզացմունքին:

«Իսկ երրորդ մասը, որ իր նախկին հայրենիքի առաւելութիւններով գուցէ չի շլանալ և տոկունութեամբ կը տանի իր այս նոր հայրենիքի դառնութիւններին,— այդ մասն էլ՝ երկար

*) Թիւրքմէնչայի դաշնագրի զօրութեամբ՝ ցանկացողները յընթացս 2 տարւայ կարող էին մի երկրից միւսը գաղթել:

Բայց վերջերում Գրիբոէզով դեպպանը («Սեկքից պատուհաս»-ի յայտնի հեղինակը) բացատրեց և Պասկևիչը ի պաշտօնէ յայտարարեց, որ մի անգամ սուսաց երկիրը մանողը՝ այլևս իրաւունք չունի յետ դառնալու: (АКТЫ, VII, стр. 645, № 619):

շատ երկար սպասելու ստիպւած կը լինի:

«Ի վերջոյ պարտք եմ համարում յայտարարելու Ձեր պայծառափայլութեանը, որ գաղթականների օգտին խնդրածս՝ այստեղ ինձ հասուցանելի նախօրօք, այն է՝ առաջիկայ սեպտեմբեր ամսուայ ընթացքում. ի հակառակ դէպս՝ ես անկարող կը լինեմ արդարացնել Ձեր ընտրութիւնը *):

ԻՒՒ.

Հաղարեանի, Արղութեանի, Գրիբօէզովի ևս և ուրիշ կողմերից ստացած այս դառն նկարագրութիւնները կարգալով Պասկևիչը, ուր ուրեմն հետեւեալ № 141 գրութիւնը ուղղեց Պետերբուրգ կոմս Դիպիչին:

«Գիտնալով թէ որքան դժւարին գործ է բազմաթիւ ժողովուրդ մի տեղից միւս տեղ փոխադրել, մանաւանդ առանց նախապատրաստութեան ու միջոցների և տեղափոխել ժողովրդին մի այնպիսի երկիր, որ սեփական միջոցներ չունի, ընդ նմին պատերազմի պատճառաւ աւերւած էլ է, — ես չէի կարող չնախատեսնել այն ամեն զրկանքները, որոց կարող էին ենթարկուել Ատրպատականից մեր կողմերը գաղթող միջանի հազար գերդաստաններ:

Երևանի նւաճելուց յետոյ՝ կարգադրւած և հաւաստիացւած էր **), որ ներկայ գործում ա-

*) АКТЫ, VII, стр. 645, № 619:

**) Ներսէս արքեպիսկոպոսի հաւաստիացումներն է ակնարկում:

աանձին դժւարութիւն չի լինիլ, և որ քրիստոնեաների գաղթը բացի Ռուսաստանին անպայման օգտակար լինելուց, կառավարութեանը առանձին հոգս չի պատճառիլ և ծախսի տակ չի ձգիլ: Ի վերայ այսր ամենայնի ես այս գործում (գաղթի) մանրամասնութիւնների մէջ չբնութայ, մինչև որ հայ հասարակութիւնները իրենք—Ատրպատականը մեր գրաւելուց յետոյ—յատուկ հաւատարմատարներ էին ուղարկել ինձ մօտ *), որոնք Դէյ-կարխանում ներկայանալով խնդրեցին ինձ թոյլ տալ գաղթելու մեր նոր նաւածած երկիրը, առանց որևէ պահանջի, առանց որևէ պայմանի, այլ միայն իբրև շնորհ և ողորմութիւն **):

*) Ինչպէս միշտ՝ այս անգամ ևս այս հաւատարմատարները ներշնչած ու վարձած մարդիկ էին:

**) Պասկևիչը երևի մոռացել էր, որ գաղթականութիւնը յաջողեցնելու համար Լազարեանին ինքն էր բերել: Ինքն էր հայ սպաներին հայարնակ վայրերը գրել, որ հայերին գաղթեցնեն: Ինքն էր, որ Ներսէսից պահանջում է գաղթի հակառակ Իսրայէլ եպիսկոպոսին կարգազուրկ անել: Վերջապէս Պասկևիչը ինքն էր, որ գրում էր նախարարին (Ներսէսի հետ խոսվելուց յետոյ) որ «եթէ մինչև 7000 հայ ընտանիք Պարսկաստանից մեր սահմանն անցան,—այդ ոչ թէ Ներսէսի կարծեցեալ ազդեցութեանը պէտք է վերագրել,—այլ գաղթականութեան համար իմ նշանակած սպաների ժրութեանն ու եռանդին և նամանաւանդ այն զրամական օգնութեանը, որ ես վճռեցի տալ գաղթականներին» (АКТЫ, VII, 260):

«ժողովրդի թախանձանքն լսելով և միենոյն ժամանակ համոզւած լինելով, որ հորանւած, անմայի երկիրն այս ժողովրդի նման հլու, աշխատասէր և ըստ կրօնի մեղ նուիրւած տարրերով լեցնելն կարող Ռուսաստանին մեծ օգուտ բերել, — ես ժողովրդի հաւատարմատարներին փաղաքշելով իրաւունք տւի գաղթել, բայց բնաւ երբէք ես նրանց չյուսադրեցի, թէ իրենց որևիցէ առանձին օժանդակութիւն կամ այլ օգուտ կը լինի, բացի որոշեալ ժամանակ հարկերից նրանց ազատ թողնելը:

«Չնայած այս ամենին, չնայած պարսիկների կողմից կատարւած հակառակ գործողութիւններին, քրիստոնէից դաղթը Ատրպատականից դէպի մեր երկիրը, — ինչպէս ստացածս տեղեկութիւնները ցոյց են տալիս, — արագ կերպով է ընթանում: Եւ մինչև այսօր Ղարաբաղում տեղաւորուել են 279 գերդաստան, իսկ Երևանի նահանգում 948 գերդաստան: Գալով գաղթականների ընդհանուր թւին՝ 5000 գերդաստանից աւելի է»:

Ապա թւելով գաղթման յաջողութեանը նրպաստող պարագաները՝ Պասկևիչը շարունակում է՝ «Գաղթման այս յաջողութիւնը տեսնելով և դրանից սպասելի ակնյայտնի օգուտները մեր տէրութեան համար գնահատելով հանդերձ, ես միևնոյն ժամանակ չեմ կարող չնախատեսնել *)

*) Էլ ինչ նախատեսնել, երբ արդէն կատարւած իրողութիւն էր:

ապագայ դժւարութիւնները և խոշոր ծախքերը, որոնք անխուսափելի կը դառնան գաղթականներին տեղաւորելու ժամանակ:

«Որովհետև հարկ կը լինի դրանց կերակրելի հաշիւ արքունի գանձարանի ոչ թէ միայն մինչև այս տարւայ հունձը, այլ նաև մինչև գալ տարւայ հունձը:

Բացի դրանից՝ սէտք կը լինի գաղթականներին սերմացու տալ, իսկ այդ ինձ համար շատ և շատ դժւար է հետևեալ պատճառներով:

Առաջին՝ Երևանի և Նախիջևանի գաւառները, որ գաղթականների տեղ է յատկացրած, անցեալ պատերազմի երեսից բոլորովին աւերած լինելով՝ հացի բաւարար պաշար չունին:

Երկրորդ՝ եղած պաշարն էլ ես յատկացրել եմ ի սնունդ զօրքին, որ իմ ուշադրութեան ամենազլխաւոր առարկան է:

Երրորդ՝ տաճկական պատերազմը արգելք է դառնում հարևան տաճիկների գաւառներում գնել, թէև այն տեղերում մեծ պաշար կայ:

Վերջապէս չորրորդ՝ պարսիկները նոյնպէս ակամայից և դժգոհութեամբ են թոյլատրում իրենց երկիրներում հաց գնելն» *):

Այս ամենից յետոյ՝ Պասկևիչը խնդրում է գաղթականների համար յատուկ նպաստադրամ բաց թողնել արքունի գանձարանից:

*) Акты, VII, бр. 628, № 597:

ԻԳ.

Մինչդեռ այս ապարդիւն գրագրութիւններն էին լինում բարելաւելու համար գաղթականների վիճակը, — վերջիներս այստեղ և այնտեղ թափուած, մերկ, քաղցած տապում ու տառապում էր բաց երկնքի տակ:

Նրանց ընդհանուր թիւն հասաւ, ինչպէս ասել ենք, 8249 տան կամ 45,000 հոգու:

Պասկելիչի միջնորդութեան վրայ կառավարութիւնն էլ իր նպատարը հասցրեց ընդամենը 90,000 ուրբիլի, ուրեմն միջին թւով ամեն մի հոգուն երկու ուրբիլ, այն էլ 10 տարուց յետոյ վերագարձելու պայմանաւ:

Այսպիսինպատճառն ու խնամատարութիւնը բնական է, որ ոչ իր նշանակութիւն չունէր գրեթէ: Ուստի նրանք ճանճերի նման կոտորւում էին:

Կառավարութեան կատարած վիճակագրութիւնից երևացաւ, որ ամենակարճ ժամանակում 8249 գերդաստանից մնացել էին 6946 գերդաստան: Պակասել էր 1303 գերդաստան կամ 10,000 հոգի:

Այսպէս թէ այնպէս՝ գաղթականներին մի կերպ տեղաւորեցին՝ 7—8 հարիւր գերդաստան երևանում, Նախիջևանում և Օրդուբաթում, իսկ մնացեալը Արարատեան դաշտի գիւղերում:

Այդ տեղաւորումն էլ ի հարկէ առանց նեղութիւնների, զրկանքների և զոհողութիւնների չկատարուեցաւ:

Այդ ամենի մասին մի թեթև գաղափար տալու համար՝ քաղում եմ Զուբարեօվ ուսու պաշտօնէի Պասկևիչի ներկայացրած տեղեկագրի հետևեալ տողերը:

ԻՊ.

«Հայերը մի ժողովուրդ են,—գրում է Զուբարեօվը 1830 թ. ապրիլի 20-ին,— որ այս երկրում (խօսքը Ղարաբաղի մասին է) ամենից շատ են հաւատարիմ մեր տէրութեանը և, կարելի է ասել, նրանք ամենաազնիւն են գոնէ հասարակ ժողովրդի մէջ: Պարսկաստանից գաղթած հայերը նշանաւոր են օրինակելի աշխատասիրութեամբ, նոցա մեծ մասը արհեստաւոր է, շատ օգտաւէտ և շատ հազուադիւս կովկասում:

«Իժբաղգաբար,—գրում է Զուբարեօվը,— այս օգտակար ժողովուրդը չափից դուրս ճնշում է Ղարաբաղում:

«Ղարաբաղի տեղական (ուս) իշխանութիւնը հայերի դէմ մի ինչ որ նախապաշարմունք ունենալով՝ աններելի կերպով նեղացնում է նրանց և մինչև այժմ նրանք չունին հաստատ բնակութիւն: Նրանց տուել են շատ անբերրի հողեր, իսկ բերրի տեղերն էլ շատ քիչ են:

«Ապացոյց առ այն թէ՛ ի՞նչ թշւառ դրութեան մէջ են գաղթականները՝ յիշեմ հետևեալը: Տեղական իշխանութեան կարգադրութեամբ՝ Մարաղայի հայերը սկզբում բնակութիւն ստացած էին այժմ աւերակ Բերդա (Պարտաւ) քաղաքում:

Այս տեղը, որ մի դաշտ է կուր գետի մօտ, ամառը սաստիկ շոգ է և անտառներում վիստացող զանազան թռչնաւոր սողունները այստեղը կատարեալ գերեզման էին դարձնում: Զով և առողջ կլիմայի սովոր Մարաղացիք շկարողանալով տանել արեգակի խանձող առաւր՝ հիւանդանում էին շարունակ:

«Ժողովրդի ամեն ազաչանքն ու թախանձանքը՝ թոյլ տալու իրենց լեռնային կողմերը քօշելու՝ ապարդիւն անցաւ:

«Ուստի և առանց ջրի, առանց կերակուրի, բաց երկինքի և կիզիչ արևի ճառագայթների տակ մնալով՝ դժբաղդ գաղթականները շարունակ մեռնում էին:

«Երեք ամառնային ամիսներում նրանցից 1012 հոգի մեռաւ:

«Այդ գեռ բաւական չէր: Շրջակայ քոչող թուրքերը գաղթականների հիւանդութիւնից և կոււելու անգորութիւնից օգուտ քաղելով՝ թալանեցին նրանց դոյնքն ու տաւարը: Ի դուր էին հայերը իշխանութեանը դիմում: Ծեծելով նրանց ճանասպարհ էին ձգում:

«Առհասարակ հայերը այստեղ վերին աստիճանի նեղւում են թէ՛ թուրք նայիրեններից և թէ՛ տեղական իշխանաւորներից: Եւ եթէ այդ թշւառներից մէկն ու մէկը Ըուշի էր գալիս խնդրամատոյց լինելու, — նրան շարաշար գանակոծութեամբ էին սպառախանում»*):

*) АКТЫ, VII, кр. 460—405, № № 411 և 413:

ԻՆ.

Ղարաբաղ գաղթողների վիճակից աւելի վատթար են նկարագրում ոուս պաշտօնեաները՝ Երևանի և Նախիջևանի կողմերում բնակեցրած գաղթականների վիճակը:

Այս խեղճերն էլ երկար ամիսներ բաց երկնքի տակ մնալուց յետոյ՝ մասամբ տեղաւարւեցան թուրքաբնակ գիւղերում: Սակայն թուրքերի համար ծանր էր այդպիսի հարևանութիւնը, ուստի և նրանք սկսեցին տրտնջալ:

Երկիւղ կրելով թուրքերի արտունջներից՝ ոուս իշխանաւորները՝ հիմա էլ գաղթականներին այդ գիւղերից քշում էին այնպիսի վայրեր, որոնք անհամապատասխան էին գաղթականների մեծագոյն մասի պէտքերին:

Այս մէկ կողմից:

Միւս կողմից տեղական իշխանաւորները ոչ միայն փշացած կաշառակեր մարդիկ էին, այլ նաև միանգամայն անընդունակ, անհամապատասխան իրենց կոչմանն ու պաշտօնին

Ռուս պաշտօնեաների տգիտութիւնն ու ընդունակութիւնը այն աստիճան աչք էր ծակում, որ երբ 1828-ին լիազօր ղեսպանի պաշտօնով Գրիբօէզովը Թէհրան էր գնում՝ հայկական նահանգի գաղթականների վրայ կարգւած այդ ոուս պաշտօնեաներին տեսնելով և նրանց կատարած գործերի հետ անցողակի ծանօթանալով՝ ի պաշտօնէ խորհուրդ տւեց Պասկէիչին՝

«Թիֆլիզի Հայոց Ներսիսեան դպրոցի աշակերտներին» միջանի պատանիներ բերել տալ այս կողմը և պաշտօնակատարներ նշանակել:

ԻԶ.

Ներսէս արքեպիսկոպոսին, իբրև Հայկական նահանգի կառավարութեան անդամի, շատ լաւ յայտնի էր գաղթականների վիճակը: Բացի պաշտօնական թղթերից, որ կառավարութեան մէջ կարգում էր Արհին՝ մասնաւոր նամակներ էլ շատ էր ստանում գաղթականների բահանաներից, սակայն ոչ մի օգնութիւն չէր կարողանում հասցնել: Ամենաշատը՝ նա կարող է դիմել Պասկևիչին և խնդրել: Սակայն նրա յարաբերութիւնը Պասկևիչի հետ այդ ժամանակ գրեթէ խրդւած էր և նրանք միմեանց հետ, այսպէս ասած, խռոված էին:

Իրա պատճառը շուտով մենք կիմանանք: Առայժմ պէտք է ասեմ, որ ռուս հրամանատարի և հայ արքեպիսկոպոսի խռովութիւնը ներքուստ էր, դրսից դեռ չէր երևում: Եւ Պասկևիչը դեռևս շահագործում էր Ներսէսին, միայն ոչ անմիջապէս, այլ Լազարեան գնդապետի միջոցաւ, որի հետ Ներսէսը գրազրութիւնն էր սկսել յօգուտ ազգի:

Ներսէսի խնդիրները Լազարեանը հաղորդում էր Պասկևիչին և նրա պատասխանները՝ Ներսէսին: Լազարեանը Պասկևիչի պատասխանները Ներսէսին հաղորդելով աւելացնում էր՝

«զոր ինչ գրեալ էիք ինձ վասն սիրելի մեր ազգին, ես նորին բարձր գերագանցութեան (Պասկիչին) խօսեալ եմ, որ ասաց ինձ թէ՛ միտքն և գիտաւորութիւն իւր կայսերական Մեծութեան նոյն է: Նա ևս, նորին բարձր գերագանցութիւնն, հետևելու է այս բանին լաւապէս կատարել»:

«Եւ ես,—շարունակում է Լազարեանը,— իմոյս կողմանէ՛ ինձ առաջին և սուրբ պարտաւորութիւն կը համարիմ, այն է՝ որ լինիմ օգուտ ազգին իմոյ»:

Իսկ ազգի օգուտը, Լազարեանի կարծիքով, առայժմ նրանումն էր կայանում, որ Ներսէսը 1500 կամ 2000 հոգուց բաղկացած մի զօրախումբ կազմէ հայերից, որոց և յանձնւի նորանւած Աբաս-Աբաղի, Սարդար-Աբաղի և Երևանի բերդերի պահպանութիւնը: Որովհետև այդ բերդերի պահակ ուսս զինւորները՝ չկարողանալով ամառուայ տօթերին զիմանալ՝ մահանում էին:

Եւ բացի դրանից շուտով սկսւելու էր ուստաճկական պատերազմը: Եւ ուսս զինւորներն պատերազմի դաշտն էին գնալու դարձեալ:

Եւ որպէսզի պարսիկների կողմից յարձակումն տեղի չունենայ վերոյիշեալ բերդերի վերայ, - Պասկիչը ուստաճկական պատերազմի ծրագրի մէջ մտցրել էր՝ Աբբաս Միրզային իրեն գաշնակից վերցնելով ընդդէմ տաճկաց, — նրան տանել իր հետ Տաճկաստան: Եւ ի արիտուր այդ

ծառայութեան՝ Պասկևիչը խոստանում էր Աբբաս Միրզային վանը և Մուշը *):

Ընթերցողը ի հարկէ հասկացաւ, որ հայկական նոր զօրագունդ կազմելը Լազարեանի միաբը չէր, այլ Պասկևիչի թելադրութիւնը նրան:

Եւ որպէսզի կարելի լինի Ներսէսին հեշտութեամբ գրաւել, — Պասկևիչը նրա համար Ս. Ալէքսանդր Նեացու առաջին աստեճանի շքանշան ևս բերել տւեց **):

Եւ հէնց այդ շքանշանի առթիւ Ներսէսին շնորհաւորելիս՝ Լազարեանը խօսք բաց արաւ հայկական նոր զօրախմբի մասին՝ գրելով հետեւեալը՝ «յոյժ հարկաւոր համարիմ ասել Ձեզ, զի կայսրն տայ զգալ, որ ազգս Հայոց ի նշան շնորհակալութեան իւրոյ զողորմածութենէ իւրոյ, ի հարկէ արդէն կազմեալ է գոնէ 2000 կամ 1500 զօրս, և այնու եղեալ է արժանի ապագայ ողորմածութեանց նորա»):

Լազարեանի այս նամակը կարդալով Ներսէսը իրեն յատուկ ոգևորութեամբ՝ թերևս այս անգամ ևս հայկական զօրախումբ կազմէր, սակայն Լազարեանն նամակի վերջին մասը ***)) վերջապէս նրան գլխի ձգեց, որ Պասկևիչը իրեն

*) АКТЫ, VII. бр. 691, № 763.

***) АКТЫ, VII. бр. 252, № 205.

***) Պասկևիչը կամենալով Ներսէսի ձեռքով նրա բարեկամ գիներալ Կրասովսկուն տապալել, — առաջարկել էր, որ Ներսէսը նրա դէմ բողոք գրէ: Ներսէսը ի հարկէ այդպէս բան չարաւ:

ձեռք է առել և խաղացնում է: Ուստի և Պասկևիչի առաջարկութիւնը չլսելու տւեց և Լազարեանի նամակին էլ չպատասխանեց:

Եւ այսպիսով հարկաւ ներսէսը աւելի գրգռեց Պասկևիչին իր գէմ:

Վերջինս այնուհետև ինքը ուղղակի՝ առանց ներսէսի օգնութեանը կրասովսկուն քշելով՝ ձեռնամուխ եղաւ ներսէսի իրեն և նրա պաշտպանած ազգային շահերի տապալմանը:

Ի է.

Պասկևիչի մեղադրանքը ներսէս արքեպիսկոպոսին բովանդակւում են հետեւեալ կէտերում, որոնց կողքին ես դնում եմ նրանց համապատասխան բացատրութիւնը իմ կողմից:

Առաջին՝ «Գինեբալ Բենգենգօրֆի բանակը, — գրում է Պասկևիչը Դիրիչին — արտասահման ուղևորւելուց առաջ՝ նա (ներսէսը) հաւատացնում էր, որ զօրքերն այնտեղ մի ամուսայգետնի բերք կը գտնեն և թէ այդ մասին զօրքին կօգնէ էջմիածնի վանքը»:

Ճիշտ է՝ 1826 թ. ներսէսը այս բաները ասել էր ռուս իշխանութեանը և չէր ստել կամ խաբել: Բայց ներսէսը, իբրև մի կղերական և անփորձ, չէր կարող գուշակել, որ նախ քան ռուսաց բանակի Արարատեան դաշտ հասնելը՝ պարսիկները կարող էին դաշտի գիւղերը քարուքանդ անել, ժողովրդին քշել, պաշարներն ու

մթերքները այրել և վանքը թալանել, ինչպէս որ յայտնի է արգէն ընթերցողին:

Այս հանգամանքը ամենից առաջ պէտք է նախատեսնէին գեներալ Բենգենդօրֆը կամ Կովկասեան կառավարչապետը—գեներալ Երմոլովը:

Երրորդ՝ «Ներսէս արքեպիսկոպոսը պնդում էր,—շարունակում է Պասկևիչը,—որ Երևանի շրջակայքում կլիման առողջարար է և վրաստանի շոգին սովոր զօրքերի համար անփսաս»:

Ներսէսի այս վկայութիւնն ևս սուտ չէ: Բանը նրանումն է միմիայն, որ կարճ ժամանակ վրաստանում ապրող զինուորները դեռ այդ երկրի կլիմային վարժած չէին, ուր մնաց թէ Երևանի կլիմային, այն էլ ամառնային ժամանակ:

Սակայն ներկայ դէպքում մանաւանդ շատ զարմանալի, եթէ ոչ ծիծաղելի է Պասկևիչի մեղադրանքը:

Ինչու զինուորական իշխանութեանը կարծես թէ դժուար բան էր առանց Ներսէսի վկայութեանը իմանալ, կամ ստուգել, թէկուզ աշխարհագրութեան գրքերից; Երևանի կլիմայական յատկութիւնները:

Երրորդ՝ «Ներսէսին ենք պարտական,—շարունակում է Պասկևիչը,—Օշականի սպտերազմը, որովհետև նա յատկապէս մարդ էր ուղարկել Կրասովսկուն ամենախիստ թախանձանքներով, թէև բերանացի և ոչ գրաւոր, համոզելու, որ շուտով հասնի Էջմիածինն ազատելու և այդ-

պիտով ստիպեց կրասովսկուն այն տարօրինակ գործը բռնելուս:

Պասկևիչի այս մեղադրական կէտը արժանի է փոքր ինչ աւելի լուսաբանութեան:

Ի՞նչ.

Երևանի բերդի պաշարումը գեներալ կրասովսկուն յանձնելով՝ Պասկևիչը գլխաւոր բանակը վերցրած գնաց և առանց պատերազմի տիրեց Նախիջևանին, որ պարսիկները անպաշտպան թողնելով՝ իրանք կենդրոնացել էին Աբաս-Աբազ բերդում:

Նախիջևանից՝ Պասկևիչը մտադիր էր Թաւրիզի վրայ շարժել և ջախջախելով Աբբաս Միրզային՝ տիրել Ատրպատականի մայրաքաղաքին: Սակայն բանից դուրս եկաւ, որ Աբբաս Միրզան իր 30,000-նոց բանակովը կանգնած է Օշական գիւղում և առաջարկում է Ներսէս արքեպիսկոպոսին և էջմիածնում գտնւած ռուսական մի վաշտի հրամանատարին՝ անձնատուր լինել խնայելով այն 1500 հոգի հիւանդ ռուս զինւորների կեանքը, որոնց խնամում և կերակրում էր Ներսէսը և միաբանութիւնը վանքի շինութիւնների մէջ:

Ներսէսը և ռուս հրամանատարը մերժեցին Աբբաս Միրզայի առաջարկը: Ուստի վերջինիս կարգադրութեամբ Իւսուֆ խանը սկսեց ուժակոծել վանքը:

Այդ միջոցին՝ գեներալ կրասովսկին՝ շոգերի

պատճառաւ՝ Երևանի պաշարումը վերցնելով՝ քարձրացած էր Արայի լեռան ստորոտը, ուր յանկարծ նրա ականջին հասան էջմիածնի շուրջը որոտացող թնդանօթների ձայները:

Միաժամանակ Կրասովսկին լուր ստացաւ ներսէս արքեպիսկոպոսից և հալ մելիք Սահակ Աղամալեանից թէ Աբբաս Միրզան շտապում է էջմիածինը քանդելով անցնել գնալ Վրաստան: Ուստի և օգնութիւն էին խնդրում:

Իթ.

Օգոստոսի 16-ին Կրասովսկին իր բանակի միջից վերցնելով 1800 հոգի հետևակ, 500 հեծելազօր, 12 թնդանօթ, 100 հեծեալ էլ հայկական գնդից և մի քանի հարիւր պաշարէզէնով բեռնաւորեած սայլ՝ ճանապարհ ընկաւ դէպի էջմիածին: Եւ անմիջապէս հասնելով Քասախ գետի ձախ ափը սկսեց առաջ գնալ, առանց իմանալու և նկատելու, որ գետի աջ ափովն էլ գուզընթացարար՝ ընթանում են և պարսիկները: Վերջապէս ոռւսաց զօրքը մտաւ մի նեղ և քարքարոտ ձոր, ուր յանկարծ ինքզինքը շրջապատած գտաւ պարսիկներով:

Սկսեցաւ սարսափելի ջարդ: Քաջութեամբ մեռնում էին ոռւս սպաններն ու զինւորները, իսկ կենդանի մնացածները՝ ձորից դուրս գալու համար՝ սւիններով էին ճանապարհ քաց անում:

Կրասովսկու տակ ձին երկու անգամ սպանուեցաւ: Ինքն էլ ձախ թևից վիրաւորուեցաւ:

Այնուամենայնիւ գեներալը շարունակ կուու-
էր զինուորներին խրախուսելու համար:

Ուր ուրեմն կոտորածից ազատւած ոուս
զինուորներն ձորից դուրս գալով՝ սկսեցին էջ-
միածնի դաշտն իջնել, ուր, դժբախտաբար, նը-
րանց մի այլ հարւած էր սպասում:

Ծարաւութիւնից սաստիկ տանջւած, յոգ-
նածութիւնից էլ հազիւ հազ շարժւել կարողա-
ցող զինուորները՝ իրանց առաջ մի պղտոր առու
տեսնելով՝ ազահարար վրայ թափւեցան: Եւահա
հէնց այդ բռպէին նրանց վրայ յարձակւեցան
պարսիկները և նորից սկսեցաւ ուսների ջար-
դը:

Վերջիններս այն աստիճան յոգնած, թու-
լացած էին, որ անդադար գլորւում. վայր էին
ընկնում: Եւ ուրեմն՝ ոչ մի ընդդիմութիւն չէին
կարող ցոյց տալ թշնամուն:

Այդ օրը, — օգոստոսի 17-ին, — կրասովսկու
բանակը կորցրեց, — վիրաւորւածներին և 200
զերի տարւածներին չհաշւելով, — 24 սպայ և
1150 զինուոր:

Բայց ուսների կորուստը անհամեմատ ա-
ւելի շատ կը լինէր եթէ մի հայ մարդ, անսպա-
սելի կերպով օգնութիւն հասած չլինէր ուսնե-
րին:

Այդ հայը Երևանցի Յակոբ Յարութիւնեանցն
էր:

Է.

Յակոբ Յարութիւնեանցը պարսկահպատակ էր և վաղուց ի վեր ծառայում էր Սարգարի թնդանօթաձիգների շարքում:

Նա յայտնի էր որպէս հմուտ ումրաձիգ: Այս պատերազմում նրան մի անգլիական թնդանօթ էին յանձնել:

Սկզբում նա հաւատարմութեամբ կատարում էր իր գործը, բայց կուի ժամանակ տեսնելով քրիստոնիայ զօրքի— ուսանների պարտութիւնը և գիտենալով, որ այդ զօրքը էջմիածինը ազատելու է գնում, — յանկարծ թնդանօթի բերանը շուռ տւեց և փոխանակ ուսաններին՝ սկսեց պարսիկներին կոտորել *):

Այսպիսով Յակոբ Յարութիւնեանցը հնարաւորութիւն տւեց ուսական մի վաշտի՝ անփնաս էջմիածին հասնել:

Եւ այդ վաշտի ազատումն էր գլխաւորապէս, սրով Յակոբի գործած յանցանքն յայտնւեցաւ:

Իսկոյն ևեթ կալանաւորեցին նրան: Եւ թէպէտ յաջողեցաւ փախչել, սակայն բռնեցին դարձեալ:

Սարգարի հրամանաւ՝ Յարութիւնեանցի աչքերը փորեցին, քիթը, շրթունքները, ականջները և ոտքերի կրունկները կտրեցին և վայր ձգեցին դաշտում դիակների մէջ:

*) АКТЫ, VII, стр. 491:

Ժամեր անցնելուց յետոյ՝ այս խոշտանգւած ու այլանդակւած մարդը ուշքի եկաւ, և ձեռքերի վրայ սողալով մի կերպ ինքզինքը վանքը ձգեց:

Յակոբ Յարութիւնեանցի արածները՝ ուսական վաշտի ազատելն՝ ստուգելուց յետոյ՝ Պասկեխը կարգադրեց նրան միանուագ 10 ոսկի (31 ուրլի) տալ: Տարեկան 100 ու էլ թոշակ՝ մինչև իր մահը:

Յակոբ Յարութիւնեանցի շնորհիւ սլարսիկների ձեռքից ազատւած վաշտի խուսափումը տեսնելով՝ էջմիածնում եղած զօրքերը ընդառաջ գնացին նրանց օգնելու նպատակաւ:

Սուսափող ուս վաշտին հետապնդող սլարսիկները այդ բանը տեսնելով և ենթադրելով, որ էջմիածնում շատ զօրք կայ, — վախեցան և յետ դարձան:

Այսպիսով ինչպէս վանքն ու վանականները, նոյնպէս և առողջ ու հիւանդ ուս գիւնւորները ազատւեցան անխուսափելի կոտորածից ու աւերմունքից:

ԼԱ.

Չորրորդ՝ «Չրաւականանալով, — շարունակում է Պասկեխը իր մեղադրանքները, — հայոց եկեղեցու վրայ ունեցած իր ազդեցութեամբը՝ Ներսէս արքեպիսկոպոսը կամենում է տարածել այդ ազդեցութիւնը նաև աշխարհական գործերի վրայ, ձգտելով ներկայացնել իրեն որպէս զլուխ

և պետ ընդհանուր հայոց ազգի *)։ Նրա փառասիրութիւնը այս մասին այնտեղը հասաւ, որ սկսեց կոչեր հրատարակել արտասահմանի հայերին և յարարերութիւններ սկսեց վրացի տաճիկ մեծաւորներէ հետ **):

Արտասահմանի հայերին ներսէսը, արդարև, մի քանի անգամ կոչեր ուղղել է։ Բայց ամեն անգամ նա այդ արել է կուսակալների և զօրքերի հրամանատարների յատուկ խնդրանօք, այլ ոչ ինքնազուխ։

Յիշենք այդ կոչերից, օրինակի համար, 1) այն կոչը, որ 1826-ին Թիֆլիզում Երմօլով կուսակալի նախագոհութեամբ կազմուած գինւորական ժողովի որոշմամբ ու խնդրանօք ներսէսը ուղղեց Երևանի և Նախիջևանի խանութիւնների հայերին, յորդորելով նրանց դիմադրել պարսիկներին։

2) Այն կոչը, որ ներսէսը՝ Պասկևիչի իրան խնդրանօք՝ ուղղեց Աբաս-Աբադի հայերին, յորդորելով ուսաներին անձնատուր լինել։

3) Այն կոչը, որ ներսէսը ուղղեց, դարձեալ իրեն Պասկևիչի խնդրանօք, պարսկահայերին, յորդորելով նրանց զաղթել ուսաց նորանուաճ երկիրը — Երևան և Ղարաբաղ։

*) Եփրեմ կաթողիկոսին հրաժարեցնողը և նրա ազգապետական իրաւունքներն ներսէսին նալ տուողը կառավարութիւնն ինքն էր։

***) АКТЫ, VII, стр. 254, № 211:

4) Այն միջանի կոչերը, որ Ներսէսը ուս-
գորավարների խնդրանօք դարձեալ, ժամանակ
առ ժամանակ, ուղղել է այս և այն տեղերի հայե-
րին, յողորմելով նրանց օգնել ուսաց բանակ-
ներին՝ ճանապարհներ ցոյց տալով և մատակա-
րարելով հաց, գարի, եգներ, օղի և այլն իհարկէ
փողով, այլ ոչ ձրի:

Եւ Ներսէսի այդ ամեն տեսակ կոչերն էլ
ունեցել են իրենց բարերար արդիւնքը ուսաց
համար:

Իտունալով այն մեղադրանքին՝ թէ Ներսէսը
յարարերութիւններ է անում զբացի տաճիկ մե-
ծաւորների հետ՝ Պասկիչը իբրև փաստ՝ նախա-
րարութեանը ներկայացրել է Ներսէսի մի նա-
մակը՝ ուղղած Մազաս բերդի Շէրիֆ աղային,
որ Կարսի գաւառի նշանաւոր պաշտօնեաներից
և կալւածատէրերից մէկն էր:

Նամակը Պասկիչի ձեռքն է անցել Կարսը
ուսաց ձեռքն անցնելուց յետոյ:

Ահա այդ նամակը:

ԼԲ.

«Բարեկամական օղջոյնս մատուցանելուց
յետոյ, — գրում է Ներսէսը Շէրիֆին, — հաղոր-
դում եմ ձեզ, որ թէ և մենք մինչև այսօր ձեզ
հետ բարեկամական յարաբերութիւն չենք ու-
նեցել և ես լսել եմ որ դուք թշնամութեամբ էք
վերաբերում ամենքին, որոնք հպատակում են
ուսաց տէրութեանը, բայց այժմ ձեզ մօտիկ

դրացի դառնալով՝ որովհետև գետի մի կողմը ես եմ գտնուում, իսկ միւս կողմը դուք,—վասն որոյ որքան որ մեծ լինի վնասը դարձեալ պէտք է պահպանել դրացիութեան պարաաւորութիւնները: Այդ պատճառաւ ես հարկաւոր համարեցի գրել քեզ, որ Մաստարա գիւղի բնակիչները, որոնք էջմիածնի գիւղին են պատկանում, երկու մեծ տէրութիւնների մէջ բացւած պատերազմի պատճառաւ իրենց բոլոր ունեցած հացը,—ցորենը և գարին տարել են Ղօշայ վանքը, իսկ հիմայ լսում եմ թէ փաշան այդ հացը նւիրել է Ջաֆար խանին:

Եթէ որ այդ ճշմարիտ է,—այն ժամանակ խնդրեմ աշխատել յետ առնել այդ հացը և տալ վանքապատկան գիւղացիներին ըստ պատկանելոյն: Իսկ եթէ անկարելի է այդ, գոնէ տալ նրանց գարնան ցանքի համար հարիւր սօմար (Կարսի սօմարի չափով) գարի կամ բրինձ պատշաճաւոր գնով: Եւ եթէ կամենաք ինձանից ստացէք արժէքը:

Այսպէս թէ այնպէս՝ պատերազմ կը լինի թէ խաղաղութիւն,—յամենայն դէպս մեր ձեզ հետ դրացի լինելու պատճառաւ, ձեզ համար օգտաւէտ կը լինի, մանաւանդ եթէ ցանքը լինի Մաստարա գիւղում» *):

Այս նամակի բովանդակութիւնը, առանց բացատրութեան իմ կողմից, պարզապէս արդա-

*) АКТЫ, VII, кн. 256:

րացնում է Ներսէս արքեպիսկոպոսի վարմունքը: Նա պարտաւոր էր մի ամբողջ և մեծ հայաբնակ գիւղ սովի չմասնելու համար՝ հարեան տաճիկ կալւածատիրոջը այն առաջարկութիւնը անել, ինչ որ արդէն արել է: Սա Ներսէսի հովապետական ամենասուրբ պարտականութիւնն էր: Եւ միմիայն Պասկեիչի նման նեղսիրտ, բծախնդիր բիւրօկրատները կարող են քաղաքական նշանակութիւն տալ այսպիսի անմեղ բովանդակութեամբ թղթերին:

ԼԳ.

Հիմնդէրորդ «Ներսէս արքեպիսկոպոսը բազմիցս արտայայտած է ձգտումն շտտացնել էջմիածնի վանքի եկամուտները և կալւածները, թէ և այդ լինի ի վրաս տէրութեան»:

Պասկեիչի այս մեղադրանքն ևս ոչ մի հիմք չունի: Եւ թերևս արդիւնք է նրա անտեղեկութեանը էջմիածնի կալւածական վիճակին:

Բայց եթէ Պասկեիչին յայտնի չէին թէ ինչպիսի և որքան կալւածներ ունի էջմիածինը, Ներսէսին հօ լաւ յայտնի էին:

Ուրեմն նա կատարեալ իրաւունք ունէր հետամուտ լինելու և պահանջելու, վաւերաթղթերով և սուլթանների ու շահերի Փարմաններով, ռաղամներով, դապալաններով հաստատուած վանական կալւածներն,— գիւղեր, այգիներ, վարելահողեր, ջրաղացներ, ձեթահանքեր, տինգեր, ուխտատներ, նախրատներ, իշատներ, մարագներ,

շիրախանաներ լճակներ, ծովակներ *), — մի խօսքով մի ընդարձակ և կանոնաւոր տնտեսականութիւն, որ Մայր Աթոռի անվիճելի սեպհականութիւնն էր մահմէտական իշխանութիւնների տերապետութեան ժամանակ, այժմ, — քրիստոնեայ իշխանութեան տիրապետութեան ժամանակ չխլւին, չհեռացնին:

Ելի շնորհակալութիւն Եփրեմ կաթողիկոսին, որի առանձին թախանձանքին զիջանելով, Նիկողայոս Ա. կայսրը՝ հաճեցաւ ժամանակաւորապէս վանքի տիրապետութեան տակ թողնել դէթայն հինգ զիւղերն **), որոցմով համայն հայութեան Մայր Աթոռը մի կերպ պահպանում է իր խղճուկ գոյութիւնը:

ԼԳ.

Վեցերորդ՝ Պասկեիչի գլխաւոր մեղադրանքներից մէկն էլ, — եթէ ոչ առաջինը՝ հայ զինւորների հարցն է, որի էութիւնը այս է:

Ընթերցողին յայտնի է, որ Պասկեիչի թելադրանքով՝ զնդապետ Լազարեանը խնդրում էր Ներսէսին 2000 կամ գէթ 1500 զօրք ժողովել հայերից պարսիկներից գրաւած բերդերի պահպանութեան համար: Յայտնի է նմանապէս, որ

*) Էջմիածնի անշարժ կայքերի մանրամասն ցուցակը տես «Ջամբո» գրքի 164—210 և 294—301 երեսներում:

**) АКТЫ, VIII, кр. 290, № 217.

Ներսէսը այս անգամ անուշադրութեան մատնեց Պասկեիչի առաջարկը: Եւ վերջինս աշխատեց իր ցանկութիւնը գլուխ բերել առանց Ներսէսի աջակցութեանը:

Այս լսելով՝ Ներսէսն էլ, իր հերթում, կարգադրեց էջմիածնական հայ զիւղացիներից զօրք հաւաքել Մայր Աթոռի պահպանութեան համար:

Տէրութիւնից օրինակ վերցնելով՝ Ներսէսը ևս կարգադրել էր, որ Մայր Աթոռը իր պահպան զօրքին ոտճիկ վճարէ: Զինուորների ծառայութեան միջոցը 25 տարի էր լինելու:

Այս նպատակի համար արդէն 100-ի չափ զինուոր վանքը վերցրած էր և զինավարժութեան մէջ նրանց կրթում էր:

Սակայն Պասկեիչը խաբանեց այդ բանը: Եւ խաբանեց զինուորների իրենց ձեռքով, որոնք — յայտնի չէ ումնից թելադրւած — բողոքեցին Ներսէս արքեպիսկոպոսի դէմ: Եւ ահա այդ բողոքը առիթ բռնած՝ Պասկեիչը հաւաքւած զինուորներին ցրեց և նորից զօրահաւաք լինելը խստիւ արգելեց:

Գեռ այդ բաւական չէր: Պասկեիչը իր ամբաստանագրումը Ներսէսի յիշեալ գործողութեանը քաղաքական մեծ նշանակութիւն տւեց նախարարութեան գրելով — «Վերջապէս ևս չըպիտի լռեմ նաև Ներսէսի մշտական հակամիտութեանը մասին՝ գաղտնի դաւադրութիւններ լարելու»:

ԼԵ.

Շարունակ լսելով այսպիսի ամբաստանութիւններ ներսէսի մասին՝ մինիստրները կասկածի մէջ ընկան, մի գուցէ նա, յիրաւի, ձգտում է ապստամբութիւն յարուցանել տէրութեան դէմ, այն ևս այնպիսի խառնակ ժամանակ, երբ տէրութիւնը պատերազմ է մղում տաճիկների դէմ:

Սակայն մի այսպիսի ծանր մեղադրանքի համար կառավարութեանը հարկաւոր էին ծանրակշիռ և անհերքելի փաստեր, որոնք սակայն Պասկեիչի անորոշ, մութ ամբաստանագիրներում չէին երևում:

Ուստի իրողութիւնը ստուգելու համար՝ կոմս Դիրբիչը յունիսի 6-ին հետևեալը գրեց Պասկեիչին:

«Ձեր գրութիւններից թագաւոր կայսրը քանիցս անգամ բարեհաճեց նկատել, որ ներսէս արքեպիսկոպոսի գործողութիւնները շատ անգամ հակառակ են մեր տէրութեան նպատակներին և օգտին, որին ապացոյց է այն բողոքը, որ սըրանից առաջ մատուցել էին Ձեզ հայոց կամաւոր զօրքի 25 հոգի գինւորները, որոնց ներսէսը ինքնտկամ պարտաւորեցնում էր 25 տարի ծառայել Էջմիածնի վանքում և այդպիսով ժողովրդի մէջ շփոթ էր յարուցանում:

Այս բոլորը տեղիք է տալիս եզրակացնելու թէ գուցէ ներսէսը որևէ գաղտնի մտքեր և

ձդաուսմներ ունի Ռուսաստանի հետ նոր միա-
ւորած երկիրների վերաբերութեամբ:

«Վասն որոյ նորին Մեծութիւնը կամենում
է գիտենալ Ձեր կարծիքը՝ արդեօք արդարացի
էր համարում դուք վիրոգրեալ եզրակացութիւնը
Ներսէսի վարքի մասին թէ ոչ» *):

Պասկևիչը հիմա միայն զգաց, թէ որքան
նա յափշտակել էր Ներսէսի դէմ ունեցած զը-
րագրութիւնների մէջ:

Պնդել թէ Ներսէսը ապստամբ է և դաւա-
ճան տէրութեանը, — սէտք էր ապացուցանել:
Իսկ ապացոյցներ չունէր Պասկևիչը իր ձեռքին:
Մնում էր ուրեմն ոլոր մոլոր բացատրութիւննե-
րով որոշ ձև տալ գործին:

Ճիշտ այդպէս էլ վարուեց Պասկևիչը՝ յուլի-
սի 10-ին Դիպիչին գրած իր պատասխանով, որ
է այս:

Լ.Զ.

«Ներսէս արքեպիսկոպոսի վարքը և նրա
գործերը, — գրում է Պասկևիչը, — մինչև այսօր
չեն ցոյց տւել, որ նա ունեցած լինի մեր տէ-
րութեան դէմ վնասակար մտքեր կամ որ և է
գաղանի ղիտաւորութիւղ այն երկիրների վե-
րաբերութեամբ, որ նոր են միացրած Ռուսաս-
տանի հետ»:

«Ընդհակառակը թէ Պարսից պատերազմի

*) АКТЫ, VII. кр. 253, № 209.

սկզբում և թէ պատերազմի ժամանակ Ներսէսը միշտ պատրաստակամութիւն է յայտնել ծառայելու յօգուտ մեր և անձնւիրութիւն է ցոյց տուել Ռուսաստանին»:

«Այս մասին, — շարունակում է Պասկևիչը, — կատարեալ իրաւունք տալով նրան — այնուամենայնիւ ես չեմ կարող չյիշել, որ փառասիրութիւնը, ամբողջութեամբ անց է կացնում նրան իր կոչման և աստիճանի պարտաւորութիւնների սահմանից և թէ նա ոչ միայն հոգեոր, այլ ևս աշխարհական գործերումն էլ կամենում է*) անսահման իշխանութիւն բանեցնել»:

«Հայոց ծայրագոյն պատրիարք Եփրեմի խորին ծերութիւնը և հիւանդութիւնը Ներսէսին միջոց տուեց ձեռք առնելու հայոց եկեղեցւոյ վարչութեան դէկը:

«Արդէն իմ ականջիս հասած էին մասնաւոր բողոքներ թէ նա անհաշիւ գործ է դնում եկեղեցական եկամուտները, բայց ես այդ մասին կանոնաւոր քննութիւն չկազմեցի, որովհետեւ ստացածս տեղեկութիւնները պաշտօնական չէր»:

Այս տողերից յետոյ՝ Պասկևիչը առաջ է բերում Ներսէսի կոչերի պատմութիւնը և Մազաբերդի Շէրիֆ աղայի նամակի պատմութիւնը, որոց հետ ես արդէն ընթերցողներին ծանօթացրի վերևում:

Ապա Պասկևիչը շարունակում է՝ «ընդ սմին

*) Այս բառերի միտքը բիշ յետոյ ես կը պարզեմ:

կցորդում եմ տեղեկութիւններ ներսէսի առաջ-
ւայ վարքի մասին, որոնք պարզում են այս հոգե-
որականի բնութիւնը և յատկութիւնները, թէ
և ես յիմ կարող բոլորովին երաշխաւորել թէ
այդ տեղեկութիւնները ճիշտ են *)»:

Այսպէս ահա բացատրելով իմ կարծիքը ներ-
սէս արքեպիսկոպոսի մասին՝ ես ճշմարտութիւ-
նից դրդւած պարտք եմ համարում վճռակաւ
կերպով կրկնել, որ թէև նրա կողմից մեր տէ-
րութեան դէմ որ և է վնասակար ձեռնարկու-
թիւն սպասել կարելի չէ, բայց մի և նոյն ժամա-
նակ, որքան ինձ յայտնի են նրա յատկութիւն-
ները, պատիւ ունիմ ներկայացնել Ձեր բարե-
հայեցողութեանը՝ թէ ինչ հետևանքներ կարող
են առաջ գալ, եթէ ներսէսի փառասիրութիւնը
և նրա անտեղի կողմնապահութիւնը հայոց գոր-
ծերում նեցուկ կամ պաշտպանութիւն կը գրտ-
նեն այս ազգի (հայոց) միւս նշանաւոր ան-
ձինքների խորամանկութիւնները մէջ, — մի ազ-
գի, որի հաստատապէս ձգտումն եղել է, և է,
որքան կարելի է խոյս տալ մեր օրէնքի ազգե-
ցութիւնից և ներգործութիւնից: Եւ ինչ դրու-
թեան մէջ կը լինի այստեղի գլխաւոր վարչու-
թիւնը, որ ստիպւած պիտի լինի անդադար դի-
մադրել բոլոր այն խորամանկութիւններին և
անպատիւներին, որոց միակ նպատակն է դար-

*) Այս բաների միտքը քիչ յետոյ ես կը պար-
զեմ դարձեալ:

ձնել այդ ազգը, որի բոլոր բարորութիւնը կախւած է Ռուսիոյ զօրութիւնից և հովանաւորութիւնից, դարձնել,—ասում եմ ես.—այդ ազգը առանձին արտօնութիւնների տէր մի դասակարգ, որ ամեն կերպ օգուտ լինի քաղում մեր վարչութիւնից, բայց մի և նոյն ժամանակ՝ շկամենայ ստորադրել ոչ Ռուսիոյ ընդհանուր կանոնադրութիւններին, ոչ էլ այն պարտաւորութիւններին, որ կատարում են Նորին կայսերական Մեծութեան միւս հպատակները*):

ԼԷ.

Մի կողմ թողնենք Պասկևիչի այն տողերն, որոցմով նա նախատում և վիրաւորում է ամբողջ հայ ազգը, չլիշենք այն արտօնութիւններն, որ իբրև թէ վայելելիս են եղել հայերը Պասկևիչի ժամանակ, և որոց վախճանական նպատակը եղել է ոչ թէ այդ ազգի իրան, այլ դարձեալ կառավարութեան օգուտն ու շահերը:

Այլ բացատրենք Պասկևիչի այն տողերն, որոցմով նա ամբաստանում է Ներսէս արքեպիսկոպոսին աշխարհական գործերի միջամտելու համար, նոյնպէս և այն տեղեկութիւնների համար Ներսէսի անցեալ վարքի մասին, որոց ճշտութիւնը երաշխաւորելուց հրաժարւում էր Պասկևիչը:

Առաջին կէտի վերաբերութեամբ Պասկևիչը

*) АКТЫ, VII, кр. 254, № 211.

երկու դէպք աչքի առաջ ունի: Նախ՝ Ներսէսի միջամտութիւնը «հայկական նահանգների կառավարութեան» գործաւում: Բայց չէ՞ որ Պասկևիչը ինքն էր կարգել նրան յիշեալ կառավարութեան անդամ: Բայց երբ տեսաւ, որ Ներսէսը, ըստ ամենայնի այնպէս չի շարժում ու գործում, ինչպէս որ հաճելի էին իրան Պասկևիչին, — այն ժամանակ նա նրան հրաժարեցրեց անդամակցութիւնից, — «ամենամաղաքատիւնն և ամենախիղճ յիսպանոյ իւրա պատիւն*»), ինչպէս որ նա ինքը հաղորդում է նախարարութեանը:

Ներսէսի երկրորդ միջամտութիւնը աշխարհական գործերում ըստ Պասկևիչի՝ այն կարծիքն է, որ Արհին յայտնել էր Թիւրքմանշայի հաշտութեան դաշնագնի մէկ կէտի մասին:

Ահա բանն ինչու՞ն է:

ԼԸ.

Դաշնագրի նախագծի գորութեամբ Ռուսաց նոր սահմանը՝ Նախիջևանի սկսած գնում հասնւմ էր նոր գծով մինչև Արաքս գետը՝ պարսիկներին վերադաձնելով Մանկուի խանութիւնը, որ սուր անկիւնի նման մտնում էր Ռուսաց հողի մէջ: — Ներսէսի կարծիքով պէտք չէր Մակուի խանութիւնն վերադարձնել պարսիկներին, և սահմանի գիծը տանել ոչ թէ Արաքսի վրայով, այլ

*) АКТЫ, VII, 6р. 258, № 214.

ուղիղ գծով, լեռնաշղթաների վրայով տանել հասցնել մինչև տաճկաց սահմանագլուխը:

Այս կարծիքն, որ ինքն ըստ ինքեան խելացի է, ներսէսը զբաւոր կեպով հրադորդել էր իր բարեկամ գեներալ Կրասովսկուն: Սա էլ իր պաշտօնական գրութեամբ ներկայացնել էր ի բարեհայեցողութիւն Պասկևիչին:

Վերջինս սաստիկ գայրացաւ ինչպէս ներսէսի, այնպէս և Կրասովսկու վրայ, որի մասին և զրեց նախարարութեանը թէ՛ «եթէ գեներալ-լէյտէնանտ Կրասովսկինն՝ ներսէսի այս կարծիքը պաշտօնապէս ինքը հաղողածն չլինէր,—նրա յայտարարութիւնը ես կատակ կը համարէի: Որովհետև դժարանում եմ երևակայել, որ գեներալ Կրասովսկին և ներսէս Արքեպիսկոպոսը խելքներին զօռ տային պաշտօնապէս խորհուրդ տալ ինձ թէ ես ինչ տեսակ հաշտութիւն պիտի կայացնեմ: Մինչդեռ այդ պատւին ես արժանացել եմ Թագաւոր Կայսեր արտօնութեամբ: Այդ պատճառաւ էլ չկամենալով իմ իշխանութեան մէջ հասարակապեսակաւ կասկոնկետ թոյլ տալու,—ես գեներալ Կրասովսկուն յանդիմանութիւն զրեցի՝ իրան չվերաբերեալ գործում միջամտելու համար:

ԼԹ.

Դառնալով ներսէսի անցեալ վարքի մասին եղած տեղեկութիւններին *) կասկնք, որ զրանք

*) АКТЫ, VII, стр. 255:

կազմել է՝ Պասկևիչի պահանջմամբ՝ Սերորէ վարդապետը, որին զնդապետ Լազարեանը հետը բերել էր իբրև թարգման պարսկահայերի գաղթականութեան ժամանակ և որը ի հաճոյս Պասկևիչին, միշտ հակառակ դիրք էր բռնել գէպի ներսէսը:

Սերորէի կազմած տեղեկագրի ամեն մի տողում ու բառում ստերն ու զրպարտութիւնները առաջին տեղն են բռնում: Աշտարակեցուն վատ մարդ դուրս բերել, պատմական փաստերն աղճատել, շուռ ու մ.ու.ռ տալ, ուրս քաղաքականութեան զօրծած խառնակութիւններն, պառակտում ու աքսորանքներն՝ ներսէսին վերագրել, նրան վերագրել նմանապէս և բացառապէս այն խաղերն ևս, որ պարսից և ուրսաց քաղաքականութիւնը խաղաց Եփրեմ կաթողիկոսի դիսին և այլն, — ահա Սերորէի կազմած և Պասկևիչի ձեռքով նախարարութեանը ներկայացրած տեղեկագրի բովանդակութիւնը:

Պասկևիչը, չնայած իր ատելութեանը գէպի ներսէսը, անշուշտ հասկանում էր, որ իրան պատիւ չի բերել մի այդպիսի պարսաւազիր ներկայացնել իշխանութեանը, ուստի և շեշտեց, որ այդ տեղեկութիւնների ճշմարտութիւնը ինքը չէ կարող երաշխաւորել:

Խ.

Թէ նիկողայոս Ա. կայսրը և թէ նրա մի-նխարները շատ լաւ ծանօթ էին երխտասարդ

Պասկևիչի բնաւորութեանը: Գիտէին, որ իր միջանի լաւ յատկութիւնների հետ, միևնոյն ժամանակ, շատ փառասէր է, նախանձոտ, ռիսակալ, վրէժխնդիր: Թէ իր այս վերջին յատկութիւններից մղւած՝ Պասկևիչը իրանից հեռացրել էր Մադաթեանին, Կրասովսկուն, Լազարեանին, Մուրավեօվին և հեռացրել էր ամեն մէկի վրայ մի բիծ կպցնելով, մի արատ գտնելով և նոյնիսկ հնարելով:

Վերջին հանգամանքը այն աստիճան աչքի էր ընկել, որ կայսրը մի մասնաւոր նամակ գրեց, որով մի խրատախառն յանդիմանութիւն գրելով՝ հրաւիրում էր նրան. իր գործակիցների և ստորադրեալների նկատմամբ լինել միշտ *արդարադաս, վեհանձն, համեստ, ներողամիտ, և այլն*:

Արդ՝ երբ Պասկևիչի յուլիս 10 թւակիր բացարութիւնը Ներսէսի գործունէութեան մասին՝ Պետերբուրգում կարգացին՝ միամտեցան՝ որ Արհւոյ գործողութիւնների մէջ անբարեյոշուորեան, կամ դաւադրութեան նշոյլ անգամ չլինելն՝ ամբաստանող Պասկևիչը իր բերանովն է խոստովանում ու վկայում:

«Ի վերայ այսր ամենայնի՝ հետեւելով աւանդական կարգապահութեանը Պետերբուրգում, ինչպէս որ Պասկևիչի քմահաճոյքներին զոհ էին բերել վերոյիշեալ գեներալներին, այսպէս էլ որոշեցին զոհել նաև Ներսէս արհեստակոպո-

սին», որի հեռացումն էր պահանջում կովկասից Պասկևիչը իր վերջին գրութիւններէ մէջ:

Դէպքը այնպէս բերեց, որ Արհւոյ հեռացումը պատուաւոր կերպով և կառավարութեան համար օգտակար նպատակով պիտի կատարուէր:

ԽԱ.

Այն օրերում երբ Պասկևիչը հետամուտ էր ներսէսին կովկասից հեռացնել՝ Մուղավիայի, Վալախիայի և Բեսարաբիայի առաջնորդ Գրիգոր եպիսկոպոսը մեռաւ: Եւ նրա մահը ամենայարմար առիթ եղաւ Պետերբուրգի արքունիքի համար՝ թէ Պասկևիչի կամքը կատարելու և թէ ներսէսի իրեն յարմար պաշտօն տալու և թէ ներսէսից նոր մէկանց օգտուելու:

Ի դէպ՝ Ռուսաստանը արդէն կազմ և պատրաստ էր Օսմանեան տէրութեանը պատերազմ յայտարարելու: Եւ նրան անհրաժեշտ էր Բեսարաբիայում ունենալ մի կտրիճ, գործունեայ հայ եպիսկոպոս, որ կարողանար Արղութեան Յովսէփ արքեպիսկոպոսի նման ռուսական ազդեցութիւնը տարածել Բալկանեան թերակղզու հայ ժողովրդի, և նրա միջոցաւ նաև տեղացիների վրայ:

Այս պատճառաւ՝ 1828 թ. ապրիլի 13-ին մինիստր Բենդենդօրֆը մի-մի նամակ գրեց Պասկևիչին, Եփրեմ կաթողիկոսին և ներսէսին: Նամակների բովանդակութիւնը նոյն է: Եւ բոլորը միասին Պասկևիչին է ուղարկւած, որ կարգայ,

և եթէ ինքն ևս համամիտ կը լինի մինիստրին՝
յանձնէ ըստ պատկանելոց:

Նամակների մէջ շեշտւած է, որ ամենա-
յարմար թեկնածուն Ներսէսն է: Բայց եթէ ծե-
րութեան կամ առողջութեան տեսակէտով նա
չկամենայ գնալ,— ապա անհրաժեշտ է մի այն-
պիսի հայ հոգևորական ընտրել, «որ լինի ըն-
դունակ, ժողովրդի վստահութիւնը գրաւած, և
սեղեակ երկրին ու սաճիկ լեզուին»:

«Որ կարողանար,— շարունակում է Բեն-
գենգորֆը,— օգնել յարեկարգելու այնտեղի հայ-
ոց փնձակը ըստ օրինակի իշխ. Երկայնաբազուկ
Արդուրեան Յովսէփ Կարողիկոսի»:

Բենգենգորֆը Եփրեմ կաթողիկոսի նամակը
վերջացնում է հետևեալ տողերով՝ «Իր ծա-
նօթութեամբ ազգային գործերի հետ և իր ջեր-
մեռանդութեամբը, յայտնի և ձեր հաւատարիմ
պետ. խորհրդ. Խաչատուր Յովակիմեան Լազա-
րեանը, որ կայսերական հրամանաւ ինձ մօտ
պաշտօնեայ է, որպէս առաջ, նոյնպէս և այժմ
հաղորդում է ձեզ մանրամասնութիւնները: Նա
այսուհետև եւս կը շարունակէ քանակցել կա-
րելու գործերի վերաբերմամբ»:

ԽԲ.

Նախարարի այս գրութիւնները Պատկերիչը
անմիջապէս հասցրեց Եփրեմ կաթողիկոսին և
Ներսէս արքեպիսկոպոսին՝ վերջինիցս խնդրելով

տեղեկացնել թէ «հանդամանքները և Չեր առողջութիւնը թոյլ տալի՞ս են ձեզ արդեօք այս ճանապարհորդութիւնը կատարելու, թէ գուցէ Բեսարաբիա կը նշանակւի մի ուրիշ հովւապետ, որ բարձրագոյն կամքը կատարելու համար՝ պէտք է անմիջապէս ուղևորւի այնտեղ»։ Ներսէսը, իհարկէ, հասկացաւ որ իրան կովկասից հեռացնել են ուղում։ Եւ միևնոյն ժամանակ, Բեսարաբիայումն էլ ուղում են դարձեալ նրան իրանց քաղաքական նպատակներին ծառայեցնել։ Ուստի մայիսի 28-ին հետեեալ պատասխանը ուղղեց Պասկևիչին՝ «Չեր մայիսի 21-ի գրութեանը պատիւ ունիմ պատասխանել, որ առաջիկայ յունիսի 4-ին ես դուրս կուգամ Էջմիածնից և Արարանի վրայով կուգամ Թիֆլիզ»։

Իսկ ինչ կը վերաբերի բարձրագոյն հրամանաւ իմ Բեսարաբիա ուղևորւելուն, — ես իմ պարտքն եմ համարում նախ անձամբ տեսնել Չեր պայծառափայլութեանը հետ եւ ընդունել Չեր խորհուրդները ի քարոզութիւն հայոց ազգին։ Ուստի խնդրում եմ հազորդել ինձ՝ թէ օրտեղ կարժանանամ ես Չեզ հետ տեսնուելու, եթէ որ Չեր պայծառափայլութիւնը մինչև իմ գալստ արդէն բարեհաճած կը լինէք ուղևորուելու Թիֆլիզից դէպի Օսմանեան սահմանները» *):

*) АКТЫ, VII, кр. 254:

ԽԳ.

Ներսէսի այս պատասխանը ոչ միայն չբաւականացրեց Պասկևիչին, այլ մինչև անգամ զայրացրեց նրան:

Ներսէսը բացայայտ կերպով չէր գրում թէ՛ կամենում է արդեօք գնալ Բեսարաբիա թէ՛ ոչ, այլ կանխապէս ուզում էր տեսնել իրան.— Պասկևիչի հետ հայոց ազգի բարօրութեան համար խօսակցելու նստակաւ: Եւ որովհետև Ներսէսի հետ տեսակցելու ոչ ժամանակ ունէր Պասկևիչը, ոչ էլ ցանկութիւն, — ուստի պատասխանեց, որ եթէ Արհին օգոստոսի 8-ին 9-ին կարողանաւ հասնել Գիւմրի, այն ժամանակ գուցէ թէ իրան այնտեղ գտնի, բայց միքէ այնքան նշանաւոր են,— շարունակում է Պասկևիչը, — այն պատճառները, որոնք պիտի կարողանան ուշացնելու Բարձրագոյն հրամանը՝ ձեր ամենափոյթ ուզկորութեան մասին ի Բեսարաբիա, եթէ միայն համաձայն էք այդ ճանապարհորդութիւնն անելու, և արդեօք աւելի լաւ չէք համարել, որ հայոց ազգի բարօրութեան վերաբերեալ մտքերը գրաւորապէս հաղորդէք ինձ:

Այս գրութեան հետ՝ Պասկևիչը կարգադրեց Թիֆլիզում արքունի գանձարանից Ներսէս արքեպիսկոպոսին 300 ոսկի ճանապարհածախք տալ:

Դառնալով այն հարցին թէ հայոց ազգի բարօրութեանը վերաբերեալ ինչ հարց կար Ներ-

սէսի և Պասկևիչի մէջ, — դժւար է դրական և ստոյգ բացատրութիւն տալ:

Պատմութիւնից յայտնի է միմիայն հետեւեալը:

ԽԴ.

Ներսէս արքեպիսկոպոսը՝ մինչև իր կենաց վերջին րօպէն ձախ ծոցի դրպանում մի թուղթ էր պահում, որից գիշեր և ցերեկ չէր բաժանւում: Եւ ամեն անգամ երբ Պասկևիչի և անցած գնացած բաների մասին, մասնաւոր մը տերմական շրջանում խօսք էր լինում, — Ներսէսը ձեռքը ձախ ծոցի վրայ էր դնում և ասում՝ անա այստեղ է կաշկանդած Պասկևիչը:

Այս թղթի գոյութեան մասին՝ տեղեակ էին այն ժամանակւայ կովկասեան կուսակալները, — իշխ. Վօրոնցովը, Մուրաւեօվը և իշխան Բարեատինսկին: Բայց ոչ ոք չգիտէր թէ ինչ է թղթի բովանդակութիւնը: Ներսէսը ոչ ուրիշին էր ցոյց տալիս յիշեալ թուղթը, ոչ էլ հրատարակում:

Ենթադրաբար ասում էին իբրև թէ յիշեալ թուղթը Պասկևիչն է տւել Ներսէսին նախ քան պատերազմը և նրանում մի խոստմունք է արել հայոց ազգին:

Միևնոյն միտքը յայտնում է և Պէրպէրեան պատմիչը *) Պասկևիչի «խոստումը» լուսաբանելով այնպէս, որ եթէ Ներսէսը աջակից լինի

*) Պատմ. Հայոց, Կ. Պօլիս. 1871, էր. 283:

ուսւ բանակին Երևանի և Նախիջևանի խանութիւնները պարսիկներէց առնելու, այն ժամանակ այդ երկիրը իբրև մի մասնատր դրսութիւն է համարւելու՝ ուսաց հովանաւորութեան և պաշտպանութեան ներքոյ:

Պէրպէրեանը այս էլ է գրում, իբրև թէ Պասկելիչի տւած թղթի Նիկողայոս Ա. կայսրն էլ է ստորագրել, — որ, ի հարկէ, անհնարին բան է:

Աւելի հաւանական է այն տարածւած կարծիքը թէ Պասկելիչի գրաւոր խոստումն եղել է կայսեր կողմը: Պէրպէրեանը գրում է նաև, որ երբ Ներսէս Աշտարակեցին, վերջերում, իբրև կաթողիկոս՝ կայսեր ներկայացաւ՝ Պասկելիչի տւած թղթի մասին Ներսէսը խօսք բաց արեց, առ որ կայսրը այս է պատասխանել՝ «այժմ քաղաքականութիւնն Եւրոպացւոց ընդդէմ ելանէ այսմ կարգադրութեան, և ոչ յաջողի բնաւ և ազգ ձեր տեսանէ վրաս յամենայն կողմանս, ուր և ցրւեալք իսկ են: Եթէ ողորմութեամբ Աստուծոյ՝ ի գլուխ տարայց զԱրևելեան խնդիրն ազատութեան Քրիստոնէից, յայն ժամ զիւրաւ յաջողի և այդ խնդիր ձեր»:

Ներսէսի տեսակցութեան ժամանակ կայսեր հետ՝ չենք կարծում թէ՛ Պասկելիչի թղթի մասին խօսք բացւած լինի, բայց եթէ լինի էլ, — կայսեր պատասխանը այն կարող էր լինել, ինչ որ Ներսէսը դուրս է բերել իր կոնդակում, որ մեր բացատրութիւններով և կարծիքներով հրա-

տարակել ենք արդէն *)։ Ըստ այդ կոնզակի կայսրը յուսադրել է Ներսէսին՝ «վասն ամբառնալոյ զԱթոռն Էջմիածնի յարժանաւոր գիտակցութիւն, վասն զերացուցանելոյ զհոգևորականն (հոգևորականութիւնը) հայոց և վասն ապահովելոյ զամենայն զրնակիչսն այն կողմանց Կովկասու, և վասն այլոց շահվաց»։

Կայսրը իր այդ խոստումները կատարեց և նախարարութեանը հրահանգ աւելց Էջմիածնի նշանակութիւնը բարձրացնելու օտարահպատակ հայերի աչքում, հայ հոգևորականութեան ազդեցութիւնը ժողովրդի վրայ՝ դորացնելու, իսկ Կովկասեան ժողովրդի կեանքն ու դոյքը ապահովելու։

Եւ այս ամենը արաւ ուսու կառավարութիւնը՝ բացառապէս իր քաղաքական շահերից հարկադրւած։

Այդ քաղաքականութիւնը այժմ, մեծ մասամբ, փոխւած է, բայց դեռ իսպառ խոտւած, մի կողմ ձգւած չէ։ Եւ առժամանակ մի չի էլ ձգւի, քանի որ «հայկական հարցը» տակաւին մնում է քաղաքական հորիզոնի վրայ։

ԽԵ.

Վերադառնալով Պասկելիչի թղթին՝ ես ընդունում եմ, որ Ներսէսի մօտ մի այդպիսի

*) Պատմ. Քաղաքացիական, «Հովիտ» 1911, №№ 11—12։

Թուղթ կար: Եւ թէ՛ այդ թղթով Պասկևիչը խոստացած էր Երևանի և Նախիջևանի խանութիւններից հայկական մի դքսութիւն կազմել ուսաց հովանաւորութեան և պաշտպանութեան ներքոյ:

Բայց եթէ ներսէսն ու նրա ժամանակի հայ քաղաքական գործիչներն՝ չէին հասկանում, որ հայկական դքսութիւնը բնաւ տևական չէ կարող լինել, — այժմ հօ ամեն մի հայ մարդու համար էլ, — որ փոքրի ի շատէ զիտէ քաղաքականութեան ինչ լինելը, — շատ պարզ է, որ հայկական ինքնուրոյն իշխանութիւն կազմելու միտքը՝ հէնց իրանք, — այդ մտքի հեղինակներն ու պաշտպանները՝ իրանց ձեռքով տապալեցին: Դրանք են՝ «հայկական հարցի» բոլոր շրջանների բոլոր քաղաքական գործիչները, անխտիր:

Մասնաւորապէս Յովսէփ Երկայնաբազուկ Արղութեան արքեպիսկոպոսը, որ ի շնորհս իր մտերմութեան վրաց թագաւորների և իշխանագուհիների՝ այնքան աշխատեցաւ իր կողմից ևս վրաստանը միացնելու Ռուսաստանի հետ: Եւ յաջողեցաւ էլ:

Եւ իր այդ յաջողութեամբ մի անգամ ընդ միշտ թաղեց հայկական ինքնուրոյն իշխանութեան զաղախարը, որ Արհին անկեղծօրէն սիրեց ու փայփայեց այնքան, մինչև որ իր կրծքի վրայ խեղդեց, մահացրեց ի հարկէ անգլիտակցաբար: Նոյնը արաւ և ներսէս Աշտարակեցի արքեպիսկոպոսը, որ Պասկևիչի սին ու անրո-

վանդակ ստորագրութեան վրայ յոյսը դրած մե-
ռած ու թաղած գաղափարին կենդանութիւն էր
ուզում տալ:

Ուստի և Բեսարարիա գնալու առաջարկն
ընդունելով մասամբ, շատ ուրախ եղաւ և ժո-
ղովրդի հետ ինքն էլ կարծում էր, որ Բեսարա-
րիա ուղևորելն՝ իրեն համար խիստ բարեպա-
տեհ առիթ է ընծայում անձամբ ներկայանալով
կայսեր՝ մանրամասն խօսել այն ամեն խնդիր-
ների մասին ինչ որ հայոց ազգի բարորութեանն
է վերաբերում:

Ներսէսի մօտիկ անձնաւորութիւնները՝ ի-
րանց լաւատեսութեան մէջ դեռ աւելի հեռու
էին գնում:

ԽԶ.

Նրանք կարծում էին, որ իբր թէ Արհին
Բենգենդօրֆի նամակը լաւ չէ հասկացել, որ
նրան կովկասից չեն հեռացնում, այլ թէ ներ-
կայ Օսմանեան պատերազմի ժամանակ տէրու-
թիւնը շատ կարևորութիւն ունենալով իր ներ-
կայութեանն ու օգնութեանը Բեսարարիայում
ժամանակաւորապէս հրաւիրում է նրան գնալ
այնտեղ: Թէ պատերազմը վերջանալուց յետոյ՝
Ներսէսը դարձեալ պիտի վերադառնայ կովկաս՝
աւելի մեծ դեր խաղալու կամ գործ կատարելու
«հայոց ազգի բարորութեանը համար»:

Բենգենդօրֆի գրութեան այն տողերը, թէ

Ներսէսը «իր բացակայութեան միջոցին բոլոր գործերը յանձնէ մի ընդունակ յաջորդի», — իբր թէ հաստատում էին վերոյիշեալ ենթադրութիւնը:

Հետեաբար, — պնդում էին Ներսէսի բարեկամները, — Արհին Բեսարաբիա գնալով՝ վերապահում էր իրան՝ Վրաստանի առաջնորդութիւնը և էջմիաճնի գերագոյն վարչութեան կառավարութիւնը, և նրա իշխանութիւնը պիտի տարածւի Բեսարաբիայից մինչև Արաքսի ափը:

Արհւոյ մտերիմների այս մտքերը Ներսէսը ինքն ևս անուցանում և փայփայում էր և նա՝ միանգամայն վստահ էր, որ կայսեր և նրա աւագանւոյն ներկայանալով պիտի կարողանայ իր նպատակին հասնել, — 1828 թ. օգոստոսի կէսին Կովկասեան լեռներն անցնելով՝ ուզում էր գէպի Ռուսաստան ուղղել իր ճանապարհորդութիւնը և ահա հրաման տուցաւ, որ Բիշնևն զնայ, այլ ոչ ուրիշ տեղ:

Այս հրամանի ստանալն Ներսէսը Ստաւրոպօլից Թիֆլիզի իր մի բարեկամին հաղորդելով՝ աւելացնում էր հետևեալ առկերը՝ «քանզի որչափ մտածեմ, համարեմ ստուգիւ գինւորութեան սատանայի ի՞ ձեռն իւրոյ արբանեկաց յարուցեալ ընդդէմ մերումս հոգևորական կառավարութեանց, ըստ որոյ հարկաւորի զգուշանալ՝ մինչև դայն պատահարն չարին խորտակեցէ ինքն Տէր»: Եւ Ներսէսին հարկաւոր եղաւ

զգուշանալ ամբողջ 14 տարի Քիշնեում անգործ նստելով:

Մի կողմ թողնելով Արհւոյ գործունէութեան նկարագիրը Բեսարաբիայում, — դա իմ ծրրագրին չէ վերաբերում, — ես կանցնեմ ուստատանկական պատերազմին:

ԽԷ.

1828 թ. յունիսի 14-ին Պասկևիչը Գիւմրիի մօտով (որ այժմեան Ալէքսանդրօպօլի տեղումը մի գիւղ էր) իր մեծ բանակով մտաւ տաճկաց սահմանը: Կարսի, Բայազետի և Ախալցխայի փաշայութիւնների միջով սկսեցան Ռուսաց արշաւներն: Այդ երկիրների բնակիչները մեծագոյն մասը՝ հայեր էին: Այսպէս՝ Բայազետի փաշայութեան մէջ, պատերազմից առաջ, 3200 տուն հայ կար և միմիայն 550 տուն տաճիկ: Կարս քաղաքում 2500 տուն հայեր էին ապրում և միմիայն 360 տուն տաճիկ: Իսկ նրա շրջակայքում տարածւում էին 248 գիւղ, որոց բնակիչների կէսը հայեր էին, կէսը տաճիկներ, այն է՝ 1850-ական տուն: Նոյնն էր զրեթէ և Ախալցըխայի փաշայութեան մէջ:

Գիւմրիի մօտով սահմանն անցնելով Պասկևիչը իր բանակը Կարսի բերդի վրայ շարժեց յատկապէս նայ գիւղերով, նրանցից օգտուելու միակ նպատակաւ ի նարկէ: Բայց նրա յոյսը ի զերե ելաւ:

Որովհետեւ, ինչպէս երկու տարի առաջ պարսիկներն էին արել, այժմ էլ նոյն բանը արին և

տաճիկներն: Հայերից խլելով բոլոր գէնքերը
անյնիսկ բահերը, կացիններն ու դասնակները՝ տա
ճիկները բոլոր գիտացիներին քշել տարել էի
Բասենի կողմերը:

Այնպէս որ սպասուած համակրութեան
օգնութեան փոխարէն՝ ուսաց բանակը Տաճ
կաստան մտած օրից ի վեր՝ իր հանդէպ միմի
այն հայկական գիւղերի աւերակները տեսաւ:
Եւ Պասկևիչը գրեց կայսեր՝ «այս երկիրը լիքն
էր հայ ռազգարնակութեամբ, իսկ այժմ կաստա
րեալ անտպատ է դարձել, որովհետև տաճիկ
կառավարութիւնը բնակիչներին քշել է հեռաւոր
տեղեր» *):

Զայրացած, որ չկարողացաւ այս անգամ ևս
օգտուել ինչպէս հայ ժողովրդից, նոյնպէս և հայ
հոգևորականութիւնից, — Պասկևիչը մի այլ գը
րութեան մէջ **) սկսեց զրարարտել հայերին
գրելով «Թէ հայերը իրան ճիշտ տեղեկութիւններ
չեն հաղորդում տաճիկ զօրքերի մասին, այն ինչ
չնորհիւ հայ լրտեսների և էջմիածնի հոգևորա
կանութեան անխոհեմութեան թշնամին տեղեակ
է թէ ինչ է կատարուում մեր բանակում»:

ԽԸ.

Գալով կարս քաղաքի հայերին՝ տաճիկ կա
ռավարութիւնը թէպէտ և նրանց էլ գիւղացիներ

*) АКТЫ, VII, кр. 747, № 753.

**) АКТЫ, VII, кр. 753, № 756.

րի նման տեղահան չարեց, սակայն նրանց էլ զէնք բաժանելով՝ ստիպուամ էր տաճիկ սպաների հսկողութեան տակ կուել ոսների դէմ: Հայերը շէին կոտամ, այլ կուել էին ձեւացնում: Ընդհակառակը բերդի պաշարման ժամանակ՝ նրանք օգնում էին ուս զինւորներին ընդդի պատերի վրայ քարձրանալու, և ուրիշ այլնայլ օգնութիւններ էին անում, որոնք մեծապէս նպաստեցին Պասկևիչին, ամենակարճ ժամանակուամ,—յունիսի 23-ին անառիկ բերդին տիրանալու:

Այս բանը շատ լաւ հասկացաւ թէ տաճիկ ժողովուրդը և թէ կառավարութիւնը, որ Կարսի անկումը վերագրեց տեղացի հայերի դաւաճանութեանը *) և բերդապահ փաշայի կաշառած լինելուն, մի հանգամանք, որ Պասկևիչը ինքն էլ չէ թագցնում: Այսպէս՝ նրա 1829 թ. յունւարի 11-ին կայսեր մատուցած ընդարձակ տեղեկագրից երևում է, որ ինքը վաղօրօք իր կողմն է պրաւած եղել ինչպէս Կարսի, նոյնպէս և Մուշի ու Բայազէտի փաշաներին **): Եւ հէնց այս է պատճառը, որ Կարսի անկումից յետոյ Պասկևիչը հետգհետէ տիրեց և այդ փաշալիքներին:

*) Ինչպէս 1828, նոյնպէս և 1855—1877 թւերում կարսեցի հայերը մեծապէս օգնել են բերդի անկմանը: Դրանց թւումն էր վերջին անգամ վանեցի Գրիգոր վ. Աղուանեանը, որին եպիսկոպոս ձեռնադրելը պահանջելով պահանջում էր փոխարքայ Մեծ Իշխանը:

**) АКТЫ, VII, кр. 775, № 775:

Կարսին տիրելուց յետոյ՝ ուսաները առանց
առանձին գժւարութեան տիրեցին Ախալքալաքի
և Խրթվիլի բերդերին *) և ապա անցան պա-
շարեցին Ախալցխան, որտեղ տաճիկները կեն-
դրոնացրել էին իրանց ոյժը: Բացի տէրութեան
գօրքից՝ ուսաներին դիմադրելու հարկադրւած
էին նաև տեղական ազգաբնակութիւնը՝ հայերն
ու վրացիները, որոց ընտանիքներին ապահով
վայրերում պատսպարելով՝ տաճիկ կառավարու-
թիւնը տղամարդկանցը զինաւորել էր գրեթէ կա-
նոնաւոր գօրքի հաւասար:

Սակայն զինւած ժողովուրդը, մեծ մասամբ,
չէր կուում, կամ ուսաց բանակն էր փախչում:
Անճարացած կառավարութիւնը ժողովրդից յետ
վերցրեց բաժանած գէնքերը և առանձին հսկո-
ղութիւն նշանակեց ժողովրդի վրայ:

ԽԹ.

Ախալցխայի պաշարումը մի քանի օր տե-
ւեց: Պաշարւած տաճիկ գօրքի և տաճիկ ժողո-
վրդի ցոյց տւած ընդդիմութիւնը՝ միանգամայն
զարմացրեց ոսններին: Մինչև այժմ նրանք
այդպիսի դիմադրութեան հանդիպած չէին: Տա-
ճիկ կնանիքն անգամ գէնքը ձեռքին՝ կուում
էին ոսնների դէմ:

Տեսնելով որ կուով անկարելի է քաղաքին

*) АКТЫ, VII, бр. 754 и 759:

տիրելու, ուսնները քաղաքի զանազան մասերում կրակ ձգեցին, հրդեհեցին:

Դրանից 4000 հոգի խանձուեցան, այրուեցան, փողոցները զխաղններով լեցնելով: Հրդեհը վերջանալուց յետոյ՝ ոսնները յաղթական կերպով քաղաք մտան և սկսեցին անխնայաբար կողոպտել ու կոտորել կենդանի մնացած ժողովրդին— առանց խարուժիւն զնելու մեծերի և փոքրերի մէջ:

Սարսափելի էր մանուսնող,—ասում է պատմիչը,—հայոց թաղի կլածն ու տեսածը»:

Վերջապէս օգոստոսի 15-ին Ախալցխան անձնատուր եղաւ *),

Քաղաքի և շրջակայի համար կառավարիչ նշանակուեցաւ իշխան Վասիլ Բէհրուժովը,—հայազգի:

Գիտենալով որ Ախալցխային տիրելուց յետոյ, ոսնները Արզահանի վրայ են յարձակուելու, և այդ քաղաքի ու նրա շրջակայ հայ զիւղացիները, կամայ թէ ակամայ, օգնելու են ոսներին,—տաճիկ կառավ. կարգադրութեամբ այդ թոշու գիւղերի քնակիչներին քննութեամբ սկսեցին իշխել սակեյ դեպի Արզում — Պարսին:

Պասկեիչը մի վաշտ զօրք ուղարկեց թշուառ հայերին ազատելու համար:

Օգոստոսի 18-ին ստաց վաշտը հասաւ փա-

*) АКТЫ, VII, кр. 760, № 766:

խստականներին՝ որոնք շրջապատւած էին 4000 տաճիկ քիւրդ հեծեկազօրքով:

Վերջիններիս և ոռւս վաշտի մէջ տեղի ունեցաւ կռիւ ու քաշքռտոց:

Ռսները աշխատում էին հայերին յետ դարձնել, իսկ տաճիկները առաջ քշել: Այս մարդկային հօտը՝ քանիցս անգամ մէկ այս կողմն անցաւ, մէկ այն կողմ:

«Աղէտալի է, — զրում է պատմիչը, — այդ տարագրած հայերի դրութիւնը, որովհետեւ սակաւաթիւ ոռւս զօրքը չէր կարողանում կատարելապէս պաշտպանել նրանց: Զինւորական պատմութեան մէջ շատ սխտամիջիկ կերպով է նկարագրւած հայերի այդ միքանի ժամայ կրած տանջանքն ու տառապանքը»:

Վերջապէս երբ տաճիկներն ու քիւրդերը տեսան որ հայերը ամեն կերպ ուզում են որսներին հետեւել, — ուստի ձանձրացած այդ կուից ու կոսորածից՝ թողին ժողովրդին և հեռացան: Տարագրւած հայերը 23 դիւղի բնակիչներ էին թւով մի քանի հազար հոգի, որոց փոխանակ իրանց գիւղերը վերադարձնելու՝ ոսները հեաները վերցրին և տարան Կարս, ուր այդ ժամանակ տարածւած էր ժանդախտը-չուման:

Ծ.

Մինչդեռ Արդահանի շրջակայ հայ գիւղացիներն Կարսի՝ չումայի բերանն էին տար-

ւում, — Արղահան քաղաքի հայերն, — որ ազգաբնակութեան ամենամեծ մասն էին կազմում, — եկեղեցական հանդէսով դիմաւորում էր քաղաքին մօտեցող ոռւս զօրքին և բերդի բանալիներն զօրավարին տանում յանձնում: Որովհետև բերդապահ տաճիկ զօրքը հեռացել էր և Սողանլուի լեռներով դէպի Արզրում մեկնել իր հետ քշելով Սողանլուի շրջակայ [33 հայ գիւղերի քնակիչներին եւս սրպէս զի շօգնեն ոսներին:

Պասկելիչը գեռ Արղահանումն էր, երբ լուր առաւ, որ իշխան Չաւչափադզէն Բայազէտի փաշայութիւնը նւաճել է *):

Այս խոշոր նւաճման մէջ՝ ոսներին մեծապէս օգնեցին հայերը՝ բանակին հաց մատկարարելով, թշնամու թւի և դրութեան մասին՝ ճրջորիտ տեղեկութիւններ ոսներին հաղորդելով, նրանց ճանապարհներ և անցքեր ցոյց տալով, քրդերի մեծաւորներին ոռւսաց կողմը դրաւելով և վերջապէս 500 հոգուց հայկական մի հեծելազունդ կազմելով:

Իսկ այս ամէնի փոխարէն քրդերն էլ սկսեցին իրանց ձեռքն ընկած հայերին մորթոտել, իրանց ճանապարհներին հանդիպած հայ գիւղերը թալանել, քնակիչներին լլկել, շարշարել եւ նրբանց հազարատր եւ տասնեակ հազարատր խաշներն ու տասարները քշել, տանել:

Բայազէտի քրդերի օրինակից խրախուսե-

*) АКТЫ, VII, кр. 767—770:

լով՝ Վանի վիճակի քրդերն ևս ոտքի ելան և պակասը լրացրին:

Էլ զազանութիւն շմեաց, որ նրանք շանեիս հայերի գլխին:

Այդ միջոցին ուսաց մի փոքրիկ գունդ տակաւին Խոյ և Սարմաստ պարսից գաւառումն էր գտնուում, որպէս զի պարսկահայ գաղթականների վերջին խումբին մինչև ուսաց սահմանն ուղեկցէ:

Ռուս զօրքին Պարսկաստանում տեսնելով Վանի քրդերը այնպէս կարծեցին թէ՛ Խոյ և Սարմաստն ևս ուսաց սեպհականութիւն են դարձել: Ուստի և կատաղաբար շնչան յիշևալ զաւանները և սկսեցին տեղական, գաղթելու պատրաստող հայ ժողովրդին լկել, սպանել, կողոպտել: Իսկ ռսները, իրանց սակաւութիւնից ստիպւած թերևս, լսկ հանդիսատես էին լինում այդ տեսարաններին և միմիայն իրանց ասպնովութեան մասին հագում:

ԾԱ.

Բայազէտի նւաճումից յետոյ Չաւշափողգէի կարգադրութեամբ հայկական հեծեղագունդը զընաց և աւանց արիւնահեղութեան մտաւ Գիաղին *), ուր սիրալիր ընդունելութիւն գտաւ տեղացի հայերի կողմից:

*) Բայազէտի փաշայութեան մէկ գաւառը: Մնացի աշներն են Խամուր և Ալաշկերտ:

Գալով Սամուրի հայերին՝ նրանք եկան Բայազէտ և իրենց շերտի ըսնալին ռուս զօրապետին յանձնեցին:

Բայազէտի փաշայութեան առնելուց յետոյ՝ Արզրու մի սարասքէրը (հրամանատարը) զօրք ուղարկեց Ալաշկերտ ուսաց առաջխաղացման առաջն առնելու, նախապէս կարգադրելով որ այդ գաւառի բոլոր հայերին քշեն հեռացնեն Անատոլիայի խորքերը:

Բայց մինչև այդ՝ իշխան Չաւշափաղզէն, նայերի օգնուրեւամբ, Թոփրագ-գալէ նշանաւոր բերդին տիրեց: Դրանից կատաղած՝ տաճիկները մի հայկական մեծ գիւղ հրոյ ճարակ տւին և ընակիչներին իրանց ապրանքի հետ քշեցին տարան Գարափափախ կոչւած թուրքերը:

Ռսները դրանց ետևիցն ընկան հայ հեծելազօրքի հետ միասին, բայց քիչ յետոյ՝ յետ դարձան, որովհետև Գարափափախների մեծաւորը դրականօրէն յայտարարեց, որ եթէ հայ հեծելազօրքը շարունակէ իր հետապնդումը, ինքը տարագրած այդ հայերին բոլորին էլ սրի կանկացնէ:

Մասամբ այդ, բայց առաւելապէս պաշար չունենալու պատճառաւ՝ Չաւշափաղզէն դադարեցրեց յարձակումը: Եւ իսկոյն մի վաշա զօրք ուղարկեց Մուշի կողմերը, որտեղ Սօֆիքեանդ կոչւած գիւղից 1000 բեռ հաց բերին և 200 տուն էլ Մուշի հայերին գաղթեցրին:

Մի այլ վաշա որ նոյնպէս պաշարի համար

Մանագիւերտի կողմերն էր գնացել, հայաբնակ Բատնոս գիւղացիների օգնութեամբ դարձեալ մի խոշոր բեռ ցորեն ճարեց և 160 տուն Բատնոսի հայերին աւարեց և Բայազէտի կողմերը բերեց:

ԾԲ.

Վրայ հառած ձմրանից ստիպւած ոսները պատերազմական գործողութիւնները վաղարեցրին: Պասկելիչը անցաւ գնաց թիֆլիզ՝ բանակի ընդհանուր հրամանատարութիւնը գեներալ Բանգրատեին յանձնելով:

Բայց գեռ ձմեռը շանցած՝ տաճիկներն ու աջարացիները ահագին քանակութեամբ Աջարայի լեռներից իջնելով թափուեցան Ախալցխայի շուրջը գտնուած հայ գիւղերի վրայ, սկսեցին կողոպտել և աւերել:

Շրջանի կառավարիչ իշխ, Վասիլ Բէհբուտովը՝ սիրա չարաւ գիւղացիներին օգնութեան հասնել: Բացի դրանից նա հարկ չհամարեց քաղաքը ևս պահպանելու մասին հողալ: Այլ քաղաքի կնանիքներին և երեխաներին բերդը հաւաքելով՝ տղամարդկանց պարտաւորեցրեց, որ իրանց տներն իրանք պահպանեն քաղաքում:

Գիւղերն աւերելուց յետոյ՝ աջարացի և տաճիկ՝ 20,000 հողուց բաղկացած՝ ամբօխը Ահմէտ փաշայի առաջնորդութեամբ Ախալցխայի

վրայ թափւեցաւ և ահագին աւերածութիւն գործեց:

Քաղաքի տաճիկ ազգաբնակութիւնը թշնամու կողմն անցաւ և նրա հետ, ձեռքի աւած, սկսեց կոտորել քրիստոնեաներին:

Այդ արհաւիրքները շարունակ 12 օր տևեցին, որի ժամանակ բերդից ձգւած 8698 թընդանօթի ուումբերն, 1354 ձեռքի ուումբերն և 72,880 հրացանի գնդակներն՝ թշնամուց աւելի՛ տեղոյն քրիստոնեաներին էին կոտորում և նըրանց շարժական ու անշարժ կայքերն փչացնում, այրում: Այնպէս որ առաջւայ շէն Ախալցրխան, — համանուն փաշայութեան կենդրոնը, — այժմ աւերակների մի մեծ կոյտ էր ներկայացնում:

Ահմէտ փաշան շատ աշխատեց բերդին տիրելու՝ ջրի ճանապարհը գոցելու և 3 ականներով բերդը յօդս ցնդեցնելու, — սակայն նրա բոլոր ձեռնարկութիւններն ապարդիւն անցան, վասն զի քրիստոնեաները քաղաքից միշտ բերդապահին նախօրօք իրազէկ էին կացուցանում փաշայի ձեռնարկութիւնների մասին:

Այսպիսով՝ քաղաքի քրիստոնեաները, այս կամ այն կերպով, օգնում էին բերդապահին, բայց նա ոչ մի օփնութիւն չէր հասցնում նըրանց: Բերդում վճռել էին ոչ մի դէպքում բերդից քաղաք զօրք չիջեցնել:

Այդ էր ահա պատճառը՝ որ Ախալցրխայի 25,000 ազգաբնակութիւնից՝ կենդանի մնացին

միմիայն 750 քրիստոնեայ ընտանիքը,—նրանք, որոնք բերդումն էին պատասպարւած նախօրօք:

Վերջապէս մարտի 4-ին Վրաստանից մի փոքրիկ գունդ Ախալցխային օգնութեան հասաւ այն ժամանակ, երբ Ահմէտ փաշան իր հրոսակախմբովը արդէն թողել հեռացել էր քաղաքից:

ԾԳ.

Ահմէտ փաշայի հեռանալովը՝ Ախալցխայի թշւառութեանը վերջ շտրւեցաւ: Ընդհակառակը այնուհետև երևան եկաւ մի այլ և ահռելի թըշնամի: Դա ժանդախտն էր—չուժան, որ դեռ նախընթաց տարւանից սկսեալ իր առատ հունձերն էր անուժ Բայազէտում և Արդահանում:

Զինւորական իշխանութեան բոլոր աշխատանքը ուղղւած էր զօրքի պահպանութեան վերայ, իսկ ազգաբնակչութիւնը թողնւած էր սեփական կամքին: Ամենուրեք սահմանւած կարանտինաներն՝ անկարող էին ախտի տարածման առաջն առնելու:

Երկրի կառավարիչ իշխան Բէհբուլթովի բացարձակ անընդունակութիւնը աղէտի առաջն առնելու, ակնյայտնի էր:

Իր բոլոր ուշադրութիւնը զօրքի վրայ դարձնելով և տգէտ ժողորդին իր կամքին թողնելով, —Բէհբուլթովը, վերջ ի վերջոյ, կարող էր զօրքի վարակմանն ևս առիթ դառնալ:

Ուստի նրան փոխեցին և նոր կառավարիչ

նշանակեցին գենեռալ-մայօր Բառօն Օստէն-Սա-
քէն:

Սա Ախալցխայ ժամանեց յուլիսի 23-ին և
անմիջապէս ձեռնարկեց ժանտախտի դէմ կրօ-
ւելու: Եւ ի պատիւ նրան, շատ լաւ կուեց:

Օստէն-Սաքէնի գործադրած խելացի միջոց-
ներն՝ մանրամասնաբար նկարագրւած են նրա
այն յայտարարութիւնում, որ նա ուղարկել է
Պասկեհիչին 1829 թ. յուլիսի 30-ին № 383 *):

Դժբախտաբար մինչև Օստէն-Սաքէնի գալն
Ախալցխայում կենդանի մնացած 750 ընտանի-
քից՝ արդէն 450-ը զոհ էին գնացել շուճային:
Նոր կառավարիչը կարողացաւ կենդանի մնացած
300 ընտանիքի կեանքը միմիայն փրկել:

ԾԴ.

Մինչդեռ Օստէն-Սաքէնի շնորհիւ Ախալցը-
խայի և նրա շրջակայքի բրիտանականները սկսե-
ցին փոքր ինչ ազատ շունչ քաշել և ահա հայ
ժողովրդի գլխին նոր փոթորիկ բարձրացաւ
Բայազէտի և Մուշի կողմերում:

Այս կողմերի քրդերի գլխաւորներին Պաս-
կեհիչը 10,000 ոսկով կաշառել էր նախօրօք, որ-
պէս զի նրանք իրանց տեղերումը հանգիստ մը-
նան: Եւ նրանք մնացել էին: Սակայն երբ տա-
ճիկ կառավարութեան ականջին հասաւ իր հը-

*) АКТЫ, VII. бр. 813, № 807.

պատակ քրդերի կաշառելը՝ 2 միլիօն դուրուշ էլ իր կողմից նրանց առաջարկեց: Ստանալով այդ գումարը քիւրդ ցեղապետները՝ իրանց հրոսակախմբերով՝ Յամու գաւառի հայ գիւղերի վրայ թափւելով՝ սկսեցին անխնայօրէն ասպատակել և կոտորակել:

Մի այդպիսի ելուդակային ասպատակութիւն էլ սկսեցաւ միաժամանակ՝ նաև Արդահանի շրջակայ հայ գիւղերում:

Այդ ասպատակութիւնները կարսի ամբողջ փաշայութիւնում այսպիսի սարսափ ձգեցին բոլոր հայկական գիւղերի վրայ, որ ոչ ոք չէր համարձակուում իր գլուխը տանից դուրս բերելու:

Այդ պատճառաւ էլ գարնանային վարուցանքը դաշտերում չէր կատարուում:

Եւ որովհետև 1829 թ. գարունքը շատ անձրևային էր և ցուրտ, ուստի և ուռնները չէին կարողանում պատերազմական գործողութիւնների ձեռնարկելու, մինչդեռ տաճիկները՝ իրանց հզատակ այլևայլ վայրենի ցեղերի յիջոցաւ՝ միանգամայն ոտատակ և քարուքանդ արին հայկական բոլոր գիւղերը իրանց բնակիչներով:

Վերջապէս մայիսի 19-ին Պասիկիչը հասաւ Արդահան, այնտեղից անցաւ կարս և յունիսի 20-ին Սօզանլուի լեռներում տաճիկ բանակը ջարդելով որ իր քայլերը դէպի Արզրում ուղղեց՝ Բասենի վրայով, ճանապարհին եղած հայ գիւ-

դերը թալանելով և գիւղացիներին Արզրում քը-
շելով:

ԾԵ.

Բասենի վիճակի հայ գիւղացիները եկեղե-
ցական թափօրներով դիմաւորելով ռսներին՝ նը-
րանց ընծայ էին բերում իրանց կենդանիներից
և սլաշարներից:

Շատ ժամանակ չանցած Պասկևիչը մտաւ
Հասան-Ղալա, որի տաճիկ բնակիչների փախըս-
տեան սլատճառաւ՝ մնացած 80 տուն հայերն
եկեղեցական թափօրով դիմաւորեցին ռսներին:

Պասկևիչը կանգ առաւ Արզրումի հանդէպ:

Նրա հետն էին այդ ժամանակ՝ կաթուղիկու-
թիւնից դարձած Սէրօրէ հայ վարդապետը և մի
յայտնի ու ազգեցիկ տաճիկ Մամիշ աղա անու-
նով:

Վերջինիս միջոցաւ Պասկևիչը յաջողեցաւ՝
Արզրումի նշանաւոր, ազգեցիկ տաճիկներին կա-
շառելու: Իսկ Սերօրէ վարդապետը Կարնոյ վի-
ճակի առաջնորդ Կարապետ եպիսկոպոսի հետ էր
բանակցում թագուն:

Վերջինիս անունով Պասկևիչը հետը բերում
էր Եփրեմ կաթուղիկոսի կոնդակը, որով նա սլատ-
ւիրում էր առաջնորդին՝ օգնելու ռուս բանա-
կին, երբ նա Արզրումի վիճակն հասնի:

Եփրեմի այդ կոնդակը տաճիկ ոստիկանու-
թիւնը բռնեց: Կարապետ եպիսկոպոսը զինու-
որական ատեանի առաջ տարւեցաւ բացատրու-

թիւն տալու: Թէպէտ նրան արդարացրին և բաց թողին, սակայն տաճիկ խուժանը և լագերը չափազանց զրգուեցան ինչպէս եպիսկոպոսի, նոյնպէս և հայ ժողովրդի դէմ, որոնք սախաւած եղան թագչել ստորերկրեայ վայրերում և գետնափոր նկուղներում տաճիկ բարեկամ և բարի մարդկանց տներում:

Ինքը առաջնորդը թագ էր կացել Մանէօղլեան ազգանւանով մի հայի գէճ ու խոնաւ նրկուղում:

Հէնց այդ նկուղիցն էր, որ կարապետ եպիսկոպոսը մի գիր զրեց Պասկելիչին և մաքսատան բեռնակերներինց Ֆարման անունով մի հայի տրեխներում հասցրեց ուսաց բանակը:

Նամակում եպիսկոպոսը ցոյց էր տալիս թէ որ ճանապարհից և որ կողմից պէտք էր Արզրումի վրայ յարձակել և յատկապէս որ դիրքի վրայ:

Սակայն Մամիշ աղայի միջոցաւ Արզրումում ցրւած ոսական ոսկիների շնորհիւ, պատերազմական գործողութիւններ տեղի չունեցան:

Այլ ոսական բանակը՝ Արզրումից 4 վերստ հեռու եղած Ս. Նշան (Թօփ դաղ) բլրի վրայ կանգ առնելով՝ Արզրումի ազգեցիկ տաճիկների ձեռքից ստացաւ Անատօլիայի այդ մայրաքաղաքի դռների բանալիներն:

Միքանի բոպէից յետոյ՝ Արզրումի ներքնաբերդի վրայ՝ մահեկի փոխարէն բրիստոնէական դրօշակն սկսաւ ծածանել:

Այնուհետև Պասկևիչը ձեռնամուխ եղաւ մի շարք տօնախմբութիւնների և զօրահանդէսների, որոց ժամանակ հայերը միշտ ներկայ և մասնակից էին լինում:

ԾԶ.

Յոյս չունենալով որ Արզրումին այդքան հեշտութեամբ կը տիրէ՝ Պասկևիչը այդ քաղաքի վրայ արշաւելիս՝ զօրքի մի մասը իր ձեռքի տակն էր կենդրոնացրել: Իսկ մինչև այդ ժամանակ տիրած վայրերի պահպանութեան համար մի մի վաշտ զօրք էր թողել:

Բացի ռսական այդ վաշտերից՝ Բայազէտում կազմուած էր նաև մի հայկական գունդ: Գրանց հրամանատարը՝ գեներալ Պապովն էր:

Արզրումում տեղի ունեցող հանդէսներից մի քանի օր առաջ էր, որ տաճկական մի մեծ բանակ, 12 թնդանօթներով, Վանի կողմից յանկարծ յարձակւեցաւ Թօփ-Գալէի հայկական թաղի վրայ, աւերեց, քարուքանդ արաւ, բնակիչների մի մասին կոտորեց, մնացածներին՝ աւաւանների և խաչների հետ՝ գերի վերցնելով՝ Բայազէտի վրայ ուղղեցաւ:

Թօփրագ-Գալէի բերդի ուս պահապան զօրքը, սակաւութեան պատճառաւ, ոչ մի օգնութիւն չկարողացաւ հասցնել հայերին, այլ լոկ հանդիսատես էր բերդիցը քաղաքի հայերի և նրանց ապրանքի ոչնչացմանն ու զրաւման տա-

ճիկ գօրքի ձեռքով, հրամանատարութեամբ Վանայ փաշային *):

Բայագէտի սուս պահակ գօրքի թիւը՝ 1500 էր, իսկ վանայ փաշայի գօրքի թիւը՝ 15,000 որով պաշարւեցաւ քաղաքը:

Սկուեցաւ սարսափելի արիւնահեղութիւն և կոտորած:

Թէպէտ և ոսները քաջութեամբ էին կրուում, սակայն թշնամու բազմութեանը չկարողացան դէմ դնել: Իրիզնապահին տաճիկները տիրեցին քաղաքին:

Կենդանի մնացած սակաւաթիւ սուս զինւորներն, նրանց հետ և հայկական գունդը, բերդը քաշւեցաւ:

Այդ տեսնելով քաղաքի տաճիկ ազգաբնակիւթիւնը տաճիկ զինւորների կողմն անցաւ և նրա հետ միասին սկսեցին կոտորել տեղական հայերին:

Վերջտպէս զիշերը վրայ հասնելով կոտորածին վերջ տրւեցաւ: Թէպէտ և միւսնոյն ժամանակ, ողջ զիշերը ճիշ ու աղաղակներ ձայներն անպակաս էին հայկական թաղում, ուր տաճիկ քաղաքացիները ցրւած իրանց ծանօթ հայերի տներում թալանում, պղծում, սպանանում էին անխտիր ամեն տեսած, պատահած ու բռնած հայ մարդու:

*) Акты, VII, кр. 806—807:

Ծէ.

Հայ ազգաբնակութեան հետ տեղի ունեցած այս գիշերային եղեոնական դրաման այլևս չըկարողացաւ տանել Բայազէտի հայկական դունդը՝

Ուստի հէնց որ լուսացաւ նա պահանջեց և թոյլաւութիւն ստացաւ յարձակողական դիրք բռնելով թշնամուն դուրս քշել քաղաքից։

Յիշելով այն աղէտները, որ նախընթաց գիշերը իրանց գերդաստաններին հասցրին թշնամու կողմն անցած իրանց տաճիկ դրացիները, հայկական զնդի ամեն մի զինւորը մի-մի առիւծ էր դարձել և տաճիկների տների վրայ յարձակելով փոխադարձաբար կոտորում էր ամեն մի տեսած, պատահած ու բռնած տաճիկի։

«Հազարից աւելի դիակները, — գրում է ուսուականատես պատմիչը, — թափւած փողոցներում վկայում էին թէ որպիսի կատաղութեամբ և շարաշար պատժեցին հայերը՝ իրանց դաւաճանած տաճիկ դրացիներին։ Հայկական զնդի այդ կրուից յետոյ տաճիկ զօրքը թողնելով քաղաքը՝ խոյս տւեց և զնաց կանգնեցաւ լեռների գլխին, ախտեղերից ամբողջ քաղաքը ոմբակոծելու դիտաւորութեամբ։

Բարերազգաբար տաճիկների այդ դիտաւորութիւնը գլուխ չեկաւ։

Փաշան հրաման ստացաւ անմիջապէս յետ դառնալ դէպի Վան և նրա պաշտպանութեան

մասին կարգադրել: Որովհետև Արգրումի անկ-
մամբ՝ Պասկևիչը կարող էր այն կողմ շարժել
իր բանակը:

ԾԸ.

Բայազէտի գլխին եկած փորձանքը Պասկե-
ւիչին հաղորդելով գենեռալ Պապովը հաստա-
տում էր, որ բոլոր շարիքները պատճառողը
քրդերն էին և յատկապէս նրանց ցեղապետ Սու-
լէյման աղան, որին Պասկևիչը ոսկիով գրաւած
ունէր իբրև թէ:

«Գալով հայերին, — շարունակում է Պապո-
վը, — պէտք է յայանեմ, որ նրանք շատ օրինա-
կելի են և հողւով նւիրւած ոսներին և հնազանդ
իշխանութեանը»:

Պասկևիչին շատ անհաճոյ թւաց Պապովի
նկատողութիւնը քիւրդ ցեղապետի նկատմամբ,
ուստի և հետևեալը գրեց Պապովին: Բոլոր Բայա-
զէտի դաւաճաններին, — տեղւոյն տաճիկներին, —
բանտարկեցէր: Սակայն քուրդ ցեղապետներին
ձեռք չառք, որ չլինի թէ զրգուին մեր դէմ
նրանց հպատակ քրդերն: Իսկ հայերի ցանձու-
րութեանը մի հաւատաք, վասնզի դա նրանց
երկչութեան հետևանքն է»:

Որքան որ գենեռալ Պապովը, իբրև զինուոր,
զիտէր և ճանաչում էր իր, իբրև ստորագրեալի,
պարտաւորութիւնը դէպի բանակի ընդհանուր
հրամանատարը, այնուամենայնիւ նա, իբրև

մարդ, չկարողացաւ տանել Պասկեիչի այն մեղադրանքը, որ նա բարդում էր հայերի վրայ ուստի և հետևեալ տողերն ուղղեց Պասկեիչին՝ «հայերը ամենավտանգաւոր ժամանակում այնքան անձնւիրութիւն ցոյց տւին մեզ, որ ես պարտք եմ համարում միջնորդել նրանց մասին Ձեր առաջ,— հայերը արժանի են, որ դուք լաւ կարծիք ունենաք նրանց մասին»):

Թերևս այս, չեմ ասում հայասիրութեան, այլ ճշմարտասիրութեան համար էր, որ պատերազմը վերջանալուց յետոյ, Պապովը ստիպւած էր հեռանալ Պասկեիչի մօտից, կովկասից:

ԾԹ.

Պասկեիչը մի կողմից Բայազէտի հայերի անձնւիրութեան անկեղծութեանը չէր հաւատում, միւս կողմից Արզրումի մէջ՝ Խնուս քաղաքի հայ պատգամաւորութեանն էր ընդունում, որոնք իրանց ձեռքով իրանց բերդի բանալիները ուս զօրքի հրամանատարին էին յանձնում:

Բանալիներն ընդունելով Պասկեիչը մի վաշտ Խնուս ուղարկեց բերդին տիրելու: Բայց մինչև այդ՝ Խնուսի շրջակայ քրդերը թալանեցին հայ գիւղերը, ժողովրդի մի մասին կոտորեցին, միւսներին դէպի Մուշ քշեցին:

Խնուսից ուսներն անցան Բարբերդ, որին, հայ և յոյն ազգաբնակութեան աջակցութեամբ՝ ձեռաց տիրեցին:

Այդ օրերումն էր, որ Արզրումի տաճիկ ժողովուրդը խորհուրդ խորհեցաւ մի գիշերւայ մէջ յանկարծակի յարձակուել հայերի և ոսնների վրայ և կոտորել:

Բարեբաղդաբար հայերը շուտ իմացան և ոսներին զգուշացրին:

Դաւաղիրների գլխաւորները 12 նշանաւոր տաճիկներ էին, որոնք Երևան ուղարկեցան: Դաւաղիրների որոշմունքն այն էր, որ Արզրումի տաճիկ ազգաբնակութիւնը տեղւոյն հայերի և ոսնների վրայ պիտի յարձակուէր, իսկ Մուշի և Վանի փաշաները՝ ուսասկան բանակի վրայ: Եւ թէպէտ, ինչպէս ասացի, այդ բանը գլուխ չեկաւ: Սակայն հայերի աշալըջութիւնն էլ անպատիժ չմնաց:

Արզրումի շրջակայ հայ գիւղերը քրդական հրոսակներից լաւ կողոպտեցան ու աւերեցան, առանց որևէ օգնութիւն ստանալու ոսնների կողմից:

Դեռ այդ բաւական չէ: Պասկևիչի հրաւիրանօք՝ Արզրումի հայերից մի գունդ կազմեցաւ, որոց վրայ պարտք դրեցաւ քաղաքի անդորրութեան և տաճիկների գործունէութեան վրայ հսկելու:

Հայկական այդ գունդը սպիտակ դրօշակ ունէր: Եւ մէն մի զինւոր իր ձախ կրծքի վրայ կարմիր մահուդից շինած խաչ էր կրում:

Բնական է, որ Արզրումի հայերի այդ, և դրա նման մի քանի աչք ծակող ուսասիրու-

թիւնը տաճիկներին դիւր չէր գալիս, և նրանք շարունակ ատամներ էին կրճտացնում հայերի դէմ: Սակայն վերջիններս ոչ մի ուշադրութիւն չէին դարձնում տաճիկների և նրանց հոգեբանութեան վրայ: Որովհետև իրանք համոզւած էին, որ Արզրումը այլևս ոսնների ձեռքիցը դուրս չէ գալու:

Սակայն 1829 թ. սեպտ. 2-ին կայացած Ադրիանապոլի դաշնագիրը եկաւ սառը ջուր ածելու հայերի գլխին: Յայտնի է, որ այդ դաշնագրի զօրութեամբ Արզրումը յետ էր դարձելու տաճիկներին: Եւ ոսները պարտաւորում էին դատարկել այդ քաղաքը:

Այդ լուրը կայծակնահար արաւ Արզրումի հայերին, մասնաւորապէս և տաճկահայ ժողովրդին ընդհանրապէս: Ահա թէ ինչու:

Կ.

Մենք տեսանք, որ տաճկահայ ժողովուրդը պատերազմի բոլոր տեսողութեան միջոցում բացի այն՝ որ ոսներին առաջնորդում էր, նրանց անցքեր ու ճանապարհներ էր ցոյց տալիս, բացի այն՝ որ ուս բանակներին խաչ ու խաչվառով էր դիմաւորում և իրան խաչներն ու եզները նըրանց առաջ մատաղ անում, բացի այն՝ որ նըրան պաշար էր մատակարարում թէ իրանց և թէ օսմանեան տէրութեան ամբարներից սրանց տեղերն ու ճանապարհները ոսներին ցոյց տա-

լով, բացի այն որ բանակների հայ կապալառու-
ներն՝ միևնոյն ժամանակ լրտեսների պաշտօն
էին կատարում յօգուտ ռուսների,—այլ նաև տաճ-
կահայ ժողովուրդը՝ կանոնաւոր գնդերով ու
խմբերով գէն ի ձեռին ռուսների հետ կուռում էր
օսմանցիների,—իբ տիրապետողների գէմ:

Եթէ այս ամենի վրայ աւելացնենք Արզրու-
մում տեղի ունեցած ցոյցերն նոյն իսկ տաճիկ-
ների կրօնային զգացմունքներին հասցրած վի-
րաւորանքներն տաք գլուխ երիտասարդների
ձեռքով,—այն ժամանակ շատ հասկանալի կը
լինի թէ ռուս զօրքի յետ քաշուելուց յետոյ տաճ-
կահայ ժողովրդին ինչ էր սպասում, թէ ինչ և
քանի տեսակ վրէժխնդրութիւնների գոհ պիտի
գնար այդ ժողովուրդը,—գէթ նրա մեծ մասը:
Եւ ահա թէ ինչու տաճկահայ ժողովրդի սրտի և
հոգու մէջ առաջ եկաւ մի անյաղթելի ցանկու-
թիւն, մղում գաղթելու որքան կարելի է շուտ:
Ռուսական քաղաքականութեան ուղածն էլ
հէնց այդ էր:

Պատկերիչը տակաւին 1828 թւականին գրում
էր մինխտորին, որ Ալսալքալաքի կողմերում շատ
պատուական հոգեր կան որոնք թէ ըստ կլիմայի
և թէ ըստ իրանց միւս յատկութիւնների շատ
յարմար են հայ գաղթականներ բերելու և բը-
նակեցնելու:

Հէնց այս նպատակաւն էլ էր, որ Աղբիա-
նապօլի դաշնագրի մէջ յատուկ յօդւած էր մըտ-
ցրած, որով երկու տէրութիւնների հպատակնե-

ըին իրաւունք էր տրւում, յընթացս մէկ ու կէս տարւայ, գաղթելու:

Նախ քան Ադրիանապոլի հաշտութեան կընքելին տաճկահայերից շատերը, ապագայ չարիքները նախատեսնելով, ուզում էին Ռուսաստան գաղթել, սակայն Պասկևիչը ամեն կերպով խանգարում և խարանում էր, որովհետև քրիստոնեայ տարրի գաղթմամբ ուս զօրքերը այնուհետև ոչ միայն զրկւում էին նրանց մատուցած ծառայութիւններից, այլ նաև շրջապատւած կը լինէին թշնամի տաճիկ ազգաբնակութեամբ և եթ:

Իսկ այժմ, երբ յարմար ժամանակն եկաւ, Պասկևիչը ինքը առաջինն եղաւ գաղթականութեան հարցը բարձրացնողն ու առաջ մղողը ի հարկէ ոչ եթէ յանուն քաղաքականութեան, այլ իբրև թէ յանուն կարեկցութեան և մարդասիրութեան: Ահա այն գրութիւնը, որով Պասկևիչը 1829 թւականի հոկտեմբերի 10-ին դիմեց կայսրին:

ԿԱ.

«Այն խաղաղութիւնը, որ Ձ. Կ. մեծութիւնը բարեհաճել էք շնորհել բարձրագոյն դռանը՝ Ձեր Օգոստափառ անւանը օրհնութիւն բերեց այսքան միլիօնաւոր մարդկանց կողմից: Բայց այստեղ, Ասիայում, ընդհանուր ուրախութեան մէջ այդ բերկրութեան լուրը իրաւացի տրտմութեան մէջ ձգեց ժողովրդի այն մասը, որ արժանի է

մեր կարեկցութեանը թէ շարունակ կրած տա-
ռապանքներով ու ուսական գէնքի յաջողու-
թեանը ցոյց տւած համակրանքով և թէ այն
թշառ ապագայով, որ նրան սպասում է, եթէ
Չ. Կ. Մ. հօր բազկի հովանաւորութեան ներ-
քոյ նա չի գտնիլ ապահով ապաստան ընդդէմ
այն հալածանքների, որ նրան սպասում են: Այն
հեռաւոր երկիրներում, ուր քրիստոնէութիւնը
լընթացս այնքան դարերի ճնշւած է անօրէն լծի
տակ, Չ. Կ. Մ. զօրքը վախ չունէր որևէ թըշ-
նամական ցոյցից հայ և յոյն ազգաբնակութեան
կողմից: Եւ մինչդեռ այս պատերազմի ժամա-
նակ ենթադրելու էր մեր կրօնակիցների մէջ
լոկ անտարբեր զգացմունք շնորհիւ մեր զօրքի
օրինակելի վարքին, վեհանձնութեանը և քաղցր
վարուեցողութեանը, մենք այդ կրօնակիցներին
գտանք մեզ զինակից և եռանդուն աջակից, և
այնուհետև որքան որ տարածւում է Չերզ մե-
ծութեան փառքը, այնքան աւելի շատանում էր
այն գերդաստանների թիւը, որոց թէ անձնա-
կան և թէ կալւածական ապահովութիւնն այդ
պատճառաւ ահա անյուսալի էր դառնում»:

ԿԲ.

«Բայագէտում, — շարունակում է Պասկեիչը,
երկու հազար հայեր մեր զօրքերի հետ միասին
պատերազմում էին: Արզրումում քրիստոնեայ
ազգաբնակութեան մեծագոյն մասը իր հովուա-

պետի (Կարապետ արքեպիսկոպոսի) առաջնորդութեամբ զիմաւորեց մեր զօրքին: Կարսում հայերից կազմւած մի վաշտ հետեակ և մինչև 800 հայ հեծելագունդ մեր սահմաններն էին պաշտպանում:

«Այն գերդաստանների թիւը, որոց անխուսափելի վտանգ է սպառնում, մօտ 10,000 է հասնում: Բարեհաճեցէք, ով ամենաողորմած թագաւոր, Ձեր կարեկցական ուշադրութիւնը դարձնելու այս դժբաղդ զոհերի վրայ, և մի թողնէք, որ օսմանեսան կամայականութիւնը վրէժխնդիր լինի նրանց՝ Ռուսիային ցոյց տւած նրանց համակրութեան համար: Այս պատճառաւ վստահանում եմ խնդրել Ձ. Կ. Մ. բարեհաճութիւնը, որպէս զի ինձ իրաւունք տրւի այդ գերդաստաններին տանել բնակեցնել Վրաստանում և հայոց նահանգում,—Երևանի կողմերում: Իսկ եթէ այդ երկիրները չբաւականացան,—Կովկասեան աշխարհում (Կովկասեան լեռների հիւսսային կողմերում):

«Թէպէտ և այս ժողովրդի սկզբնական բնակութիւնը հաստատելու համար՝ բաւականաչափ ծախք է հարկաւոր, բայց անկասկած յետոյ այդ ծախքը առատապէս կը փոխարինուի այն օգուտներով, որ սպասուում է այս աշխատասէր և զորձունեայ հասարակութիւնից»:

«Ըստ իմ կարծեաց՝ գաղթողներին իբրև օժանդակութիւն բաւական կը լինի, միջին հաշուով, 25 ռուբլի արծաթ ամեն մի գերդաստա-

նին, որ կանէ 250 հազար ուրլի արծաթ, կամ մէկ միլիօն թղթադրամ ամբողջ գաղթականութեան համար:

Եթէ ներկայ առաջարկութիւնս կարժանանայ Ձ. Կ. Մ. Բարձրագոյն հաստատութեան, — յայն դէպս բարեհաճեցէք իրաւունք տալ ինձ այս բարեգործական օժանդակութեան համար գործ դնել այն 100 հազար ոսկին, որ ինձ տրուած էր բրդերին մեր կողմը գրաւելու համար, և որից ընդամենը ծախս է եղել 10 հազար ոսկի *)»:

ԿԳ.

Այս գրութեանը ի պատասխան կոմս Չերնիշովը նոյեմբերի 10-ին գրեց Պասկևիչին, որ թագաւոր կայսրը նրա առաջարկները ընդունում և հաստատում է:

«Միայն, — աւելացնում է մինիստրը, — նորին Մեծութիւնը Չեր գեկուցագրից նկատելով որ հայերից շատերը մասնակցել են պատերազմական գործողութիւններին և իրանց քաջութեամբ ապացուցել են ինչպէս իրանց ջերմեռանդութիւնը, նոյնպէս և ընդունակութիւնը զինուորական ծառայութեան մէջ, — օգտաւէտ է համարում, որ այդ հայերի մի մասը բնակւի Ախալցխայում և նրա շրջակայքում, ուր նրանցից

*) Акты, VII, стр. 830, № 818:

մի վաշտ կազմւի մեր նոր սահմանները պաշտպանելու համար» *) :

Վայսեր թոյլութիւնը ստանալով Պասկեւիչը դեկտեմբերի 3-ին Վրաստանի նահանգապետին հրամանագրեց, որ իր նախագահութեամբ Թրֆլիգում մի յանձնաժողով կազմւի յանձնելով նրան գաղթականներին խնամելու և տեղաւորելու հոգսը, համեմատ այն ընդհանուր հրահանգին, որ Պասկեւիչը իր կողմից ուղարկեց նահանգապետին **) :

Այս հրահանգը բովանդակութեամբ նոյն է, ինչ որ մի տարի առաջ Պասկեւիչը աւած էր պարսկահայ գաղթականների համար: Այստեղ էլ աւած է, որ ժողովրդին — պէտք է գաղթեցնել խումբ խումբ, բնակեցնել արքունի հողերի վրայ, լեռնային տեղերի գաղթականներին բնակեցնել բարձր տեղերում, դաշտեցիներին գաշտերում, որ գաղթականները վեց տարի արքունի հարկ վճարելուց ազատում են և երեք տարի էլ՝ գօռու բեգեառից:

Գալով գաղթման պատճառին՝ Պասկեւիչը այսպէս բացատրեց նահանգապետին զրած առաջադրութիւնումը՝ «հաշտութեան լուր առնելով Տաճկաստանի հայերը ցանկանում են գաղթել մեր երկիրները և նրանցից շատերը այդ իրաւունքը խնդրում են որպէս առանձին ողոր-

*) АКТЫ, VII. кр. 831, № 819.

**) АКТЫ, VII, кр. 831, № 820:

մութիւնն առւսական տէրութիւնից առանց որևէ օժանդակութիւն պահանջելու»։

«Հայերի անսահման անձնւիրութիւնը, — շարունակում է Պասկևիչը, — որոնք պատերազմի ժամանակ, բազմաթիւ փորձերով, ցոյց տւին իրանց ջերմեռանդութիւնը դէպի ռուսաց զէնքի յաջողութիւնը, արժանի է որ նրանց վիճակին կարեկից լինենք և պաշտպանենք ապագայում նրանց սպառնացող մահմեդականների հալածանքներից և վրէժխնդրութիւնից»։

ԿԴ.

Վերևում յիշեցինք, որ գաղթեցնելու թոյլտուութիւն տրւեցաւ կայսեր կողմից՝ նոյեմբերի 10-ին, Պասկևիչը թուղթը ստացաւ նոյեմբերի վերջերին։ Բայց նախ քան թոյլտուութեան ստացւիլն ժողովուրդն սկսել էր շարժիլ և նրանց սայլերը, ձմռան բուք ու բորանին Բասէնի ճանապարհով դէպի Կարս էր ընթանում։

Թէ Կարապետ եպիսկոպոսը և թէ ազգեցիկ հայերը շատ աշխատեցան յետաձգել գաղթականութիւնը մինչև գարունք, որպէս զի ճանապարհները բացւին և հնար ու միջոց լինի կալւածները ծախելու ինչպէս որ գաշնապրով նախատեսնւած էր, — և ամենաանհրաժեշտ կարասին ու պիտանացու իրեղէնքը հետները վերցնել, — սակայն ժողովրդի մի մասը լսել անգամ չուզեց այդ խորհուրդը և անմիջապէս ճամբայ ելաւ։

Դրանք կարսի և Բայազէտի հայերն էին գլխաւորապէս:

Սակայն գաղթականների մեծ հոսանք՝ պիտի սկսէր առաջիկայ գարնանը (1830 թ.): Գաղթողների թիւն Պասկեիչը սկզբում 8000 գերդաստան էր հաշուում, սակայն վերջերում այդ թիւը հասաւ մինչև 14,000 գերդաստանի ըստ այսմ:

1) Արզրումի փաշայութիւնից	7298	գ.	
2) Արդահանի	»	67	գ.
3) Կարսի	»	2467	գ.
4) Բայազէտի	»	4216	գ.

Ընդամենը՝ 14,044 գ.

Ամեն մի գերդաստան միջին թւով 6 հոգի հաշուելով կանի 90,000 հոգի:

Ամբողջ գաղթականութիւնը բաժանւած էր երեք մեծ խմբերի—կարնեցիք, կարսեցիք և բայազէտցիք:

Նախ քան գաղթելը՝ ճիշտ է Սուլթան Մահմուդը հրովարտակ արձակեց յատկապէս հայերի համար, որ շքաղթեն: Պօլսոյ պատրիարքարանն ես մի յատուկ անձն,—Բարդուղիմէոս եպիսկոպոսը,—էր ուղարկել ժողովրդին յետ կասեցնելիք մտադրութիւնից, սակայն այդ ամենը ոչ մի հետևանք չունեցաւ գրեթէ:

ԿԵ.

Գաղթականների սուլարութիւնը, նրանց խնամելու անհրաժեշտութիւնը ի նկատի առնելով Պասկևիչը 1831 թ. մարտի 26-ին նորից կայսեր դիմեց գրելով՝ «սկզբում սպասում էինք միմիայն 8000 գերդաստանւ, բայց երբոր մեր զօրքերը, գաշնադրութեան համար, սկսեցին դուրս գալ մեր նւաճած երկիրներից, այն ժամանակ յոյները և գրեթէ բոլոր հայերը զարմանալի զոհողութեամբ թողնելով իրանց տներ և կալւածները, թողնելով ամեն բան, ինչ որ միայն կապում էր նրանց իրանց ծննդավայրի հետ, եկան իրանց գերդաստաններով մեր զօրքերի յետևից: Գրեթէ բոլոր առևտրականները և արհեստաւորները, ինչպէս նաև գիւղացիների մեծ մասը թողին Արզրումի և Կարսի փաշայութիւնները նրանց հետ եկան և երկու արքեպիսկոպոսներ, որոնք մեծ ազդեցութիւն ունին ժողովրդի վրայ: Բայագէտը բոլորովին ամայացաւ»:

Ամենանշանաւոր արտագաղթը կատարուեցաւ յուլիս ամսին: Ուստի և ժողովուրդը չկարողացաւ իր հունձը ժողովել, իսկ այստեղ էլ ցանքի ժամանակը բաց թողին, և տէրութիւնը չկամենալով նրանց սովամահ անել, պարտաւոր է նրանց կերակրել մի ամբողջ տարի մինչև եկող հունձը, որի համար՝ տեղիս հացի պակասութեան պատճառաւ՝ նշանաւոր դումար է պէտք»: Հեռաւոր ճանապարհների դժւարութիւնները կը-

ըելով, գոհելով այնտեղ իրանց ունեցածը, շատերն էլ բանիցս քրդերիցը թալանւելով,— այս բոլոր գաղթականներին յետին թշւառութեան է մատնել, և նրանց միակ յոյսը, մնացել է ուսաց ողորմութեանը վրայ»:

Ապա Պասկևիչը յայանելով որ սկզբում նըշանակւած գումարը արդէն ծախսւել է, դարձեալ 380,000 ուրլի է խնդրում փոխարինարար տալու գաղթականներին, որոնք «աշխատասէր են և ընդունակ իրանց ապրուստը հայհայթելու: Եւ անտարակոյս ժամանակին՝ աւելորդով կը փոխարինեն այժմ իրանց ստացածը:

«Անուշադիր թողնել գաղթականների կարիքը, իմ կարծիքով անկարելի է, ապա թէ ոչ իզուր կանցնին մինչև այժմ մեր արած ծախքերն և հոգատարութիւնը նրանց վրայ»:

«Ես կարևոր եմ համարում աւելացնել գաղթականների վրայ մեր հոգատարութիւնը, որպէս զի վառ պահենք ուսական տէրութեան այն շահաւէտ ազգեցութիւնը որ ունեցանք ասիական Տաճկաստանում և որի շնորհիւ մի ամբողջ ժողովուրդ գաղթեց մեր երկիրը» *):

ԿԶ.

Պասկևիչի այս միջնորդութիւնն ևս յարգեցաւ: Եւ շնորհիւ նախընթաց և այս վերջին դրա-

*) АКТЫ, VII, кр. 845, № 829:

մական օժանդակութեանը՝ տաճկահայ գաղթականները համեմատաբար քիչ ենթարկւեցան այն աղէտներին ու տառապանքներին, որոնց ենթարկւած էին երկու տարի առաջ պարսկահայ գաղթականները:

Ի վերայ այսր ամենայնի տաճկահայ գաղթականներն ևս զերծ չմնացին այն նեղութիւններից ու տանջանքներից, որոնք սակայն յատուկ են և անխուսափելի այսպիսի շտապ և մեծ գաղթումների ժամանակ առհասարակ:

Այդ նեղութիւնների մէջ ամենից աւելի ցաւալին այն էր, որի մէջ գաղթականներն ընկան իրենց բնակութեան տեղի նկատմամբ:

Պատկերչի հրահանգով, ինչպէս իր տեղում ասել ենք, գաղթականներին բնակութեան տեղ պէտք է արքունի հողերն յատկացնւէին: Սակայն ոչ ոք չզիտէր թէ արդեօք ձրոնք և ձրքան էին այդպիսի հողերը:

Ռուսաց տեղական իշխանաւորները արքունական էին համարել և ընդունել այն ամեն տաճիկների և լեռնականների հողերը, որոնք կամ ինքնաբերաբար, կամ Օսմանեան Առաջադրութեան գաղտնի զրդմամբ՝ ուսների ձեռքն անցած երկիրներից գաղթեցին Տաճկահայաստան՝ հայերի բաց թողած հողերն զբաւելու:

Այդ մահմեդական գաղթողների թիւը, ճիշտ է, տաճկահայ գաղթականների թւին չէր հասնում, — այնուամենայնիւ նրանց թողած հողերը բաւականութիւն կուտային տաճկահայ նորեկ

գաղթականներին, եթէ որ արդարև այդ հողերը արքունի դարձած լինէին, ինչպէս որ հաւատացած էին ուսաց տեղական իշխանաւորները:

Մինչդեռ բանից դուրս եկաւ, որ մահմեդականներից ոմանք՝ դեռ պատերազմի ժամանակ՝ շաապել և իրենց հողերը ծախել են մասնաւոր, տեղացի անհատների վրայ: Շատերն էլ նախապէս գիտենալով, որ եթէ իրենք պատերազմից յետոյ էլ գաղթել կամենան, — հաշտութեան դաշնագրի տրամադրութեամբ, — որոշեալ ժամանակում իրաւունք կունենան իրենց կալածներն վաճառելու, — երկայնատութեամբ համբերել էին պատերազմի վերջանալուն և հաշտութիւնը կնքւելուն:

Եւ երբ այդ տեղի ունեցաւ՝ սկսեցին այնուհետև հետզհետէ ծախել իրենց կալածները: Գնողներ էլ շատ գտնուեցան, հարկաւ այն յուսով, որ Տաճկաստանից գաղթող հայերին տան ի շահեցողութիւն և ի մշակումն: Զարմանալին և ուշադրաւ կէտը ներկայ պարագայում այն է, որ Ախալցխայի շրջանի կառավարիչ գնդապետ Դրէշէրնը, օրինակի համար, մի կողմից գաղթականների յանձնաժողովին ցուցակ էր ուղարկում թէ Ախալցխայում այսքան ու այսինչ արքունի ազատ հողեր կան, որոց տէրերը Տաճկաստան են գաղթել բոլորովին և այլևս յետ դառնալու չեն, իսկ միւս կողմից՝ այդ հողերի նախկին տէրերի անձնական ներկայութեամբ կամ նրանց հաւա-

տարմաթղթերով տեղի ունեցած վաճառքների
թղթերն էր հաստատում և վաւերացնում:

Կէ.

Գաղթականական յանձնաժողովը՝ հիմնւելով
Դրէշէրի նախկին գրութիւնների վրայ, հիմնւե-
լով նրա ներկայացրած իրրև թէ արքունի, ա-
զատ հողերի ցուցակների վրայ, — գաղթականնե-
րի մի մեծ խումբ Ախալցխա ուղարկեց, թւով
1600 գերդաստան: Դրէշէրնը իսկոյն նրանց տե-
ղափոխեց իր և գաղթականների նշանակած հո-
ղերի վրայ: Եւ գաղթականները՝ կառավարու-
թիւնից ստացած նպաստով՝ անմիջապէս ձեռ-
նարկեցին իրենց համար բնակարաններ շինել,
արհեստանոցներ հիմնել, տնտեսութիւն կազմել,
իրենց արւած արքունի ազատ հողերը վարել ու
ցանել:

Բայց ահա մէկգմէկու ետևից, կարծես նա-
խամտածւած ծրագրով, այդ հողերի իսկական
տէրերը լոյս ընկան և Դրէշէրնին ներկայացնե-
լով իր իսկ ձեռքով վաւերացրած կալւածագրե-
րը, պահանջում էին, որ նա կամ նորեկ գաղ-
թականներին գուրս հանէ իրանց պատկանեալ
տեղերից և կամ նրանց պարտաւորեցնէ սահմա-
նեալ հարկն ու տուրքը վճարելու կալւածատէ-
րերին:

Օրինաւոր իշխանաւորը, — Դրէշէրնը զիմելով
գաղթականներին ստիպում է անշուշտ բաւակա-

նութիւն տալ կալւածատէրերի գէթ երկրորդ և և «աւելի արգարամիտ և օրինական պահանջին»:

Գաղթականները մերժում են՝ յայտնելով, որ կայսեր խոստման համաձայն՝ նրանք վեց տարի արքունի հարկերից և 3 տարի զօռ ու բեզեատից ազատ պէտք է լինին:

Դրէշէրնը ուշադրութիւն չդարձրեց և շարունակեց իր սախամուկները:

Սկսեցան բողոքներ, գանպատներ, բանակցութիւններ, գրադրութիւններ:

Ուր ուրեմն Պասկելիչը միջամտեցաւ և կայսրից թոյլատուութիւն ստանալով՝ կալւածատէրերից կրկնապատիկ արժողութեամբ գնեց նրանց հողերը և վերածելով արքունի հողերի՝ յանձնեց գաղթականներին: Եւ այսպիսով վերջ տուեց նրանց նեղութիւններին այդ կողմերից:

Չանց եմ առնում նկարագրել միւս այն բազմազիմի նեղութիւններն ու զոհողութիւններն, որոց սախակեցան գաղթականները տանել իրանց նոր հայրենիքի օդի, ջրի և այլ պատահարների ու հարւածների երեսից: Այդ ամենը սպասելի էր: Եւ կառավարութիւնը գաղթականների այդ կարգի նեղութիւններն թեթևացնելու համար անում էր, ինչ որ կարող էր և ձեռնհաս անելու: Արդէն ասել եմ որ այդ կողմից տաճկահայ գաղթականներն՝ բաղդաւոր գանուեցան պարսկահայ գաղթականների համեմատութեամբ:

Սակայն մի բան, որ յատուկ էր ոչ միայն

պարսկահայ և տաճկահայ դաղթականներին, այլ նաև Անդրկովկասի բոլոր ազգերին անխտիր,— դա այն յոռի, վատթար կառավարութիւնն էր, որով կառավարուում էին այդ ազգերը ռուսական Արձևի հովանւոյն ներքև՝ տասնևիններորդ դարու հէնց սկզբից ի վեր:

ԿԸ.

Ահա այդ կառավարութեան թուլցիկ նրկարը, որ երևում է ռուսական պաշտօնական դօկումենտներում դեռ ևս Պասկևիչի օրերում, նրա սպարապետութեան ժամանակ:

«Ղազախի և միւս բոլոր գաւառների,— գրում է քննիչ Զավիլևսկին,— գիւղացիներն ևս անխտիր բոտ արտաքին ձեռն են ազատ, այն ինչ ի մօտոյ քննելով անկարելի է շտեմնել, որ նրանք,— գիւղացիներն ամենադառն ստրկութեան մէջ են գտնուում աղալարների և մելիքների ձեռքին»:

«Մանաւանդ զարմացքի արժանի է, որ հայերը, ճշմարտապէս հաւատարիմ լինելով տէրութեան, և ամենից շատ հակաձ լինելով դէպի արհեստները, երկրագործութիւնն ու առևտուրը, և վերջապէս կազմելով ամենաօգտաւէտ և գործունեայ յարրը այստեղի ժողովրդի մէջ, ստրուկ են թուրք ապստամբ աղալարների ձեռքում, որոնք թալանում են նրանց և բոլորովին աւերում միմիայն սու ռուսաց գահն ունեցած ջեր-

մեռանդութեան համար: Ոչ մի տեղ, բացի Վրաստանից, Պարսկաստանից, Տաճկաստանից, Եգիպտոսից և Աֆրիկեան աշխարհներից, քրիստոնեաները այս աստիճան ստրկութեան մէջ չեն գլորնուում մահմեդականների ձեռքին»:

ԿԹ.

Ահա և մի այլ քննչի, — ընթերցողին յայտնի Զուբարեօվի, — մի այլ նկարագիրը:

«Առհասարակ Ղարաբաղում մաղախների նայիրները ճնշում են ժողովրդին և մեծ անկարգութիւններ են անում, բայց Վարանդի մահալի նայիր սլրապորշչիկ Խուդաբը՝ գերազանցեց ամենքին: Ինքը լինելով անբարոյական և հարբեցող՝ շրջում է գիւղերը շրջապատած հարբեցող և յանդուգն ծառաներով և առանց որևէ պատճառի սաստիկ զանազոծում է բնակիչներին»:

Նոյնը անում են նաև նրա Միրզան (զրագիրը) և ծառաները: Միանգամայն առանց որևէ իրաւունքի նա ժողովում է արքունի գիւղերի բնակիչներից ամեն մի գութանից և ամեն մի չութից՝ մի-մի սոմառ ցորեն, առնում է դրամական տուգանք, առնում է կաշառք: Նոյնը գործում է և նրա Միրզա՝ Ասրի Բաբան գիւղացիներից ամեն մի տարի իրան համար 60 սոմառ հաց ժողովելով»:

«Ես ինքս, — շարունակում է քննիչը, — ահանատես եղայ Մելիք Խուդադի հետևեալ ա-

բարբրին: Ես շրջում էի Վարանդի մահալը: Վազարժի գիւղում մօտս եկաւ Մելիք Սուգաղը, ըստ սովորականին, հարբած:

Այդ միջոցին մի հայ մտադիր էր պսակելու նոյն գիւղացի մի այրի կնոջ հետ, և որովհետև մէջ տեղում ոչ մի արգելք չկար, վասն որոյ նրանք պատրաստուում էին նոյն գիշերն ևեթ պսակելու: Այս բանը լսելով՝ Սուգաղը արգելեց քահանային պսակի խորհուրդ կատարելու և իմ ներկայութեամբ՝ փեսայացւից 20 ոսկի էր պահանջում.

Բացի այդ հարսնացուին իր մօտ կանչելով՝ նրան զագիր առաջարկութիւնն արաւ:»:

«Իրաւունք շունենալով հրամայելու Սուգաղին իր անկարգութիւններին վերջ տալ, ես խնդրեցի նրան և մեծ դժւարութեամբ կարողացայ համոզել, որ չարգելէ պսակադրութիւնը: Վերջապէս քահանան իրաւունք ստանալով եկեղեցի գնաց պսակելու: Հետաքրքրութիւնից շարժւած ես էլ հետեցի նրան: Հագիւ սրբազան խորհուրդն սկսւած էր, ահա հարբած Սուգաղը եկեղեցի մտաւ և սկսեց զօրգոռալ և ամենաանպատկառ բաւերով յիշոցներ տալ թէ քահանային և թէ պսակողներին: Վերջապէս հրամայեց քահանային շուտով պսակը վերջացնել, որովհետև հարսնացւին նա իր մօտ է տանելու...»:

Հ.

«Մի կերպ ես համոզեցի Սուգաղին և հեռացրի եկեղեցուց: Ինքս էլ տուն գնացի: Բայց

անա գիւղից շփոթի և աղաղակի ձայներ եմ լըսում:

Պատճառն իմանալու համար մարդ ուղարկեցի, որ յետ գալով պատմեց թէ՛ Մելիք-Սուրադը մի պատուաւոր գիւղացուց, — քեթխուղայից պահանջել է նրան ընծայել իր հրացանը, բայց քեթխուղան բացասել է: Դրա համար էլ Սուրադը սկսել է փայտով թակել, ջարդել քեթխուղային: Հետևեալ օրը ես միւս գիւղերը գընացի, իսկ Սուրադը գիւղում երկու օր հարբեցողութիւն անելուց յետոյ մեկնել է միւս գիւղերը և ամեն տեղ առանց պատճառի սաստկապէս զանակոծել է բնակիչներին: Եւ ինչպէս ինձ պատմեցին, Եմիշջան գիւղումն էլ բռնաբարել է մի հայ կնոջ»:

«Վարանդի բնակիչներն բազմաթիւ խնդիրներ են մատուցել բարձր իշխանութեանը, բայց բաւարարութիւն չեն ստացել: Որովհետև ազգակցական նշանաւոր կապերի շնորհիւ Սուրադը օրէնքի չէ ենթարկուում»:

«Բնակիչները միաբերան ասում են, որ եթէ իշխանութիւնը այս նայիրից իրանց չազատէ, — ստիպւած կը լինեն գաղթելու այստեղից: Իմ գրածների ճշմարտութիւնը կը հաստատեն բնակիչները՝ եթէ քննութիւն բացւի, միայն թէ քննիչը Շուշեայ պաշտօնեաներիցը չլինի և քննութիւն կատարելու պատճառաւ՝ Մելիք-Սուրադը պաշտօնից հեռացնուի» *):

*) Ամենայն Հայ. կաթ. Ա. եր. 342—344:

ՀԱ.

Ռուս քննչի այս տողերի վրայ պէտք է աւելացնել և այն, որ, իրանց հերթում, ինչպէս մահմեդականները, նոյնպէս և Անդրկովկասի բոլոր միւս ազգերը՝ ամենադառն ստրկութեան մէջ էին գտնուում բիւրօկրատիայի ձեռին՝ կուսակալներիցն սկսել մինչև յետին պաշտօնեայն:

Որովհետև ինչպէս 1830 թւականում կատարւած սենատօրական քննութիւնից *) երևաց, ռուսների 30 տարւայ տիրապետութիւնից յետոյ էլ՝ Անդրկովկասը տակաւին կատարելապէս իր վրայ էր կրում նախկին իշխողների անհաշիւ, անսանձ, կամայական և անորոշ ձևի կառավարութեան դրոշմը:

Ամեն տեղ կառավարութեան այլևայլ ձևեր, ամեն տեղ իշխանաւորների պարտքերի և իրաւունքների անորոշութիւն, օրէնքի բացակայութիւն:

Մի տեղ ռուսական օրէնքը խառն տեղական օրէնքի և կառավարութեան հետ, մի այլ տեղ ոչ այս և ոչ այն, այլ լի ու լի և ամենակատարեալ կամայականութիւն:

Կայսերական հրամաններն ոչ միայն անգործադիր էին թողնուում, այլ բոլորովին նրանց հակառակ կարգադրութիւններ էին անում:

Այնպիսի իշխանութիւններ և պաշտօնէու-

*) АКТЫ, VII, стр. 1—13, № 1.

թիւններ էին սահմանւում և պաշտօնեաներ էին կարգւում, որոց միայն կայսրը կարող էր սահմանել ու կարգել:

Արքունի կալւածների ոչ տեղն էին իմանում, ոչ շափը և ոչ էլ արժէքը:

Կաշառակերութիւնը գազաթնակէտին էր հասել:

Ժողովրդական տուրքերը բազմազան էին և անթիւ: Ժողովուրդը տուրք էր վճարում ամեն տեսակ առևտրի և արհեստի համար:

Հարկից ազատ չէին նոյնիսկ կենսական մըթերքները: Ժողովուրդը հարկ կամ մաքս էր վճարում ոչ միայն տէրութեանը, այլև այն կալւածատիրոջը, որի կալւածի միջով տէրը իր ապրանքը ծախելու էր տանում մի այլ տեղ:

Բեգեառների համար գանձարանից գիւղացիներին հասանելի դրամը յաճախ իշխանաւորների գրպանն էր մտնում:

Բեգեառների ժամանակ այնքան հեռաւոր ճանապարհներ էին քշում, որ խեղճերի կենդանիները ճանապարհին երբեմն սատկում, վայր էին ընկնում: Եւ այդպիսի դէպքերում փոխանակ թշւառ գիւղացուն ազատ թողնելու, ստիպում էին իր հաշւով նոր կենդանիներ գնել և արքունի բեռ տանել տեղ հասցնել:

Արքունի հարկերի հաւաքումը մասնաւոր մարդկանց էր յանձնում, որոնք իրանց հաւաքած դրամները տեղական իշխանաւորների հետ բաժին էին անում: Իսկ պաշտօնական մատեաններ-

բումը այդ գումարները ժողովրդի վրայ ապա-
ռիկ էին հաշուում և շատ անգամ ստացւում էին
կրկին անգամ ի հարկէ, բռնութեամբ:

Անդրկովկասեան աշխարհոց տեղական իշխա-
նաւորները ոչ թէ օրէնքի պահպանման, այլ
օրէնքի ոտնահարման տիպարներ էին: Գողերին
բռնելիս՝ նրանք զողացած փողերն ու իրեղէն-
ները նրանց ձեռքից առնելով իրանց էին սե-
փականացնում: Նոյնիսկ գողերին և աւազակնե-
րին հովանաւորում էին, որպէսզի կրկին և կր-
կին շահուին նրանցմով:

Աշխարհագիր եղած շէր:

Ժողովրդի թւի ճիշտ ցուցակներ չկային:
Ուստի պետական պաշտօնեաները, երկար տա-
րիների ընթացքում, իրանց գրպանն էին դնում
այն հարկերը, որ իրանց ցուցակներից դուրս
մնացած ժողովրդիցն էին հաւաքում:

ՀԲ.

Երմուլով կուսակալը մի տեսակ դատարան
էր հիմնել բաղկացած 4 թուրքից կամ հայից
Դատարանի նախագահը՝ միշտ զինւորական սը-
պայ էր լինում, որ կոչուում էր կօմենդանտ:

Այս դատարաններն, — աւելի ճիշտը այս դա-
տարանների նախագահներն, — ամեն մի գործի
նախնական քննութիւնը իրանք էին կատարում,
յետոյ՝ իրանք էին դատաստան տեսնում կամ

դատում և վճռում իրանք իրանց վճիռը ի կատար ածում: Բողոքելու իրաւունք չկար:

Դատարանների միւս անդամների պարտականութիւնը ոչ այլ ինչ էր, եթէ ոչ անտրտունջ և անպայման հնազանդիլ իրանց նախագահի կարգադրութիւններին: Հակառակ դէպքում նախագահը նրանց ևս պատժում էր: Որովհետև դատաւորները, մեծ մասամբ, անզրադէտ մարդիկ էին լինում, ուստի երբ նրանք մի գործի համար դատարան էին հրաւիրւում՝ դատելուց առաջ՝ մի թերթ սպիտակ թերթի վրայ դնում էին իրանց կնիքները և յետոյ դատավարութեանը ներկայ լինում: Նրանց զննալուց յետոյ՝ կօմենդանտը կնքւած, սպիտակ թերթի վրայ յետոյ գրում էր դատարանի վճիռը:

Այսպէս ուրեմն՝ յաճախ միմիայն պօրուչիկի աստիճան ունեցող կօմենդանտից էր կախւած ժողովրդի իրաւունքը, նրա կայքը, նրա պատիւը:

Սակայն լինում էին դէպքեր, երբ այս դատարաններն ևս նախանձելի էին դառնում, ուր մեղադրեալը գոնէ խօսելու, բացատրութիւն տալու առիթ էր ունենում:

Երբեմն այնպիսի դէպքեր էլ էին տեղի ունենում, երբ մարդկանց, առանց քննութեան և հարցուփորձի, ուղղակի կեանքից զրկում էին կախելով կամ խեղդելով:

ՀԳ.

Եւ այս գրութիւնը Անդրկովկասում տիրում էր ոչ թէ մի երկու տարի, այլ տասնեկաւոր տարիներ: Մի տեղական քննութեան հետևում էր ուրիշը, մի սենատորական քննութեան յաջորդում էր երկրորդը, սակայն ժողովուրդը չէր կարող ազատել իրան վրայ կառավարիչ կարգւած, քրիստոնէի սնդոյրով շպարւած խաներից և սարդարներից, — բիւրօկրատիայի այդ սիւներից, որոնք ամենամանխիղճ կերպով կեղեքում և տրորում էին թշուառ ժողովրդին: Վերջինս էլ ուսաց լեզւին և օրէնքին անտեղեակ 1837 թւին, երբ Նիքողայոս Ա. կայսրը Արարատեան աշխարհին այցելեց, տարօրինակ ձևերով էր արտայայտում իր բողոքները: Նա, ժողովուրդը կայսեր անցած ճանապարհների վրայ չորացած ցախ ու խոտ էր փռում և հէնց կայսեր աչքի առաջ կրակ տալիս, ուզելով հասկացնել կայսեր թէ ահա մենք էլ այսպէս ենք այրւում մեր իշխանաւորների ձեռքից:

Սարդարապատցի մի հայ մի նիհար և լերկ աքաղաղ ներկայացրեց կայսեր: Երբ զարմացած կայսրը կամեցաւ պատճառը իմանալ, — նրան բացատրեցին թէ՛ գիւղացին կամենում է ասել, որ կայսեր պաշտօնեաները ժողովրդին այն աքաղաղի օրին են հասցրել:

Գաւառական ժողովրդի այս ասիական ձե-

ւերով արտայայտուած բողոքներէց տարբեր եղաւ
Երևանի ազգաբնակութեան բողոքը:

Երևանցիք զրաւոր մի բողոք էին պատրաստել
Կայսեր տալու՝ իրանց իշխանաւորների դէմ: Սակայն
ոստիկանութիւնը թոյլ չտուեց: Բողոքարկունները
չվհատեցան սակայն:

Երբ սարգարի պալատում Կայսրը իր շքախրմբի
անդամների հետ ճաշի նստեց, դրսի ժողովրդի
աղմկալի ձայներ լսեցան թէ «խնդիր ունինք
տալու, չեն թողնում»:

— «Այս ինչ ձայներ են» հարցրեց Կայսրը:

— «Ժողովուրդը Ձերդ Կայսերական Մեծութեան
շնորհաբեր գալստեան պատճառաւ՝ իր ուրախութիւնն է
արտայայտում» պատասխանեց կուսակալ
բառօն Ռօզէնը, որ Կայսեր սեղանակից էր:

ՀԳ.

Իսկ այս կուսակալի ինչ պտուղ լինելը ցոյց
տալու համար՝ բաւական ենք համարում հետևեալ
իրողութիւնը հրապարակ հանել:

Էջմիածնի պահարաններից մէկում մեծ զգուշութեամբ՝
հայրապետական մի խոյր (թագ) էր պահուում
թանկագին քարերով զարդարուած:

Բազդի բերմամբ այդ թանկագին թագը, իր
ժամանակին, իշխան Տիցիանովի և գեներալ Նէսովէտայի
ճանկը չէր ընկած, երբ սրանք 1805 թ.ին,
էջմիածնի ամբողջ հարստութիւնը,

— ոսկէզրամներն, անօթ ու մասունքներն, թանգարժէք զգեստեղէնքն, վեր առան և տարան իբրև թէ պարսից ճանկը չձգել տալու համար:

Սակայն թանկագին թագի գոյութիւնը ոմանց յայտնի էր: Սրանց թւում և Ռօզէնին ու իր կնոջը, — պառօնէսա Ռօզէնին:

1833 թւին կուսակալը իր թիկնապահ Եագիկօվսկին մի պաշտօնական յանձնարարութեամբ էջմիածին ուղարկելիս՝ յանձնարարել էր նրան նաև յայտնել կաթողիկոսին, որ բառօնէսան շատ է ցանկանում էջմիածնի հայրապետական թագը տեսնել:

Տիկնոջ այդ ցանկութիւնը նրա ջերմեռանդութեանը վերագրելով՝ Յովհանէս կաթողիկոսը՝ իր մօտ թարգման կարգւած Մկրտիչ Քարտաշեան պաշտօնէի ձեռքով թագը Թիֆլիզ կուսակալին ուղարկեց:

Բարօնեսան թագը վեց ամիս իր մօտ պահելուց յետոյ՝ թագի վրայի թանկագին քարերը՝ կեղծ քարերով փոխանակեց և կաթողիկոսին վերագարձրեց:

Այս խարզախութիւնը կատարւեցաւ Թիֆլիզեցի Կուսիկեան ակնավաճառի ձեռքով, որ զրա համար կուսակալից ստացաւ ոսկեայ մեղալ վզի, իսկ նրա կնոջից 300 ոսկի աշխատանքի վարձ *):

Սրանք էին ահա Անդրկովկասեան երկրի

*) Ամենայն Հայ. Կաթ. Բ. եր 394:

առաջնակարգ իշխանաւորները, իրանց նման և
աւելի վատթար երկրորդ, երրորդ և չորրորդ
կարգի իշխանաւորներով, որոց ձեռքին տառա-
պում ու տանջում էր ամբողջ ազգաբնակու-
թիւնը:

ՀԵ.

Պատմութիւնը աւանդում է թէ երբ 1829
թւին ոսները տիրեցին Արարատեան աշխարհին՝
հնդկահայերի ուրախութեանը չափ չկար:

Նրանցից շատ շատերը այն աստիճան ու-
զևորւեցան մայր հայրենիքի ազատութեան լրով,
որ կամենում էին տեղափոխուել այնտեղ: Միւս-
ները իրանց կտակները պատրաստեցին յօգուտ
հայրենիքին: Եղան այնպիսներն էլ, որոնք այժ-
մեանից ևեթ ցանկացան իրանց խոշոր դրամա-
զլուխները տեղափոխել Հայաստան՝ տեղւոյն
տնտեսական վիճակը բարձրացնելու, ծաղկեցնե-
լու նպատակաւ: Դրանցից էր Յովսէփ Յովհան-
նիսեան Ամիրխանեանց, որ 1829 թ. հոկտեմբե-
րի 20-ին Ներսէս արքեպիսկոպոսին մի ընդար-
ձակ նամակ գրելով՝ խնդրում էր ծանուցանել
իրան թէ՛ «Ռուսիան ինչ մտադրութիւն ունի
մեր ազգի վերաբերութեամբ՝ արդեօք ինքը տի-
րապետելով պիտի կառավարէ Հայաստանը, թէ՛
պիտի դարձնէ նրան իր տէրութեան մի առան-
ձին անկախ մասը»:

Այնուհետև յայանելով որ ինքը տարեկան

հինգ լաք ոււփի, (կէս միլիօն ուուրլի) եկամուտ ունի՝ Ամիրխանեանը ցանկութիւն է յայտնում ոուսաց կառավարութիւնից գնել «Ղարաբաղի աշխարհը Փայտակարանի հետ միասին, կամ թէ՛ մի ուրիշ հարկ տալ նրանց տիրելու համար» *):

Ամիրխանեանցի այս նամակը երկար ժամանակ ճանապարհներին մնալուց յետոյ՝ վերջապէս հասաւ Թիֆլիզ, որտեղից ուղարկւեցաւ Քիշնև: Աշտարակեցին նամակը ուղարկեց Պետերբուրգ Լազարեանին, իսկ սա էլ ոսերէն թարգմանութեամբ ներկայացրեց ժանդարմիայի շէֆ Բենդէնզօրֆ կոմսին: Սա էլ ներկայացրեց կայսեր, որ այս էր պատասխանել «Թող նա (Ամիրխանեանը) գայ այստեղ, իսկ նրա պահանջած տեղեկութիւնները ես ինքս կուտամ, երբ իրան տեսնեմ»:

Կայսեր այս պատասխանը Լազարեանը հաղորդեց ներսէսին, խորհուրդ տալով նրան՝ Ամիրխանեանցին Պետերբուրգ հրաւիրելու:

Թէ այնուհետև ինչ կատարուեցաւ: Հրաւիրեց արդեօք ներսէսը Ամիրխանեանցին Պետերբուրգ թէ ոչ: Եւ ինչ իմաստով կամ բովանդակութեամբ յայտնի չէ:

Այսքան միայն յայտնի է, որ ներսէսի Բեսարաբիա աքսորուելու լուրը՝ հնդկահայերի վրայ վատ ազդեցութիւն ունեցաւ:


Անշուշտ ներսէսը, որ շարունակ նրանց

*) Собр. актовъ, кр. 297.

հետ գրագրութիւն էր ունեցել, Բեսարաբիայից էլ նրանց կը ծանօթացնէր իր «որբացեալ ազգի» *) վիճակի հետ...

Ուստի փոխանակ Յովսէփ Ամիրլխանեանցի և այլ հարուստ հնդկահայերի Հայաստան փոխադրելն իրանց զբամազլուխներով՝ յանկարծ նրանց բողոքագիրը ստացւեց հայոց եկեղեցւոյ կառավարութեան համար 1836 մարտին սահմանւած կանոնագրութեան դէմ (Положение).

Հէնց այդ բողոքագրով էլ փակւեցաւ Հայկական հարցի այս չորրորդ շրջանը:



*) Բիշինևից Պասկևիչին ուղղած մի սարքագմով լի նամակում ներսէսը այսպէս է անւանում հայերին:

ՀԵՂԻՆԱԿԻ ԵՐԿԱՍԻՐՈՒԹԻՒՆՆԵՐԸ



- 1. Ձէնիաթ — զէնիաթ
- 2. Գլխազին
- 3. Ապօրինի զաւակը
- 4. Գինեղև
- 5. Ռաֆֆի «Կայծերը»
- 6. Կայինը քարին զպաւ
- 7. Մտորումներ
- 8. Պատմական Քաղաածներ Ա. պրակ
- 9. " " " Բ. "
- 10. " " " Գ. "
- 11. " " " Դ. "
- 12. " " " Ե. "
- 13. " " " Զ. "
- 14. " " " Է. "
- 15. Իսրայէլ Օրին և իր քաղաքական ծրագիրը
- 16. Հայկական հարցի երկրորդ շրջանը
- 17. Հայկական հարցի երրորդ շրջանը
- 18. Հայկական հարցի չորրորդ շրջանը

Ա պ ա ու ա ծ և ն

60 է
70 է

Դիմել՝ Եսկու, Հայ Գաղթականներին Նպաստական Ընկերութիւն:



